

लोलुच वुजिन्य

# लोलुच वुजिन्य

मोहिनी कौल

मोहिनी कौल



# लोलुच वुज़िन्य्

मोहिनी कौल

प्रकाशक

शोभा प्रकाशन

जम्मू।

© येमि किताबि हंघ सॉरी हकूक छि शायरा हन्दि नाव महफूज .

किताब - लोलुच बुज़िन्य

कवियत्री - मोहिनी कौल

नागरी कॉशुर तु नसतालीक श्वदु करनवोल : श्री पृथ्वीनाथ कौल 'सायिल'

छापन वॅरी - मई 2007 ।

कुल सफ - 192

तेदाद - 300

म्वल - 200/- रोपयि

कम्प्यूटर कम्पोजिना - शोभा क्रियेशन्स, नानक नगर, जम्मू।

फोन- 9419104787, 0191-2438676

सरवर्कु : श्री टी0 के0 शिशु ।

प्रकाशक : शोभा प्रकाशन, 217-ए, 7/7 नानक नगर, जम्मू।

फोन- 9419104787, 0191-2438676

छाप खानु - जे0 के0 ऑफसेट छापखानु, जामा मस्जिद, दिल्ली-6

किताब मेलनुक पता:- ● वीर हाउस, सरवाल चौक, जम्मू ।

● प्रो0 अमरनाथ धर, मकान न0-504, न्यू प्लाट, जम्मू ।



# अर्पण

प्राणव ख्वतु टाछि पनुनि पुनि  
शीरीनि हंजन गिंदुबाशन  
तु मोदरिस बोलबोशस



# तरतीब

| शुमार | नाव              | सफ़ न० |
|-------|------------------|--------|
| 1.    | ग्वड्डु कथ       | 01     |
| 2.    | दिल - दग - दुआ   | 03     |
| 3.    | स्यज़र तु श्वज़र | 09     |

## ग्वडन्युक बोग (मॉस्चफत तु लोल)

|     |                                  |    |
|-----|----------------------------------|----|
| 4.  | गणपतजियो छुय नमस्कार             | 21 |
| 5.  | म्योन वतहावुख                    | 23 |
| 6.  | तस बे निशानस                     | 25 |
| 7.  | अख नज़र करतु                     | 26 |
| 8.  | यिखना सालतु बनि दीदार            | 28 |
| 9.  | छि दीदन मंज़ लबान दीदार          | 30 |
| 10. | फ़व्लिहे दिलुकुय पोश             | 31 |
| 11. | मस चॉवनस                         | 33 |
| 12. | लोलुच नय                         | 34 |
| 13. | रोयि रोंबुल चे नूरान             | 36 |
| 14. | सँजदु कॅरय कॅरय छारुन्य          | 37 |
| 15. | हा मति दिलु करातु !              | 38 |
| 16. | रंज़ु नॉवनस जूग्य मस्तानन        | 40 |
| 17. | मायि तँहँन्जि रोज़ि बेदार वेसिये | 41 |
| 18. | तमाह छुम                         | 43 |
| 19. | यनय मे रोटमय तसुन्द दामन         | 44 |
| 20. | तनु वोन द्युतमसॉय                | 46 |
| 21. | शमाह दानुक शमाह                  | 47 |
| 22. | बु दोरान तस पतय                  | 48 |

|     |                                |    |
|-----|--------------------------------|----|
| 23. | दयि सुंदे लोल जोशय             | 49 |
| 24. | ऑंशि मते                       | 50 |
| 25. | जानानु लगुहय चॉनिस स्वबावस     | 51 |
| 26. | पर मनु नमः शिवाय लोलय सान      | 53 |
| 27. | खोत मे खुमार हा जूग्यराये      | 55 |
| 28. | तार दितु शंकु                  | 56 |
| 29. | मंज मौदरि ज्वले                | 58 |
| 30. | त्र पर्दु थॉवान                | 59 |
| 31. | चोन बासुन छुय मे टोठ           | 60 |
| 32. | भक्ति बावस बरतय माय            | 61 |
| 33. | पूर्य किन्य नोन सिर्ययि द्रामय | 62 |
| 34. | कॉच्चाह करय मंग मंगय           | 63 |
| 35. | अवतार दारे सदाशिव              | 65 |
| 36. | वछि वॉलिंजि दितु दर्शुनये      | 67 |
| 37. | हुसनु गंजिसुय वलुसय दुशालय     | 69 |
| 38. | रटुहॉव सतु कुय दामानय          | 72 |
| 39. | ओश रुकिथ छुम                   | 74 |
| 40. | चेश्मु वंदहॉय ना च्वपॉर्य      | 76 |
| 41. | लालाह बुथि क्याह !             | 78 |
| 42. | मूरयन आमय बहार                 | 80 |
| 43. | लोल हॅत्प ज़ार                 | 82 |
| 44. | लोल तु माये हेचमस ज़ाग         | 84 |
| 45. | वॅछस सुबहन गॅयस मंदरस          | 85 |
| 46. | करि मुशिकल आसान                | 87 |
| 47. | सु दीदार हावि कर!              | 88 |
| 48. | दया कॅरथम अज़ हॉविथ मे दर्शुन  | 90 |
| 49. | टाठि बबा ! दामान रोटमय मे चोन  | 91 |
| 50. | लोल हॅत्प आलव                  | 93 |
| 51. | रुत्प आलव                      | 95 |
| 52. | यियि हेम करार                  | 96 |
| 53. | दमन सुती थव बा लय              | 98 |
| 54. | चावतम लोल अमर्यथ               | 99 |

|     |  |     |
|-----|--|-----|
| 55. | कृपा कर पूरि पूरानय                    | 101 |
| 56. | दर्शुन दिजिहे रूजुय मे कल              | 102 |
| 57. | मायि चानि अँछ्य मे लोसम                | 103 |
| 58. | बागु बबुरिये                           | 105 |
| 59. | श्री जगननाथ शिवपूरी साँबुन बजर —अख याद | 107 |

## दोयुम बोग ( चु पँद्य )

|     |          |     |
|-----|----------|-----|
| 60. | चु पँद्य | 111 |
|-----|----------|-----|

## त्रैयुम बोग (अलग अलग आयस मंज शार, तु व्यस्थापन)

|     |                              |     |
|-----|------------------------------|-----|
| 61. | व्वल करुहॉव समचारुच कथ       | 123 |
| 62. | नेन्द्रे वँछुस पँतिमे प्यारे | 125 |
| 63. | जिंदगी तस बे माने            | 126 |
| 64. | ल्वकचारा शैहजारा             | 127 |
| 65. | सँच करेयम कमय कमय            | 129 |
| 66. | योदवय अँन्दरी ओश कांह चवन    | 130 |
| 67. | तेलिके ल्वकचारय              | 131 |
| 68. | दिल तस रिवान बेवायि          | 133 |
| 69. | कुनी दव अख                   | 134 |
| 70. | पनुन ह्यस                    | 135 |
| 71. | मनु कुय पोशिकुल              | 136 |
| 72. | सुय मे सितम गोम              | 138 |
| 73. | गजल                          | 139 |
| 74. | रंगु शिकार्यन साँल करुन      | 140 |
| 75. | कथय आयम                      | 141 |
| 76. | कति आयि तय कोत छु गछुन       | 143 |

|      |                                      |     |
|------|--------------------------------------|-----|
| 77.  | हेछ हेछी कूत हेछुन                   | 144 |
| 78.  | चलाह तर यपोर                         | 146 |
| 79.  | अँम्य मारुमँत्य मा तनु म्वख मे होवुम | 147 |
| 80.  | जमानस क्याह सना गव                   | 149 |
| 81.  | पनुन्य् ऑसिथ ति यसनु सहारय           | 151 |
| 82.  | आदुनुक हय यि बादाम                   | 152 |
| 83.  | कथा वनय                              | 153 |
| 84.  | अजनय कँह चलनुय                       | 155 |
| 85.  | मोत चाव दारे                         | 157 |
| 86.  | रोशि रोशि मंज पोशि वारे चावय         | 159 |
| 87.  | तोतु जोराह वारि चायि                 | 161 |
| 88.  | कुमिर तु कौस्तूर                     | 163 |
| 89.  | नेन्दरि मोत                          | 164 |
| 90.  | माय सर्दु सर्दुय —                   | 165 |
| 91.  | अख कथ                                | 167 |
| 92.  | यँम्बुर जल छि तोशन                   | 168 |
| 93.  | रतय अथव लीख्य शार                    | 169 |
| 94.  | बुलबुल छि इन्तिजारस                  | 172 |
| 95.  | विस्थापन                             | 173 |
| 96.  | व्यतरावुन वन छा यि सँहल              | 174 |
| 97.  | दग                                   | 176 |
| 98.  | नूर फवलि आलमस                        | 178 |
| 99.  | वल करवना अँस्य दुहाँयी               | 179 |
| 100. | वेसि कुन                             | 180 |
| 101. | दिलस लँज जीर                         | 182 |
| 102. | वनतम चोको                            | 183 |
| 103. | पर्दु तँल्य् दर्द ओश                 | 186 |
| 104. | मोत खोतमय प्यठ बालन                  | 188 |
| 105. | कनु दरि प्यठ हॉर                     | 189 |
| 106. | त्वति त्वति यिनुसय                   | 190 |



## ग्वडु कथ

परन वाल्यन आसि खबर जि येमि ब्रोंठ कॅड  
मे पनुन्य ग्वडनिच शाउ सौम्बरन ' शुहुल नार ' नावु  
बाज़र। अदु तथ म्यूल मे परन वाल्यन हंदि तरफ़  
सुती शाबाश। यथ बु पनुन्य ख्वश नसीबी ज़ानान  
छस । तमी द्युत मे ब्रोंठकुन शार वनुनुक होसलु । मे  
बड्यव उत्साह तु मे कॅड यि दोयिम किताब ति  
बाज़र। बु ह्यकुनु वॅनिथ जि यि कॅह मे वोन तु यथ  
किताबि मंज़ दर्ज कोर सु ति खस्या तिमन टारि किनु  
न। मे छे सुती पछ जि यथ किताबि मंज़ वुछन  
ज़ानन वॉल्य कॅछा नव्यर ति। अगर परनवात्य  
न्वक्तुचीनी करन तथ प्यठ यि नु तिमन ठीक बासि,  
स्व श्रोपरावु बु खोशी सान तु थवु पनुन्य कूशिश  
जौरी। युस परन वोल पनुन्य राय या नेक मशवउ  
दियि तसंज़ रोज़ बु स्यठा शुक्रगुज़ार।

बु छस नविसरु यि दोहरावुन यछान जि  
पननिस बाँय सॉब प्रो० ए० एन० दर साबुन्यु छस बु  
स्यठाह आबौरी यिमव मे प्यठ ल्वकचारु प्यठय अज़ताम  
पनुन शुहुल अथु थोव। परनु लेखनुच तु ईश्वर भॅत्ती

हुंज रुदिम प्रेरणा दिवान तु वथ हावान ।

मे छु येमि कथि हुंद अहसास जि बु छस नु  
तीच पॅरमुच । शार बोजुनुक तु फिरुनुक छुम हना  
बाश पनुनि माजि निश तौरमुत । तस ओस प्रान्यन्  
शारन हुंद स्यठाह शौक तु यादु वीतुर । तसुन्द मोल  
याने म्योन माजि बुङ्चबब (नानाजी) ' केशव जू  
राजदान ' ओस बॅहलि पायुक भक्ति कॅवी ।

अँजिच यि किताब छस बु पनुनि पोती 'शीरीन्य  
कौल' सुंदि नावु करान । येम्य सुंद बोलबोश तु  
यसुंजु गिंदुबाशि रोज़ु मे शार वनुनुच प्रेरणा दिवान ।

यि कॅह ति बु दयि लोलस या इन्सॉन्य मायि  
म्वहबतसं मुतलिक शारन मंज दौयरान छस, तथ  
सॉरिसुय मंज छु असुंद हुबाब ति वारयाह छेपिथ ।

मोहिनी कौल

## दिल — दग — दुआ

पँत्यम्यन अल पल द्वन दँह्यल्यन दौरान आव कौशरि शौयिरियि हुंद  
 दँर्ययाव यि दँप्यजि ति गुति, बुनिल्य हैटि सबबु यिथु कँन्य बाजे कान्ह  
 सौतुर जँमीन फटनस वातान छे तु नँव्य नाग वुजुन्य ह्यवान छि; तिथय  
 पौठ्य सपुद मजकूर वक्तस दौरान कँशीरि हँदिस अदबी मॉदानस मंज  
 हुति येति कौशिर्य पौठ्य शार वनन वाल्यन हुंद गुतजार सान जहूर। नँवी  
 नँवी नाव गयि कनन। काल पगाह छपेयि ताजु ब ताजु शौरु सौम्बरनु। तु  
 बास लोग ज़नतु कुलहुम कौशरि कौमुक तखलीकी व्वंदु व्वलसनस आव।  
 गामु क्यो शहर द्राय कौशर्यन कलमकारन हुंद ज़नतु जलूस। मर्दय  
 यौत्य न ज़नि ति। वारयाह वारयाह वॉसि किन्य जिछि ति तु कूसुति।  
 जिछन मुतलिक छु मुमकिन जि तिम आसु हन ब्रौटु प्यठय शार वनान।  
 मगर ननि द्रायि पज़नु पौठ्य मजकूर वॅरियन दौरानुय।

बुनिल्युक ज्वन प्यव नु मे यिथय, मजकूर दँह्यल्यन दौरान यिमव  
 गौर मोमूली वाकातव वार्यदातव मँन्जय असि कौशर्यन गुज़रुन प्यव  
 तिमन बुनिलिस सत्य मुशाबिहथ दिन्य बासि नु शायद मुबालगु। सॉनिस  
 सॉरिसुय हालस अवहालस लँज दुनन। अमली क्यो फिकरी क्यो जज़बॉती  
 सोथर्यन सपुद तलुक प्यठ। कौशिरि शौयिरियि हँदिस हातस मंज आयि  
 कँह र्वहजान खास पौठ्य बारसस। मिसाले ऐहतिजॉजी तु यलगॉर्य  
 खहजान या व्यदाख दिनुक तु वावेला करनुक रोहजान, यिमन चौर पहन  
 नेबर्य हालातन सत्य वाठ रुद। नतु नेबरु प्यठ पोत फीरिथ अंदर कुन  
 सफर करनुक रोहजान। अथ अंदर प्रॉव्य त्रायि द्रायि ज़ु नँन्य तर।  
 असरॉर्य बास तु अँकीदती ओहसास।

વુન્ય ક્યનસ છુ મે અકિ નવિ શારુ સોમ્બરનિ હુંદ મસવદુ દરદસ શાર વનન વાજન્ય છે મોહની કૌલ જી। મે છેનુ મુલય તિહુંજ કાંહ જાન ન તિહુંજિ વૉન્સિ ન્યસબથ તુ ન તિહુંજિ તૌલીમિ તરબિયેંચ યા કામિ કારસ મુતલિક । ચિનાચિ મ્યાનિ વુન્યક્યનચિ કુનિ તિ કથિ રોજિ વાઠ સિર્ફ મજકરુ શારુ સોમ્બરનિ સુત્ય। અમી શારુ સોમ્બરનિ તોર મે ફિકરિ જિ મોહની જી છે ઊતરુ ઊતરુ પ્યટ્કય તૈમી વાકૌતી સંહલાબન પનુનિ માજિ કૈંશીરિ હુંજિ સ્વખ શાન્ત ક્વછિ મંજ ગાંટિ હંધ પૌંદ્ય જૂંઠ દિથ નીમુચ તુ કૈંશીરિ ન્યબર દૌરિથ દિથ વુટકચન હાલાતન હવાલુ કૈંરમઘ । યેમ્ય વાકૌતી સહલાબન તૈસ્ય હિવ્ય લછિ બૈંધ, પતુ બૈંઙ્ય મૌર્મૈંન્ધ લોલુ મૈંત્ય તુ સૌંચિ હૈંત્ય કૌશિચ્ચ ઇન્સાન પાનસ સુત્ય ડુહિથ ની તુ અનજાન તુ ના પુરસાન અલાકન મંજ પરેશાન હાલ બનૌવ્ય ।

મનુશસ યેલિ કુનિ સાતુ વાકૌતી દ્વહ ઘનુક બીરુન, હડુ રોસ નાહિંજાર બાસુન હ્યવાન છુ તસ છુ પનનિ ઇનફરૌંદી તુ ઍન્દરુની વોજૂદુક જ્વન વ્યતલુન હ્યવાન તુ નતુ પાનસ બાલા સિરસૌવ્ય ક્વવતન હુંદ હ્યસ વુજનોંવિથ ઍકીદથ આબાદ તુ કામનાકાર બનાવાન । મતલબ યા છુ ઍસરૌંચ સફર શૌરુ સપદાન તુ છે અસરૌંચ બાવથ બારસસ યિવાન । તુ નતુ દિલચિ યેછિ પછિ દૈંસ્ય ઍકીદતી તુ પાન પુશરૌંવ શાયરી યા વનવ ભક્તિ બાવુચ તુ ભક્તિ રસુચ શૌંયરી થનુ પ્યવાન । બીરુની હાલાતન હુંદ ક્રેછર છુ બાજે અકિ તર્ફ વ્યૌદાખ ઘાવાન । તુ વૈંહ્ય તુ વાય કરનાવાન તુ બૈયિ તર્ફ ગુજરેમુત્યન ' ખાબ નાખ ' દ્વહન હુંદ ચ્યતુ ધોવ (nostalgia) બૈંનિથ વૌલિંજિ દગ નૌવરાવાન ।

જેરિ તબસરુ મુસવદસ મંજ છુ અસરૌંચ અનુહારુ બયાન । યેછિ પછિ વ્યતલેમુચ ઍકીદથ તુ અમાર, હાલાતન હુંદ ક્રેછર તુ તથ જામુત દોદ દગ તુ ગુજરેમુત્યન સ્વચ્છું સૌંવ્ય દોહન તુ સાજગાર ઍન્ધપચ્ચુક વુશનેર તુ વાશ તુ તેજૌંબ્ય તંતુર તુલન વોલ ચ્યતુ ધોવ તુ અથ સૌંચસુય કુન કૈંરિથ અચ જજબ હૈંચ કામના જિ માગુ જદ બાગન લૈંગ્યતન નવિસરુ સોન્તુક વ્વગુડુલુન તુ બાગુક્યન જાનાવરન બૈંન્યતન બૈયિ અકિ લટિ સૈંમિથ તુ રૈંલિથ સૌરુદ અનન વોલ ચુચ્ચ ગ્યુશ તુલુન ।

## लोलच गुजिन्य

प्यव बा मालि अँन्दरिमिस दानस, वारु वारु प्रज़ली त्यवंगलन रेह  
तिथे तचरय ग्रख यियी बानस। अनुबव संपदी रेहे हंज तेह ॥

वस बा मालि मंज़ सेंदे, वंदे प्रछिथुय मार बा छाल।  
सुय खसि ह्यथ केँह युस अथ मंदे, अथि यिनस म्वलुत्य लाल ॥

दयि सुंदे लोल जोशे पोश फोलिमो दूरिनय।  
पानि बदलय खूनि जिगरय सग मे द्युतमय डूरिनय ॥

जानानु लगहय चॉनिस स्वबावस, हावस छुमहा चानि दर्शनकुय,  
यिहँय कथ जेवि पनुने बावस, हावस छुमहा चानि दर्शनकुय।

जिंदु गुरनाह तावि प्यठ नारु तावस, बावि कुस कूत छुय सु व्यतरानय  
मायि चानि लोगमुत छुना सुं दावस हावस छुम हा चानि दर्शनकुय।

शीनु केँन्य गॉमुच मंज़ मे सँहरावस, यिखनतु कलि चानि छस शिठानय  
शेछ वातुनावुहय अथि चै कावस, हावस छुमहा चानि दर्शनकुय ॥

दियि हे दर्शुन कथ बो बावस, सतु ची कथा मे ति हावतुय।  
अडुछोव ज्ञान म्योन अनतो छावस, हावस छुमहा चानि दर्शनकुय ॥

पूरुय किन्य नोन सिरियि द्रामय, गरु चामय नचुने,  
जागि रूजसस तु डेंशामय, गर चामय नचुने।  
तोमलु मंज़य कजि नम हामय, दवह क्या आम फवलुने  
निशि प्रखट्योम घणशामय, गरु चामय नचुने ॥

तलय वेस्य तेलिकी पौट्य यितु राथा,  
साथा करहव कथा बाथा,  
फचि मचि वौलिंजि मेलि हे राहथा ।  
साथा करुहव कथा बाथा ॥



यनु रॉव रेशवॉर तनु प्यव ज्यतय ।  
रतय अथव लीख्य शार ॥



तेलि के ल्वकचारय बेयि यितु द्वह तारय ।  
प्रथ माग तय हारय, बेयि यितु द्वह तारय ॥



व्वल करुहॉव समुचारुच कथ,  
बेयि करुहॉव मिलुचारुच कथ ।  
यी गव पथ कुन स्वय गयि गफलथ  
व्वल करहॉव मिलु चारुच कथ ॥



मोहनी जी छे शार वनन वौलिस तथ दॅरिस मंज शॉमिल युंस  
प्रान्यन यसलु काशर्यन ग्वनमातन हुंघ पौट्य लूक् बौतन हुंजि लयि  
लॅहराव (मतलब rhythm) हिसाब शार गंडान आमुत छु । या वनव युस  
दोर तथ र्यवायती कौशरिस मीचु निजामस पौरवी करान आमुत छु यथ  
मंज आवाजन हंदि तेदाद छ्वचर जेछर त तगि तरतीब बजायि बावॅच हुंज  
अहसॉसी तु फिकरी खस वसि हुंद ज्वन रॅछरावनु यिवान छु । मोहनी  
जियिन् अकसर तु बेशतर मन्जूम छि चूँकि कौशरि मीच निजामुक्य परवर्द  
तवुकिन् गछन नु तिम मिसाले अर्बी फार्सी ओरुजु हिसाबु मेननु तोलनु  
यिन् । बु वनु यि ति जि अथ सौरिसुय कलामस प्यठ छे ग्यवन गंगराय  
चॅरुय पहन हॉविथ । तवय तु छु वारयाहन जायन वजनुक ह्योर ब्वन ग्यवन  
गंगरायि हंदि थख दिनु या ब्रॉह पकनची बरकॅच डंजि रटुन ह्यवान ।

मोहनी जी छे शाउ जौचव मंजु वचन हुस्यन तु रॅफ्य चालि क्यो  
हिकट आयि बौतनुय ग्वड बरुनुच कूशिश कॅरमुच । तु तिमनुय दौरान छे



## लोलुप बुझिन्

तिहंज दिनु दुबराय वारु पाँद्व महसूस सपदान तु तिहंजि बावेंच हुंद  
साजुत मेछर फांफलान । तिमव छि वाखु चालि ति शार गॅडिमुत्य तु  
मसनैवी आयि तु बयौनी नजमु ति लेछिमच तु गजलस ति नोव द्युतमुत ।  
लयि लहरावु हिसाबु आजाद रैवी वरतावान वरतावान छे काँफियि बँदयि  
तु रिदीफ वरताव रँग्य ति आम रूवाजि बजायि जाँती मरजियी रंजुनावनु  
आमुच । तु वाखन मंज वरतावनु आमुच लफजु चोर छे अँजिचि द्वह द्यनुचि  
जबौन्य नखु बासान तु न्वक्तु बावेंच तु बयानु छ्वचरु किन्य ललु वाखव  
खवतु ज्यादु शेखु श्रुक्य च्यतस पावान ।

“गणपत जियो छुय नमस्कार” उनवान अँकिस अकीदती मन्जूमस  
मंज छु अख ह्यस यिथु कँन्य ब्यदार सपदान तु अख कामना येमि आयि  
कनन गछान :-

येली चु तोशान, वौनी खुलान, चुय प्रथ कामे दस तुलान  
नवि अंदाजु वनुहा वचन, रटने आयस चोन दामन ।।  
नैव्य नैव्य बाव गँछय मे व्वपदुन्य,  
शूबिदार शार गँछिम हिरि खसुन्य ।  
करतम् अथुरोट सातु सातन ।  
रटने आयस चोन दामन ।।

म्यौन्य स्व दिलु कामना छे जि मोहनी जियुन कलामु दियिन  
नोजुक अँहसास स्वखन शनासन हुंदन दिलन जीर युथ अख नोव सोज  
हुति येति महफिल गरमावि ।

रहमान राही



## સ્યજર તુ શ્વજર

સેદિ દિલુચ ક્રય ગંયિ સ્યજર । સેદિસ પૌરવી કરુન્ય ગંયિ સ્યજરુચ પ્રાપ્થ પેન્ય । સ્યોદ વનુન તુ બૌવુન ગયિ સ્યજરુચ બાવથ । સ્યજર છુ ઇન્સૌન્ય ખસલેંચ હુંદ અસલી વસ્ફ । ઇન્સૌનિયત છે સ્યજરુ વર્તાવુ રોસ સ્વસ્વર । સ્યજરુક વર્તાવ છે હેંકીકી અમલ । સ્યોદ વેન્યજિ તેંસ્ય યસ વનુનસ, બાવુનસ, વરતાવુનસ, વ્યછુનાવનસ તુ વસ્વનાવનસ મંજ સ્યજરુચ સ્યજર વ્યાપ્ત આસિ । સ્યોદ ગવ સુય યસ નુ કાંહ છાય આસિ । સ્યોદ હેકિ સ્યજરુચી પૂજ કંરિથ । પ્રોન દોપ છુ 'સેદિસ હોલ કંર્યજિ ક્યાહ' । સ્યજર છુ સ્યજર યથનુ કાંહ ટોર છુ । સેદિસ છે સેજુય વથ બાતિ યિવાન । સેજિ બેંચતી હેરિ છિ સ્યજરુકી પૌવ્ય આસાન ।

રુદ વ્વન્ય શોદ આસુન । શોદ ગવ યથનુ બેયિ કેંહં રલુ આસિ । યથ નુ મલ આસિ યા યુસ ન્યર્મલ આસિ । યિમય કથુ બ્રૉંઠ કુન ઍનિથ છુ મે બાસાન જિ મોહિની કૌલ છે અમી સ્યજર તુ સ્વજરુચ અસ્વ મુજસમુ । પનુનિસ સેદિસ સાદુ મારિનિસ મંજ પાલનુ પ્યતરુનુ તુ રછિનુ આમુચ તુ છટિ બટિ દ્રામુચ યિ દર કોરિહન છે સ્વપ દેદિ અલસ્વેશ્વરી હુંજ સ્વ ફિદવી । ઔહંદ મારિ બુદ્ધ્ય બબ ઔસ કૌશરિ મેંત્તી શૌયરી હુંદ મશહૂર શૌયરિ સ્વૌ કેશવ રાજદાન । તિહુંજ મેંત્તી શારુ સૌમ્બરન છે 'કેશવ પ્રકાશ' નાવુ છાપ સપુજમુચ । દપાન મોહિનીજી હુંજ મૌજ ઔસ ઔમિસ વ્યથુવનુ બેહેવુન ધર્મ કથાયિ બોજુનાવાન તુ મેંત્તી લીલાયિ ગ્યવાન । યિ ઔસ મોહિની જિયિ સ્વ સ્વશ કરાન ।

मोहिनी जी हुंघ् बँड्य बाँय साँब गँयि प्रोफेसर अमरनाथ दर । यिम कुनि ति तारफुक्य  
म्वहताज छिनु । यिहुंजु अदबी तखलीक छि म्वलुवुनु यिवान । यिम छि ज्यादु अंग्रीजी  
जबॉन्य मंज लेखान । हालुय आव यिहुंजि अँकिस तखलीकी अख खास यनामु दिनु । यिम  
छि काँशरिस मंज ति शार वनान तु अख शारु सौम्बरन छख बाज़र ति कँडमुच । यिम छि  
गुलोकार ति तु संगीतस सुत्य ति छख दिलचस्पी । जनाब दर साँबुन्य प्रेरना ति रुज  
मोहिनी जी प्रथ विजि डखि यैम्युक तिमव पानु ति एतराफ कोरमुत छु । मोहिनी जी छे  
सानि शॉयरी स्थवायँच ललखोल कँरिथ अथ बँरचर करान तु रँछरान । स्थवाँयती शॉयरी  
छे अँमिस पसन्द । ग्वडनिच किताब ति छे यिहुंजु शारु सौम्बरनुय यथ ' शुहुल नार ' नाव  
छु । तथ रुज परन वाल्युन हुंज सही मंग तु शाबाँशी ति मीजिस । छाप शुदुह किताब ह्यु  
परन वाल्युव तु शौक वाल्युव धड़ा धड़ । अँम् चीज़न द्युत मोहिनी जियि तखलीकी क्ववँच  
वुतुश तु अँजिच यि किताब आयि बारसस । अथ मंज युस मवाद वर्तावुनु आमुत छु सु छु  
त्रन हिसन मंज बाँगरावुनु आमुत ।

ग्वडन्युक हिस - (मॉस्थफत तु लोल )

यथ हिसस मंज छि वारयाह रचनायि दर्ज । केंह मिसालु छि यिथु कँन्य:-

बे खबर पॉट्य यियि हे साथा योर  
दियि हे नज़राह च्वपॉस्थ मे वँन्य दिचॉम ।  
तस बे निशानस सारि राँचु वँन्य दिचॉम

दयि लोलाह क्याह गँनिरोवनम,  
उच कथु वँन्य वँन्य सँन्य राविनम ।  
जानु नॉवनस स्वरुन शब्दु ओंकार  
ग्वरु मालि लँगयो छुख शहसवार ।।

## लोलच युजिन्य

ह्यस व्यसरेयस दी दी नाल तु  
हा शैहजार तु गछतु बेदार ।  
अँछिवुय त्रावान बु अशिने चाल तु ।  
यिखना साल तु बनि दीदार ॥

● ●

सूहम् सू युस आव स्वरान,  
सुय पनुनुय छुय ज्ञानान पान ।  
हम गॅलिथुय छुय सू सू म्वचान ।  
नयि हुंद साज़ा, तँस्य वज़ान ॥

● ●

रंगुराह चयु रंग दिवानु,  
बे रंग पानु मत्यो हो ।  
चैय पथ गॉमुच बु देवानु ।  
जानानु मत्यो हो ॥

● ●

कॅशीरि बागन मंज बिहिथ,  
निमु हा तँती सोरुय चुहिथ ।  
सुय ओस मे क्युत जामि जमाह ।  
मे छा नतु जिंदु रोजुनुक तमाह ॥

● ●

सालु आमुत अज छु पानय,  
बरि बानय वॅन्यतो से ।  
शूबुवुन वुछतोस दहानय ।  
जानानय वॅन्यतो से ॥

● ●

जिंदु गुरनाह तावि प्यठ नारु तावस,  
बावि कुस कूत छुय सु व्यतरानय ।  
मायि चानि लोगमुत छुना सु दावस  
हावस छुम हा चानि दर्शनकुय ॥

कासी द्वख तु दौद्य बैयि गांगल,  
शिव करी अनुग्रेह चैय मंगल ।  
हंगु मंगु गछी उच कनुवानय ।  
वातख पानय परमस्थान ॥

मंज मोदरि ज्वले चाने कले  
वुछमख बालक रूपस मंज ।  
कलस जटायि त्रैविथ आसय ॥  
द्व्योकाह शूबान बुमुनुय मंज ॥

तौमलय मंजु कजिनम हामय, द्वह क्याह आम फवलने  
निश प्रैखद्व्योम घणशामय । गरु चामय नचुने ॥

शौमरिथ बेहमय नौमरिथ कारे,  
सौम रटि नाव म्यौन्य सदाशिव ।  
लोलाह बुरसय कन थवि तारे ॥  
अवतार यदारे सदाशिव ॥



## लोलुप मुजिन्य

छु ग्वरु मोल यस कृपा करान,  
सतुक प्रकाश तँमिस वुजान ।  
दयस रोजान सु पूजानय ॥  
रटुहॉव सतुकुय दामानय ॥

● ●  
जार हय बोजिह्यम वंदुहस वस तो,  
अछि वॉलिंज पेयिह्यम शैहजार ।  
रसु रसु अमिकुय ज़ुन पावस तो ॥  
बोजतो म्यॉनी लोलु हँत्य जार ॥

● ●  
च्यथ छय डलान कमन कमन,  
दमन सुती थव बा लय ।  
अदय पानय येन्द्रेय शमन ॥  
दमन सुती थव बा लय ॥

● ●  
ल्वति ल्वति यिनुसुय गुरया स्वनु सुंजु र्वनि ।  
म्वनि दिमु यो र्वनि ग्वडुनुय हा चैय ॥

ग्वडनिकिस यथ बँडिस तु ' मॉस्थफत तु लोल ' नॉव्य हिंसस मंज छि चरि ख्वतु  
चरि तखलीकु र्यवायती तर्जन प्यठ, यिमन मंज उत्यन संतन तु रुचन शखसियचन हुंज  
अँकीदत छे बयान आमुच करनु । दीवियन तु दीवताहन हुंज भँक्ती व्यनँच तु आराधनायि  
बावनु – अँशकि हकीकी आयि पनुनि लोलुक तु प्रेयमुक बाव छु व्यछुनावनु आमुत । यूतुय  
योत नु प्यठ कनि दर्ज मिसालव दँस्य छु बासान जि पनुनि ज़्यनु जायि माजि कँशीरि हुंद  
लोल तु पनुनि श्रोचि मैचि हुंद शैहजार कोताह छु मोहिनी जी हुंदिस शोदिस दिलस  
व्वलसावान त बाजे तंबुलावान । रंगाबु रँनाय तखलीकु छि मनस अख सनुवुन सोज

बखशान तु मस्त करान । किताबि मंज यिछु हिशि तखलीकु छे पनुन्य मिसाल पानय बनान ।

रुद व्वन्य दोयुम हिस् । यथ मंज छि चु पँद्य शॉमिल । यिम चु पँद्य ति छि पनुनि आयि सॉदुरवार तु नवि अनुमानुक्य । सैद्यन सादु लफज़न मंज छु भावु अमरुथ बँरुथ । केंह मिसालु छि यिम :-

वौन येस्प् आसी सुय छुय सनान,  
अथि तँस्प् यिवान सनि खतु सोन  
सतुचे गंगायि ग्वतु पूर दिवानं  
पज़र कडान टाकारु नौन ।

आचार व्यचार कर बा मालि  
तोलस. तोल बा चुय पूर  
रटख हबा तैली डालि  
टोठी दय तु फवली नूर ।

साधान रोज बा हेछख सबक  
अदय सगुवख लोलुक्य कुल्य  
फुलया लगी पतय दपख  
येलि मनु ग्वरस गंडख गुल्य ।

अन्दर अचख लबख सोरुय  
नेबुर्य छारुन छुय नो केंह  
येमी मालि सु हबा गोरुय  
तँम्सुय अड दय यारी केंह ॥

## लोलुच वुजिन्य

पनुनी ज्यव म बा कर टेटुय  
मोदुरय ऑसिथ बैयि मोदराव  
अँछन व्वथी कृहुन्य पँटुय  
सोन्तुक्य ज़ामय चुय पॉराव ॥

● ●  
नेबरी कँरिथ रंग कम कम  
अँन्दरी मोरुख ह्यथुय गम  
तेह चे हॉवथ बडि बँडुय  
योतान्य अँन्दरी होचुय चम ॥

चु पँद्य लेखन्य या वनुन्य छु नु सहल । अथ गछि शॉयरी तजरुबु सँही आसुन ।  
मोहिनी जी हुंद यिम चु पँद्य छि अँहंजि तखलीकी सलॉहियत्त हुंद सोबूत पेश करान ।  
वुत्थ वुत्थ कथु लेखनी योत छुन बोड कसुब । सादु तु आसान लफज वरतॉविथ बावुक  
सन्धर तु मेछर बावुन ति छु बोड कसुब । युस यिमन चु पद्यन मंज नोन छु ।

व्वन्य छु येमि किताबि हुंद त्रेयुम हिसु ब्योन ब्योन अनवान बावन वॉल्य शार तु  
जलायि वतन सपदुन च तलखी, क्रेछर तु सितम छि यिमन बॉतन मंज दिलस सनि पुनि  
आयि वखनावनु आमुत्थ । तखलीक कारन छे अमिच दग ननिवानु हॉविथ दिचुमचु ।  
मिसाले :-

व्वलु करुहॉव समचारुच कथ,  
बैयि करुहॉव मिलु चारुच कथ ।  
यी गव पथ कुन स्व गँयि गफलत  
व्वलु करुहॉव समचारुच कथ ॥

● ●  
शॉन्ती छि यिवान बस शमु दमय,  
अहम् गॉलिथ लोबुम पय ।

सत् संगु सोजुकि अमि जीरु बमय ।

दमय दमय याद प्योम ॥

• •

रंगु शिकार्यन सॉल करुन, नय मे मरुन छुम ।

नावि मंज स्वनुलॉन्कि तरुन, नय मे मरुन छुम ।

• •

जमानस क्याह सना गव, ती मे वनतम ।

हवा हडु रौस बदल्योवें, क्याजि वनतम ॥

जमानस क्याह सना गव, ती मे वनतम ॥

• •

लगान दाग जिगरस व्वथान क्रॉल्य जखमन ।

सु कुस आसि कांछा, शैहजार दियि हे ॥

• •

नेबुर्य जबरुय जुबर, अँन्दरिम कस छे खबर ।

भैछि कथु दलनुय, अज नय कैहं चलनुय ॥

• •

तोतु जूस्याह दोरि आयि, वारि चायि नचॉने ।

हार्यन हुंदें चैश्कु आयि, वारि चायि नचॉनि ॥

• •

हिकचि बाँथ :-

माय सर्ड सर्डुय तस नय दर्दुय ।

अति ऑसिन पर्दुय तस नाय दर्दुय ॥

• •

## लोलच बुजिन्य

पर्दु तैल्य दर्द ओश कवु हारान छुख  
कँहुन्दि दारि क्याजि पान मारान छुख ।।



रोवना सुय ओल, द्वख ति कोताह चोल ।  
सीनन तुल्य तुल्य निथ गोख धल, व्यतरावन वन छा यि हसल

व्यस्थापन :-

हारि दप्योम वनु तार तम गरय  
शानुनय प्यठ कुनी वुफे  
गँछ्यतनयी म्योन जरु जरुय  
व्वटि नितुमी मँन्ज्य मँन्ज्य ग्वफे ।

कुलहुम पौठ्य छु किताबि हुंद मवाद सनुनस सरनस लायक । कलामु छु नैव्य नैव्य  
तजरुबु तु आम जिन्दगी हुंद सौरी गोशि गौशिरावान । बासान छु जि मोहिनी जी हुंद यि  
शौक तु शौयरी अंदाज द्वहँ खतु द्वहँ काड कडान तु तरकी करान । यि छे सैहतमंद  
तखलीकी काँविशि हुंद यिशारु दिवान । किताब छे वुछिन्य लायक तु दीदु जेब । दय  
थँविन सान्यन यिमन व्वथुवुन्यन तखलीक कारन रुमु रेशुन आय । श्वहरथ प्रौविन तु  
मँन्जिल लँबिन !

रुत कांछन वोल

पृथ्वीनाथ कौल 'सायिल'

'शारिका आंगन'

138 शारिका विहार

138 शारिका विहार मुठठी ।

त्यथ

ग्वरवार जेठ गटपछ आँठम,

10 अप्रैल 2007 ।

18. 11. 1900  
19. 11. 1900  
20. 11. 1900  
21. 11. 1900  
22. 11. 1900

18. 11. 1900  
19. 11. 1900



ग्वडन्युक बोग

मॉस्यफत तु लोल

12/15



## गणपतजियो छुय नमस्कार

गणपत जियो छुय नमस्कार, पानु शिवनाथन द्युतुय आधिकार  
स्यद च्छुय कर म्यॉन्य मनि कामन, रटने आयस चोन दामन ।

माजि पार्वती हुन्द च टोठ सन्तान,  
आदि दीवु सोरुय जगत चै पूजान ।  
म्वखु मंजु नीर्यतन मे रुत्य रुत्य वचन ॥  
रटने आयस चोन दामन ॥

दया करतम युथ नु फेरु पथ,  
किताब गॅछम वातुन्य अंद तामथ ।  
साधना करुहा, शोमरावतम मन ॥  
रटने आयस चोन दामन ॥

येली च्छु तोशान वॉणी खुलान,  
च्छुय प्रथ कामे दस तुलान ।  
नवि अंदाजय वनुहा वचन ॥  
रटने आयस चोन दामन ॥

नँव्य नँव्य भाव गँछय मे व्वपदुन्य,  
 शूबिदार शार गँछिम हिरे खसुन्य ।  
 करतम अथुरोट सातु सातन ॥  
 रटने आयस चोन दामन ॥

ग्वरु मॉल्य सुंद ति छुम बौड शेहजार,  
 हेछिनाँवनस येम्य पोज व्यवुहार ।  
 करुहॉम च्चु ह्यतुकार छम ती लादन ॥  
 रटने आयस चोन दामन ॥

ऑखरस छे ' मोहनय' करान ज़ारुपार,  
 संत्वष्ट मे प्यठ रोज ज़गि दिम तार ।  
 वुछिहा प्रकाश चोन प्रथ तरफन ॥  
 रटने आयस चोन दामन ॥



## म्योन वतहावुख

माजि सानि ज़ामुत गोबुर ताजदार  
 ओरय आमुत प्वखतय कार ।  
 स्यज़रा पज़राह यसुंद व्यवहार  
 ग्वरु मालि लगुयो छुख शाहसवार ॥

यूगी धर्मी तु कर्मयवान,  
 सारिनय छुय रुच वथ हावान ।  
 शार ति वनान छुय संगीतकार  
 ग्वरु मालि लगुयो छुख शाहसवार ॥

काँसि सुत्य नय करान द्वयतुबाव,  
 प्रथ विजि स्वरुवुन दयि सुंद नाव ।  
 वातुनावान कस छुनु शैहजार ।  
 ग्वरु मालि लगुयो छुख शाहसवार ॥

नय छुस ऑज़रुन नय गॉज़रुन,  
 पज़यन ओसूलन प्यठ पक्वुन ।  
 थ्यक्वुन्य तसुन्ध् छिय लेख शूबिदार ॥  
 ग्वरु मालि लगुयो छुख शाहसवार ॥

दयि लोलाह क्याह गॅनिरोवनम,  
 रुचु कथु वॅन्य वॅन्य सॅनिराविनम ।  
 ज़ानु नॉवनस स्वरुन शब्द ओम्कार ॥  
 ग्वरु मालि लगुयो छुख शाहसवार ॥

कांछिवुन रुत बेयि करान व्वपुकार,  
मॉलिस माजि रूदमुत तॉबियादार ।  
बखशान शफा वरतावान प्यार ।  
ग्वरु मालि लगुयो छुख शाहसवार ॥

यिय छुस पानय जेवि नेरान,  
तैथ्यु छुनु जांह अख माशि डलान ।  
जिंदुदिल ख्वशमिजाज क्याह मिलनसार ॥  
ग्वरु मालि लगुयो छुख शाहसवार ॥

राजिरेनि माजि हुंद रुत संतान,  
टाठि सॉब बबु सुंद ज़न ओस प्राण ।  
भगवान जियुन बोड सीवाकार ॥  
ग्वरु मालि लगुयो छुख शाहसवार ॥

अनुभव पनुनी छुम बावान,  
कन थैविथ मनि बो वेपरावान  
रुम रुम म्यॉन्य छिय गृछान सरशार ।  
ग्वरु मालि लगुयो छुख शाहसवार ॥

ज्ञानु गंगा छस अँन्दरी वुज़ान,  
प्रथ सातु लयि मंज छुय आसान ।  
'मोहनस' सनेमुत्य् असुंघ किरदार ॥  
ग्वरु मालि लगुयो छुख शाहसवार ॥



## तस बे निशानस

तस बेनिशानस सारि रॉच्चय वॅन्य दिचॉम ।  
यियि मा योर म्यानि ब्रॉन्चय वॅन्य दिचॉम ॥  
तस बे निशानस सारि रॉच्चय वॅन्य दिचॉम ॥

बे खबर पॉट्य यियिहे साथा सु योर,  
दियि हे नज़राह च्वपॉस्य मे वॅन्य दिचॉम ॥  
तस बे निशानस सारि रॉच्चय वॅन्य दिचॉम ॥

रागु तसुंदे ज़ागि रूज़स बुय शबस,  
येम्य सुंजय सॉर कॉयनात तसॅ वन्य दिचॉम ॥  
तस बे निशानस सारि रॉच्चय वॅन्य दिचॉम ॥

शेयि तसुंजे बीटुसय बो दम कॅरिथ ।  
करनि लॅजिस कम बु सॅच्चय वॅन्य दिचॉम ॥  
तस बे निशानस सारि रॉच्चय वॅन्य दिचॉम ॥

वावु लगुयो चाव क्याह छुम अन शैछा ।  
क्याजि कॅरनस आरुकॅच्चय वॅन्य दिचॉम ॥  
तस बे निशानस सारि रॉच्चय वॅन्य दिचॉम ॥

ज़ुचु तॅहंजय नज़रि गॅयम शर च़ोलुम ।  
तिमय ललुव्यम मनि अंदर वॅन्य दिचॉम ।  
तस बे निशानस सारि रॉच्चय वॅन्य दिचॉम ॥



लानि ल्यूख तॅम्य् प्रथ अँकिस क्याह तॅस्य छु पय ।  
म्यॉनिस ति खातस क्याह ल्योखुन, वॅन्य् दिचॉम ॥  
तस बे निशानस सारि रॉचुय वॅन्य् दिचॉम ॥

छस बेखबर तस छा प्रेयान म्योन ति केंह ।  
जीन कॅरिथुय सीनुसुय मंज वॅन्य् दिचॉम ॥  
तस बे निशानस सारि रॉचुय वॅन्य् दिचॉम ॥

तस बे निशानस सारि रॉचुय वॅन्य् दिचॉम ।  
यियि मा योर म्यानि ब्रान्चुय वॅन्य्! दिचाम ॥  
तस बे निशानस सारि रॉचुय वॅन्य् दिचॉम ॥



## अख नजर करतु

अख नजर करतु हा रॅफीकय पानु च़ुय,  
वुछतु खय क्याह च़लिहे देवानसुय ।  
दग ज़ख्मन छय व्वथान इन्सानसुय ॥  
वुछतु खय क्याह च़लिहे देवानसुय ॥

कॅर गुज़ारिश च़ेय कुन मे दमु दमय,  
हा ख़दाया वुनि कोताह वन नमय ।  
दोद छु अँन्दरी व्युहुन छु तान तानसुय ॥  
वुछतु खय क्याह च़लिहे देवानसुय ॥

## लोलुच वुजिन्य

छुख च साकी मस चॉविथ मस थावतम्  
त्रेशि हॅच छस पूरु दामाह चावतम् ।  
बॅर्य बॅर्य थावान कॅचन मसकी बानु च़ुय ॥  
वुछतु खय क्याह च़लिहे देवानसुय ॥

ह्यनु बॅ आमुच़ क्याजि लागान क्रूर छुख,  
बे वॅसीलन च़ुय वॅसीला पूरु छुख ।  
अकि नज़रे चानि रोट गछिना तूफानसुय ॥  
वुछतु खय क्याह च़लिहे देवानसुय ॥

स्वति स्वते वनतु क्याजि ज़ालान छुख,  
वसि लोलाह चोन सॅनिथुय कोनु कॅह यारान छुख ।  
सीर अमिकुय प्रछहा बो सूर गछान परवानसुय ।  
वुछतु खय क्याह च़लिहे देवानसुय ॥

म्वखसर पॉढ्य हावतु देवानस त्युथ च़ु तय,  
युथ जि मॅन्जिलुक पूरु पॉढ्य तस लागि हे पय ।  
तैलि वाति हे असलुकिस मुकामसुय ॥  
वुछतु खय क्याह च़लिहे देवानसुय ॥

अख नज़र करतु हा रॅफीकय पानु च़ुय ।  
वुछतु खय क्याह च़लिहे देवानसुय ॥



## यिखना सालतु बनि दीदार

खसुवुनि सिरियतु असुवुनि लालतु,  
यिखना सालतु बनि दीदार ।  
यिनु चानि प्रवु त्रावन ज्वयि तय नालतु ॥  
यिखना सालतु बनि दीदार ॥

सँजदय दिवान चाने खयालतु,  
अथि यितु लालतु चलिहे गुबार ।  
खसुहन चिह्न रथि हा बेमिसालतु ॥  
यिखना सालतु बनि दीदार ॥

ह्यस व्यसरेयस दी दी नालतु  
हा शेहजारतु गछतु बेदार ।  
अँछिवुय त्रावान बु अशिने चालतु ॥  
यिखना सालतु बनि दीदार ॥

ननुवारि छारान पद्यन पेयम छालतु,  
प्रछहय सवालतु सपदि गुफ्तार ।  
क्याजि छुख मारान दूरे डालतु ॥  
यिखना सालतु बनि दीदार ॥

लोलुच वुजिन्य

थजुरस बिहिथ वुछान छुख नजारतु,  
करान वजारतु अँन्जरान कार ।  
नखु यितु च्यूहा वुछतु म्यौन्त्य हालतु ॥  
यिखना सालतु बनि दीदार ॥

यिनु चानि चलिहेम सोर मलालतु,  
सब्र सुत्य सपदिहे मेति सब्जार ।  
सन्म्वख यितम वन्य कोताह प्रारतु ॥  
यिखना सालतु बनि दीदार ॥

रोतुलि फवलनम ज़न संगरमालतु,  
करु दीदार तु यियम करार ।  
अभिकुय छुमना मे अमारतु ॥  
यिखना सालतु बनि दीदार ॥

दूरि रूजिथ मो करतम इशारतु,  
हा दिलु करारतु वुहि हेम नु नार ।  
निशि यिथ हावतम पनुनी असालतु ॥  
यिखना सालतु बनि दीदार ॥



## छि दीदन मंज लबान दीदार

छि दीदन मंज लबान दीदार तसुंदुय,  
छु हू ब हू यवहय अनहार तसुन्दुय ।

छावान विजि विजे शेहजार यसुंदुय,  
यि रात तय दोह बेयि बहार तसुंदुय ॥

दिलन स्वख तय करार आराम यसुन्दुय  
चवान दामय दामु छि जामु तसन्दुय ॥

पूर्य किन्य वुछतु क्याह छुय सिरियि जोतान ।  
ग्वफन, गारन, नयेन मंज क्याह नूर तसुंदुय ॥

गटे मंज गाह छु त्रावान हर जहानय ।  
छटे मंज रछिवुनुये प्रागाष तसुंदुय ॥

सु दुर्दानय छु करवुन हलि मुशिकिल ।  
मे छम आश सपदि बेशक म्युल तसुंदुय ॥

बु छारान मॅन्जिलचे हेरे बु खसहा ।  
तु प्रछु हा लोलु तारन पय तसन्दुय ॥

बु वॅजिनस मायि तॅहंजे क्याह वनय कुच ।  
यछान छस कुनि ति किन्य अथवास तसुंदुय ।

बु करहय पोंपरिन्य पोंठी चे पथ गथ ।  
वनान यथ जानुवुन्य छिय रियाज तसुंदुय ।

वावहाले बु बीठस तँस्य् बरस तल ।

मे नखु वॉतिथ न ज़ोनमा छल तसुंदुय ॥

पतय लारहस तु छनहस दामनस थफ ।

दिच्चुन बाज़्याह यि ओस करिश्मा तसुंदुय ॥



## फ्वलिहे दिलुकुय पोश

रंबुवुन लाल मा यी योर कले,

फ्वलिहे दिलुकुय पोश ।

चेशमव वुछिहोस ना थलि थले ।

फ्वलिहे दिलुकुय पोश ।

निशि मा छुय तय दोद कबु बले,

बरु गॉमुत्य तय त्राबान वोश ।

लोसान कोताह तसुंजे कले ।

फ्वलिहे दिलुकुय पोश ।

कमि मायि शुरिसुय ख्यावान फलि फले,

अदु यिवान मनस संतोश

कथ यिहय छ्यनु प्यवान कौंसी पले

फ्वलिहे दिलुकुय पोश ।

फाँफलावान शुरिस कतुरिथ शिले,  
करसना संबालि असलुक होश ।

छेपि जुव दीवान शुर किथु व्वतुले ।  
फ्वलिहे दिलुकुय पोश ।

परुने सोजान छिन सुलि सुले,  
हिलि मंजु नेरिना नोन पम्पोश ।

द्वद चावान छिन गले गले ।  
फ्वलिहे दिलुकुय पोश ।

किथु सुलनावान नेन्दरि हंजि कले,  
ल्वलि ललवान रुजिथ खामोश ।

पान पनुन आलवान तसुंजे ज्वले ।  
फ्वलिहे दिलुकुय पोश ।

जख्मन दवाह बनि तेलि दोद बले,  
नवि सरु थरि क्याह खसिहे बोश ।

ओबुर डलि गम चलि जिगराह फ्वले ।  
फ्वलिहे दिलुकुय पोश ।



## मस चॉवनस

मस चॉवनस कलवालनुय,  
अदु खॉरनस प्यठ बालनुय ।  
कन थोवनम अहवालनुय ॥  
अदु खॉरनस प्यठ बालनुय ॥

दोपुन ह्यस पनुन्य डंजि रोज़ थवान,  
प्रथ सातु च़ेय बु ज़ागुय ह्यवान ।  
वादु छुस ब सॉरी पालनुय ।  
अदु खॉरनस प्यठ बालनुय ॥

सोबूर पज़ी च़ेय थावुनुय,  
अथि यिथ केंह छुनु रावनुय ।  
म्वखतय फवतय्व च़ेय प्रावुनुय ॥  
अदु खॉरनस प्यठ बालनुय ॥

येलि येलि च़ु छख मे याद करान,  
शाहन बु च़ान्यून कन थवान ।  
वख नय च़े यी ज़ांह ग्रावुनुय ॥  
अदु खॉरनस प्यठ बालनुय ॥

लबहख च़ु सोरुय यकदमय,  
ज़ेरि ज़ेरि लबान पद सूहमय ।  
अथि लाल यिवान हय खालनुय ॥  
अदु खॉरनस प्यठ बालनुय ॥



लय सूहमस सृत्य पूरुथाव,  
सोज अनाहतुक चय ग्रजुनाव ।  
रठ चार वारु लोलु तारुनुय ।  
अदु खौरनस प्यठ बालनुय ॥



## लोलुच नय

लोलाह येस्य छुय अँन्दुर्य ग्रजन,  
नयि हुंद साजा तस्य वजान  
लोलुक मस येम्य फ्युर लेजन ॥  
लोलुच नय छय तँस्य वजन ॥

छुय क्याह न्युन येति पानस सृत्य,  
लोलन कँर्यनय मसरूर कृत्य ।  
वाव द्युन अमिकुय दीहचन लंजन,  
लोलुच नय छय तँस्य वजन ॥

सूहं हंसू युस आव स्वरन,  
सुय पननुय छुय जानान पान ।  
हम् गँलिथय छुय सू सू म्वचन ।  
लोलुच नय छय तँस्य वजन ॥

## लोलुच दुजिन्य

येम्य कौर अर्पन दयिसुय पान,  
मायायि मोहस कोरनय फान ।  
श्वद् गछान तँस्य अन्तःकरन ।  
लोलुच नय छय तँस्य वज़न ॥

खास्यन फिरतो जिगरुच वस,  
ब्रोंठकनि थवतो सदाशिवस  
पज़्यन भँक्त्यन यी शूबन ।  
लोलुच नय तिमुनुय वज़न ॥

लोलु नुय कॉसनम सॉर खय,  
असुवुन्य दर्शन तनय डीठ्यमय  
चार रठ वारय लोलु तारन ।  
लोलुच नय छय तँस्य वज़न ॥

कर जुस्तजू यूताह ह्यकख,  
पानो में रावर म्वलुल वख ।  
दानि मुन तोमुल बनि मंज़ कंज़न ।  
लोलुच नय छय तँस्य वज़न ॥



## रोयि रोंबुल चे नूरान

रोयि रोंबुल चे नूरानु, जानानु मत्यो हो ।  
शूबुवन क्याह चे दहानु, जानानु मत्यो हो ॥

चोनुय बाग तय च़ुय बागवानु, सगुवान च़ुय मत्यो हो ।  
चॉनी सॉस्च गुलिस्तानु, जानानु मत्यो हो ॥

चोनुय सुबु तय चोनुय शाम, चॉनी नामु मत्यो हो ।  
चॉनी सॉर्य आस्तानु, जानानु मत्यो हो ॥

क्याज़ि लागान बॅल्य च़ बेगानु, कर दोस्तानु मत्यो हो ।  
अदु रोज़िनु कांह शिकवानु, जानानु मत्यो हो ॥

चॉनी मस्जिद तय बुतखानु, च़य बॉगुरानु मत्यो हो ।  
अथु दॉरिथ च़ेय मंगानु, जानानु मत्यो हो ॥

रंगुराह च़य रंग दिवानु, बे रंग पानु मत्यो हो ।  
च़ेय पथ गॉमच़ बु देवानु, जानानु मत्यो हो ॥

ज़ड ज़रन मंज़ बॅसिथ च़ु पानु, रिंदानु मत्यो हो ।  
अँस्च छिय बॅल्य बहानु, जानानु मत्यो हो ॥

सीरन च़ वॉक्फ पानु, शाहानु मत्यो हो ।  
च़ेय सुत्त्य कुस करी मानु, जानानु मत्यो हो ॥

## लोलच बुजिन्य

चौनी हा बॅड मेय शानु, रहति जानु मत्यो हो ।  
रोटमय तवय दामानु । जानानु मत्यो हो ॥

मंगान 'मोहनु' च़ेय पानु, दितु दान मत्यो हो ।  
मँक्ती हुंदुय वरदानु । जानानु मत्यो हो ॥



## सँजदु कॅर्य कॅर्य छारनुय

सँजदु कॅर्य कॅर्य छारनुय, गारनुय मने अंदर ।  
वनि मे आमय तेलि सु यार, येलि चायस अँन्दरी अँन्दर ॥

तति बिहथुय पानु दीवाह, नूडु बोरतुय क्याह स्वंदर ।  
सुति वुछुम ज़न ध्यानसुय मंज़, येलि पेयम तँस्य कुन नज़र ।  
वनि मे आमय तेलि सु यार, येलि चायस अँन्दरी अन्दर ॥

मस गछान पतु वुछतु कोताह, रोज़ान नय कुनिची खबर ।  
रस व्यगलान हनि हने । शेहलान वुछतु क्याह जिगर ।  
वनि मे आमय तेलि सु यार, येलि चायस अँन्दरी अन्दर ॥

च्यथ मे दिचमय सुत्य पानस, पानस मंज़ुय छुय लोलु सर ।  
अमस्यथ चावान छु गलि गले अथि यिवान म्वलुल गवहर ।  
वनि मे आमय तेलि सु यार, येलि चायस अँन्दरी अन्दर ॥

क्युथ कराराह क्याह शेहजारा, ज़न वसान मोदस्य खंजर ।  
यनु ब चायस लोलु बागस, तनु वुछिम कम कम मंज़र ।  
वनि मे आमय तेलि सु यार, येलि चायस अँन्दरी अन्दर ॥

लंजि प्यठ बुलबुल क्याह छु बोलान, बूल्याह करान किछ स्वंदर  
दिल फवलान तय कूत वलुसान, सोजाह बोजान हर पहर ।  
वनि मे आमय तेलि सु यार, येलि चायस अँन्दरी अन्दर ॥  
वन्य मे काँचाह कल गनेमुच, नालु बु रट्टहा यिछुय गँर ।  
अथि नु यिथ ति निशि छुपान जीर दिवान शामो सहर ।  
वनि मे आमय तेलि सु यार, येलि चायस अँन्दरी अंदर ॥



## हा मति दिलुके करारु !

हा मति दिलु करारु यितु अकि लटे लो,  
पखतुकारु म्खतय हारु गंडुथो हटे लो ।  
चावतम लोलु मस मे नटि नटे लो ॥  
पखतुकारु म्खतय हारु गंडुथो हटे लो ॥

हेरि छुम आकाश ब्वन पातालय,  
मंजस अलौजं छस बे हालय ।  
चे चे सिवाँय कुस लागी मे बटे लो ।  
पखतुकारु म्खतय हारु गंडुथो हटे लो ॥

यपारि बालय ओश छसुया हारान,  
किथ तर अपोर ती छस व्यचारान ।  
ग्वरु दीव द्यवु नावि नम मे रटे लो ॥  
पखतुकारु म्खतय हारु गंडुथो हटे लो ॥

वावु हालि बुलबुल द्रायि येमि वेरे,  
फवलि मा गुल कांह चानी जेरे।  
येस्य् शेरख च लोन सुय केह वटे लो ॥  
प्वखतुकारु म्वख्तय हारु गंडॅथो हटे लो ॥

खस्तु गोम अँन्दरी छस बेकारय,  
कांह नो ह्यवान छुय कॉन्सि हुंद बारय।  
चॉनी मे आश छम् मंज गमचि गटे लो ॥  
प्वखतुकारु म्वख्तय हार गंडॅथो हटे लो ॥

आरुबल नारु दँज छांडान शेहजारय,  
आमताव चलि हेस, दितस दीदारय ।  
नतु हरि ही थँर हर्दु छटे लो ॥  
प्वखतुकारु म्वख्तय हार गंडॅथो हटे लो ॥

बोजख च्चु कोताह हा बु कूत बावय,  
मँन्जिलस वातनय यिनु टाठि रावय ।  
ग्रावय यिनय तय तिय मे खटे लो ॥  
प्वखतुकारु म्वख्तय हारु गंडॅथो हटे लो ॥

हा निगारु दिल करारु तिछ मे करतु मुरुवथ,  
सालु म्योन यितु प्यालु मसकी बु चावथ ।  
दावथ कोबूल कर यितु अकि व्वटे लो ॥  
प्वखतुकारु म्वख्तय हारु गंडॅथो हटे लो ॥



## रंजु नॉवनस जूग्य् मस्तानन

रंजु नॉवनस जूग्य् मस्तानन,  
दामन मे रोटमस ना।

तनु छारान रुजुसस जहानन ।  
दामन मे रोटमस ना।

सुलि प्रबातु कन थोवुन नादन,  
बूजिथ अँन्यनम अंजाम।

मे ति माज़ाह खोत प्यठ शानन ।  
दामन मे रोटमस ना।

ल्वलि ललुवान छसन सातु सातन,  
रातन रोज़ान ब्यदार।

रस मे फेरान तानन तानन ।  
दामन मे रोटमस ना।

चूरि चूरे मंज्य हीतु नेरन,  
जामु शोरन सु छुना म्यान्य ।

तिमय रंगिमनम अँम्य जानानन ।  
दामन मे रोटमस ना।

शोलु नॉवनस असुंदी लोलन,  
तोलुनावनस लोलु त्रकरे।

पूउ आव करान म्यान्य मनि कामन ।  
दामन मे रोटमस ना।

म्योन अजलाह ल्यूखुन पानय,  
रुत रुतुय बुथि मे आम।  
मायि वेंजिनस ख्वश अन्दामन ।  
दामन मे रोटमस ना ॥



## मायि तँहँन्जिय रोजि बेदार वेसिये

अदहॉय हावी दीदार वेसिये, दीदार वेसिये ।  
असलुक हॉय यियी करार वेसिये —  
मायि तँहँन्जिय रोजि बेदार वेसिये ॥

त्रु नेत्रदारी मुचरी चे तॉरी मुचरी चे तॉरी ।  
सनम्बख यियी साकार वेसिये —  
मायि तँहँन्जिय रोजि बेदार वेसिये ॥

श्रान करि ध्यान दारि, प्रथ प्रबात गरि गरि—  
प्रथ प्रबात गरि गरि ।  
अँछन हय चली अंधकार वेसिये  
मायि तँहँन्जिय रोजि बेदार वेसिये ॥

दर्शुन हावी सोरुय बावी, — सोरुय बावी ।  
रुमनुय पेयी शेहजार वेसिये ॥  
मायि तँहँन्जिय रोजि बेदार वेसिये ॥



पतनय अथि यिख, करख येलि जिख जिख —

करख येलि जिख जिख ।

मस्तानु लागी मॉल दार वेसिये ॥

मायि तँहँन्जिय रोजि बेदार वेसिये ॥

मस चख रस अची, बंद अँछव वुछख गछी —

बंद अँछव वुछख गछी ।

न्यूल प्रँखटी चमत्कार वेसिये ॥

मायि तँहँन्जिय रोजि बेदार वेसिये ॥

ब्योन ब्योन रूपुय काँत्याह हावी —

काँत्याह हावी ।

असु वुनि म्वख बेशुमार वेसिये ।

मायि तँहँन्जिय रोजि बेदार वेसिये ॥

तप करि जफ करि, सूहम चय स्वरि —

सूहम् चय स्वरि

च्वपॉर्य बनी गुलजार वेसिये ॥

मायि तँहँन्जिय रोजि बेदार वेसिये ॥



## तमाह छुम

तमाह छम ब बोजहा अछयोन सोजाह ।  
मे छा नतु जिंदु रोजुनुक तमाह ॥

दिलस यी राय सनेमुच छम, कल अमिची गनेमुच छम ।  
दय बूज्यतनम यियतनम जमा ॥  
मे छा नतु जिंदु रोजुनुक तमाह ॥

बोजुहा आरन हुंदुय सदाह, यी मे अँन्दरी छुम मुदाह ।  
यिय स्वरान मा सोस्चम दमाह ॥  
मे छा नतु जिंदु रोजुनुक तमाह ॥

थावान छस कन दमु दमय, क्वलु बँठिस प्यठ च्यथ छुमय ।  
तमि ग्रजुनय अँन्दस्च चमुहा ।  
मे छा नतु जिंदु रोजुनुक तमाह ॥

कँशीरि बागन मंजु बिहिथ, निमुहा तँती सोरुय चुहिथ ।  
सुय ओस मे क्युत जामि जमाह ।  
मे छा नतु जिंदु रोजुनुक तमाह ॥

शारो शॉयरी न्यूनम दिल, तय करुनय मे ज्यूठ मंजिल ।  
बरान लोलाह छेसस बे पनाह ।  
मे छा नतु जिंदु रोजुनुक तमाह ॥

गुलन प्यठ वुछिजि बुलबुल क्याह, करान बूल्याह त बोलबोशाह  
बरान लोलाह यिमन वाराह ।  
मे छा नतु जिंदु रोज़नुक तमाह ॥

रंगा रंगु यिमय नज़ारय, वुछिथ अँन्दरिमि वज़न तारय ।  
पतय अदु बुति मा ज़मुहा ।  
मे छा नतु जिंदु रोज़नुक तमाह ॥



## यनय मे रोटमय तसुन्द दामन

यनय मे रोटमय तँम्यसुंद दामन,  
तनय मे बामन फोल्य् वीरि वारन ॥  
स्वरान बु आयस तसुन्दन नामन ॥  
तनय मे बामन फोल्य् वीरिवारन ॥

चु वुछतु गुल क्याह फोलिम च्वपॉरी,  
अँम्य राज़दारन कॉसुम लाचॉरी ।  
कँरिथ जॉरी सुबहन तु शामन ॥  
तनय मे बामन फोल्य् वीरि वारन ॥

अन्दर बु चायस तति नँव ज़ायस,  
गिंदान रुज़ुस सुत्य् जूग्य रायस ।  
यि ज़ुव बु वंदुहय असुंदन अंदामन ।  
तनय मे बामन फोल्य् वीरिवारन ॥

बु बावु कोताह यि सीर पनुनुय,  
कॅरिथ इबादथ गोछनय वनुनुय ।  
मे तोति बोवुम दिच्चुम ज़ीर रामन ॥ ॥  
तनय मे बामन फोल्क् वीरिवारन ॥

यि ज़ान्य हुंदुय मस कूत चावन,  
बॉविथ ति बावान दीदार हावान ।  
रॉविथ ति रावान फीस्च फीस्च न गामन ।  
तनय मे बामन फोल्क् वीरिवारन ॥

अँती अँछन तल, अँती करान छल,  
अँती वनान शेछ छुमना कनसतल ।  
अँती ह्यवान दूर थवान जाय पामन ।  
तनय मे बामन फोल्क् वीरिवारन ॥

बु त्रेशि कनि चैन्य् दिमुहस पनुन्य् वस,  
योदवय मे रोज़िहे सुय पान मदुतस ।  
तवय कॅरिथ थफ छेसस बु ज़ामन ॥  
तनय मे बामन फोल्क् वीरिवारन ॥

खबर मे मंज़ क्याह वुछ त्युथ ज़ातन,  
तसुंद मे सायय छुम सात सातन ।  
कुंदन बनावान सुय दातु खामन ।  
तनय मे बामन फोल्क् वीरिवारन ॥



## तनु वोन द्युतमसॉय

तनु वोन द्युतमसॉय, अज हय आम रसु रसॉय ।  
 बूज नय काँन्सि ठसॉय, अज हय आम रसु रसॉय ॥  
 जूग्य तय जूग्य बायी, अज किथु मे निश आयी ।  
 बोरहम लोल तु यछहॉय, अज हय आम रसु रसॉय ॥  
 ब्रोंह कुन येलि आमय, बीठ कमि अंदामय ।  
 आयम नय पछाय, अज हय आम रसु रसॉय ॥  
 मस ऑसुस द्यानस, जीर दिचहम मे शानस ।  
 मय लाग बे ह्यसॉय, अज हय आम रसु रसॉय ॥  
 करार मे अँनिथुय गॉम, अन्तः करन फवलेम ।  
 वँजिदस बुय आयसॉय अज हय आम रसु रसॉय ॥  
 तनु वनि नय आमय, अज सोर शर द्रामय ।  
 कूत प्रारनॉव हसॉय, अज हय आम रसु रसॉय ॥  
 मँलिथ बस्मा तने, सुत्य् आम पननि रने ।  
 जेति गंगा छसॉय, अज हय आम रसु रसॉय ॥  
 कनव चुय बोजह्यना, च्यथ थाव डंजि हना ।  
 शाह रोज खारान ह्यसॉय ।  
 अज हय आम रसु रसॉय ॥



## शमाह दानुक शमाह

शमाह दानुक शमाह सु पानय, जानानय वॅन्य तोसे ।  
रोयि रोंबुल तॅस्य नूरानय, जानानय वॅन्य तोसे ॥

हेरि कनि बिहिथ प्यठ अस्मानय, दीदारह मॅग्यतोसे ।  
ब्वन वसिना चालि शाहानय, जानानय वॅन्य तोसे ॥

तीज़ अँहन्दि आलम प्रज़लानय, नूरि अनवर वॅन्य तोसे ।  
पूरि किन्य वुछुन क्याह चमकानय, जानानय वॅन्य तोसे ॥

गिन्दानय क्याह रिंदानय, मस्तानय वॅन्यतोसे ।  
हाविना र्वय छिस प्रारानय, जानानय वॅन्य तोसे ॥

सालु आमुत अज़ छुय पानय, बरि बानय वॅन्यतोसे ।  
शूबुवुन वुछतोस दहानय, जानानय वॅन्य तोसे ॥

जामु पुरिथ क्याह छु ज़ेबानय, मेहमानय वॅन्यतोसे ।  
ख्योन दिमुहोस शाहि जॉफरानय, जानानय वॅन्य तोसे ॥

सोज़ि दिलाह बोज़ुनावानय, सर्व शुहुला वॅन्यतोसे ।

‘मोहनु’ बरिहेस लोलु पयमानय ।

जानानय वॅन्य तोसे ॥





## बु दोरान तस पतय

बु दोरान तस पतय, वुछान छसय ना वतय ।  
यियि तु करस जारुपार, वुछतु कूत मे लोलु नार ।  
करान तसुंजय छस सेंचय, तवय गॉमुच छस मेंचुय ॥

यकीन छुय मे पूरय, हावुहम जहूरय ।  
ती मे अँन्दरी छुम मनस, प्रारान छसना दर्शनस ।  
मत करतम आरु कँचय । तवय गॉमुच छस मेंचुय ॥

प्रास्य प्रॉस्य गँयस व्यसमरु, वनतम च़ुय ब क्याह करु ।  
करतम सॉरी मसलु पूर, मत रोज़त मेय निशि दूर ।  
आश रँछिथ मे थॉवमच़य । तवय गॉमुच छस मेंचुय ॥

वन्य पुशरुम चेय सोरुय, मत करनावतम दोर दोरय ।  
लय रँट मे चॉनी, च़ुति करतम मेहरबॉनी ।  
छेसयना बुति चॉनी हैच़ुय । तवय गॉमुच छस मेंचुय ॥

पतु दोह अकि आमय, दारि किनी च़ामय ।  
ब्यूतुम ब्रॉटु कने, कनन गोम छल्य छवने ।  
प्रारान ऑसुसस नेंदरि हैच़ुय । तवय गॉमुच छस मेंचुय ॥

नॉल्य ऑसिस म्वख़्तहार, अँछन ओसुस क्याह खुमार ।  
जेरिथ ऑसिस लालय, फेक्यून प्यठ दुशालय ।  
शेछा वँनिनम ना रुच़ुय । तवय गॉमुच छस मेंचुय ॥

## लोलुच वुजिन्य

कोरुन पूरु म्योन व्यनय, सुबहय वोतुम ख्यनय चनय ।  
फिर्य फिर्य थॉव्य मस मस प्यालय, पोशन करिमस मालय ।  
'मोहन' जागि छस लोलु हँचय तवय गॉमुच छस मँचुय ॥



## दयि सुंदे लोलु जोशय

दयि सुंदे लोलु जोशय पोश फोलिमो दूरिनय ।  
पानि बदलय खूनि जिगरय सग मे द्युतमय डूरिनय ॥  
बाग फोलमय अस्तय अस्तय, पुरिम मे गुलि दस्तय ।  
डालि सूजिम मायि मँतिस अँथ्य पनुन्यन शूरिनय ।  
पानि बदलय खूनि जिगरय सग मे द्युतमय डूरिनय ॥  
तति आगय गोख मेहरबान, हयथ सूजिन लाल ताबान ।  
जीठ वुम्बर तय स्वख त आनन्द, कौछिनख रेशि पीरनय ।  
पानि बदलय खूनि जिगरय सग मे द्युतमय डूरिनय ॥  
क्याह बजर होव मायि मँत्य म्यौन्य गोसु त्रॉविन सौर्य प्रान्य ।  
ल्वति ल्वते कथु वनिनम, मोहरु बरय चै दूरिनय ।  
पानि बदलय खूनि जिगरय सग मे द्युतमय डूरिनय ॥  
मोत मस्तानु ह्योत मे कोताह, सुत्य वनहय तोत ति कोताह ।  
नजरि पनुने तल बु अँनिनस, जामु लोलुक्य मे पुरिनय ॥  
पानि बदलय खूनि जिगरय सग मे द्युतमय डूरिनय ॥  
दामु दामय चॉवनस, मेति मा कोरमस जांह ति बस  
बेहेनॉवनस निशि पानस, दोपनम डेकि चै पूरिनय ।  
पानि बदलय खूनि जिगरय सग मे द्युतमय डूरिनय ॥



हरदय फोलिमय दर्दय पोश, आगन वोननम गछ बी खोश  
छावान छावान यियनय बोश, सग बु दिमुयय मूरिनय ।  
पानि बदलय खूनि जिगरय सग मे द्युतमय डूरिनय ॥



## ऑशि मते

ऑशिमते मस कॅरथस, क्याह ह्यकय बुय बॉविथुय,  
वॅजिदस गॅयस अँन्दुर्य, अँन्दरी मस कूत गोख मे चॉविथुय ॥  
ऑशिमते मस कॅरथस, क्याह ह्यकय बुय बॉविथुय ॥

कथि अकि चानि गॅयि मे यॉरी, सुय मे वाख तु वच्चुन गोम ।  
दोपुथ स्वच्चयथ रोज च़ु पानस । सोरुय रोजी नॉविथुय ॥  
ऑशिमते मस कॅरथस, क्याह ह्यकय बुय बॉविथुय ॥

मय गछ ग्वतन तु कोचिनुय, अछ अन्दर लबख च़ुय करार ।  
यी मे बोवमय तँथ्य च़ु थफ कर, रावुरावुन मु हॉविथुय ।  
ऑशिमते मस कॅरथस, क्याह ह्यकय बुय बॉविथुय ॥

विजि विजे ह्यस तु होश थव, तेलि प्यवख स्वनुदानुसुय,  
वानस गछि तँथ्य गछनुय, येति कॅह गछि लॉरिथुय ॥  
ऑशिमते मस कॅरथस, क्याह ह्यकय बुय बॉविथुय ॥

कनसुय अन्दर गोम शब्दा, वल तु छल अँनिजि न कॅह ।  
ब्रॉह पकुन छुय चे वाराह, रोज तय अथु दॉरिथुय ॥  
ऑशिमते मस कॅरथस, क्याह ह्यकय बुय बॉविथुय ॥

लोलुच पुजिन्य

बानु यिनय च़ेय बरुनय,      रोज़ मंगान दुस ज़गि दुआ ।  
स्यद गछी स्वय च़े वॉनी वख़ दियी ती हाविथुय ।

ऑशिमते मस कॅरथस, क्याह ह्यकय बुय बॉविथुय ॥

पछ़ मे करॅमस संत्वष्ट रुज़ुस, तॉर्य पानय मे यलु गॉम ।  
रुमु रुमन रस मे फ़्यूरुम श्वबु दर्शुन गोम हॉविथुय ॥

ऑशिमते मस कॅरथस, क्याह ह्यकय बुय बॉविथुय ॥



जानानु लगुहय चॉनिस स्वबावस

जानानु लगुहय चॉनिस स्वबावस,

हावस छुम हा चानि दर्शनुकुय ।

यिहय कथ ज़ेवि पनुनि पानय बावस ।

हावस छुमहा चानि दर्शनुकुय ॥

जिंदु गुरुनाह तावि प्यठ नारु तावस,

बावि कस कूत छुय सु व्यतरानुय ।

मायि चानि लोगमुत छुना सु दावस ।

हावस छुमहा चानि दर्शनुकुय ॥

पोंपरिन्य कथा याद बो पावस,

दँजिथुय म्युल तस सपुदानुय ।

अमारु लोलुके गथ करान शमहस

हावस छुमहा चानि दर्शनुकुय ॥

शीनु कॅन्य गॉमुच मंज मे सॅहराबस,  
 यिख नतु कलि चानि छस शिठानुय ।  
 शेछ वातुनावुहय अथि च़ेय वावस ।  
 हावस छुमहा चानि दर्शनुकुय ॥

प्रुछहय कथा च़ेय लगुहय नावस,  
 कथि म्यानि पूरु पॉट्य कन थावतुय ।  
 अतु गथ 'मोहनस' कर म्वकलावुहस ॥  
 हावस छुमहा चानि दर्शनुकुय ॥

गॉमुच ग्वतन बो यिनु मालि रावस,  
 अथि नो कॅह छुम यीवानय ।  
 च़्यथ दितु म्याॅनिस लोलु जलावस ।  
 हावस छुमहा चानि दर्शनुकुय ॥

दिलि ऑयीना बु ति हो नावस,  
 नज़रि युथ जानानु च़ु येहमुय ।  
 मनि मंज ललुविथ नेन्दरा पावस ।  
 हावस छुमहा चानि दर्शनकुय ॥

दियि हे दर्शुन कथु बो बावुहस,  
 सतुची वथा मेति हावतुय ।  
 अडुछोव ज्ञान म्योन अनतो छावस ॥  
 हावस छुमहा चानि दर्शनकुय ॥

त्युथ हावतम लूम मोह त्रावुहस,  
 मन डंजि थावतम छस डलानुय  
 करारु यिथुय दान ठॅहरावुहस ॥  
 हावस छुमहा चानि दर्शनुकुय ॥



## पर मनु नमः शिवाय लोलय सान

पर मनु नमः शिवाय लोलय सान,  
वातख पानय परमस्थान  
दयि वॉणी छय अँन्दरी वजान ।  
वातख पानय परमस्थान ।

अन्दर अँचिथुय करार लबव,  
मन सर सुय मंजु श्रान करव,  
वछि वॉलिंजि स्वरोन हरि नारान ।  
वातख पानय परमस्थान ।

दयि लोल चमत्कार हॉविथ दिवान,  
बागुच फुलया शोलनावान ।  
ग्वरु दीव चैय करी कल्याण ।  
वातख पानय परमस्थान ॥

सनिग्गस वँसिथुय वनि यीवान,  
रवनि मोत सन्मुख छिन डेशान ।  
जानु वुनिसुय सुत्थ् म्युल छु सपदान ।  
वातख पानय परमस्थान ॥

कासी द्वख तु दौँद्य बेयि गांगल,  
शिव करी अनुग्रह चैय मंगल ।  
हंगु मंगु गँछिथ रुच कनुवान ।  
वातख पानय परमस्थान ॥

दयि सुय बरहव दमु दमु लोल,  
वुम्बरन हुंदुय चलिहे होल ।  
रोजव मंगान भक्ती वरदान  
वातख पानय परमस्थान ।

स्वस्थ पौढ्य रोजहव द्यानुहन करान,  
पननि स्वरूपुक प्रावुहव ज्ञान ।  
नौली नाल रट्होन जानान ।  
वातख पानय परमस्थान ॥

तनु मनु तस्य् कुन लागतो च्युय,  
मो थाव अँन्दरय काँसि हुंज दुय  
पौजिथ क्वलि मंजु खारुन दुर्दान ।  
वातख पानय परमस्थान ॥

चलुनय सौरी अँन्दरिम्य दौद्य,  
लोलुक्यन पोशन खसुनय लौद्य ।  
दयि लोल भँखत्यन शोमुरावान ।  
वातख पानय परमस्थान ॥



## खोत मे खुमार हा जूग्यराये

मस चॉवथस चैय बेवाये,  
खोत मे खुमार हा जूग्यराये ।  
डंजि आम मन बिहिथ अकी त्राये ।  
खोत मे खुमार हा जूग्यराये ।

ह्यसु फीरुस वनि नो आहम,  
छल कॅरिथ्रय वनतु कोत द्राहम ।  
सन्म्वख गछतु ती म्योन व्वापाये ।  
खोत मे खुमार हा जूग्यराये ।

राजदारय हा दिलदारय,  
छसनु मानान छुख च़ु बॉज़्यगारय ।  
मतु रोज़तम पर्दन छाये ॥  
खोत मे खुमार हा जूग्यराये ।

सुलि वेंथिथ्रय चानि अमारय,  
हावतम अज़ पनुन दीदारय ।  
चानि पकनुच च़ेनु बो त्राये ।  
खोत मे खुमार हा जूग्यराये ।

खारु वानुक्य नारय त्योंगल,  
च़ालान बो गनान यैलि चॉन्य कल ।  
गछतु ट्रेंठमान च़लि तैलि न्याये ।  
खोत मे खुमार हा जूग्यराये ।

मस मखमूर चूरि मो रोजतम,  
हालि दिल म्योन वारु चुय बोजतम ।  
चानि अनुग्रेह 'मोहनु' ग्वफि चाये ।  
खौत मे खुमार हा जूग्यराये ।



## तार दितु शंकरु

तार दितु शंकरु हा गंगादरु,  
परु मतु पावतम छय चे म्यौन्य द्रय ।  
आश छम चोनी चाने नावु तरु  
परु मतु पावतम छय चे म्यौन्य द्रय ॥

विजि विजि त्रावतम रुचुय मे नजर,  
खरु गछहा तय दरु हौ बय ।  
ध्यान दारनायि मंजु बासतम ईशरु  
परु मतु पावतम छय चे म्यौन्य द्रय ॥

गरु गरु फीरिथ छस आमुच अरु  
छवरु छवरु कॅरिथुय दोह कॅङ्गमुय ।  
जानान चु पानय वन कोताह जरु  
परु मतु पावतम छय चे म्यौन्य द्रय ॥

अज तुल मे कदम चाने आसरु,  
अंजाम सोरुय अनतम चय ।  
अनुग्रहँ चाने फवलि मे बाग नवि सरु  
परु मतु पावतम छय चै म्योन्य द्रय ॥

अथु डाल कँनुसुय युथनु ज़ांह प्यमु परु,  
करतम प्रेसाद वन्य पनुनुय ।  
साकार सोपुन म्योन चय करतु भास्करु  
परु मतु पावतम छय चै म्योन्य द्रय ॥

चौनी शय छम अचहा पनुन गरु,  
दोह आयिसय बो गँजंरानुय ।  
'मोहनस' कर कृपा ही जटादरु  
परु मतु पावतम छय चै म्योन्य द्रय ॥





## मंज मोदरि ज्वले

मंज मोदरि ज्वले चाने कले ।  
बुछमख बालक रूपस मंज ॥

कलस जटायि त्रॉविथ आसय  
द्योकाह शूबान बुम्बनुय मंज ॥

बुछिथुय गॅयस हर्षस कॉचाह ।  
पूरु चय आहम नजरन मंज ॥

थजरस बिहिथ प्यठ आकाशस ।  
अकि व्वटि आहम ख्वने मंज ॥

रुत्य रुत्य बाव म्यॉन्य व्वलसनस आये ।  
करने लॅजिसय स्वनुसुंद संज ॥

दोह ओस ग्वरु सुंद जार येम्य बूजिम ।  
यवु किन्य ओसुम मन प्रसन्न ।

जीरा ओंसुम अँन्दरी लॅजिमच,  
रस मे फ्यूरुम रगन रगन ॥



## च पद थावान

च पद थावान म्बखुय नु हावान  
बु कस यि बावय रज़ाह मे करतम ।  
मिस्मार कैरथस शफा बखुचतम ।

बु कस यि बावय रज़ाह मे करतम ॥

यि क्युथ तुफाना लोलस छु आमुत,  
फना गॅमुत्य् यिम अथ पथ छि द्रामुत्य् ।  
बस अकि नज़रे सरय च़ु करतम ।

बु कस यि बावय रज़ाह मे करतम ॥

गथा बु करुहय मुदाह मे च़ेयपथ,  
अदय मे मेलिहे अँन्दुर्य राहथ ।  
मुराद यि म्योनुय च़ुय पूरु करतम ॥

बु कस यि बावय रज़ाह मे करतम ॥

दीदार मे हावतम यि बोड मे अर्मान,  
दितम मे फर्मान यिमय बु दोरान ।  
कलि चानि गँजिसय च़ु टाठि वरतम ॥

बु कस यि बावय रज़ाह मे करतम ॥

चवान ब कोताह ओश अँन्दरी छस,  
चे मा प्यवान छुय ज़ांह ओर कुन ह्यस  
मे यारतम केंह हलम मे बरतम ॥

बु कस यि बावय रज़ाह मे करतम ॥

करान व्यनय चैय कुन छे 'मोहनय',  
तस बोड आसरु अख छु चोनुय ।  
प्रारान ब डेडि तल दूरचर हरतम ॥  
बु कस यि बावय रज़ाह मे करतम ॥



## चोन बासुन छुय मे टोट

चोन बासुन छुय मे टोट, तवय पकान छस ब्रोंठ ब्रोंठ ।  
तिथय गनान मे चानी कल, म्वख हावतम चय मे जल जल  
लोल म्योन चै ति छुये, किनु यिमा मे बुल छुये ।  
तोति सथ छम मे चॉनी, पूर करहमे चु वॉणी ॥

० ०

गोसु छुय केंह छुन त्रॉविथ, दितम ती मेय हॉविथ ।  
करतम सॉ एतिबारय, चोय पतु पतु बु लारय ।  
मेयछा नतु कांह गम, पय छुम लबथ यकदम ।  
पनुनुय पान आलुवय, त्राव सॉरिय मलालय ।

० ०

यि गव पथ सु गव प्रोन, वन्य करव न चोन तु म्योन ।  
अख अँकिस करव एतिबार, तिथय अदु लागि मे तार ।  
मे राग चोन रुमन रुमन, चारान क्याजि छुख बुमन ।  
अँती ज़रा बु सँन्दरन, यि दिल पतु मे हँन्दरन ।

० ०

चु फेरान नयन तु बालन, बु रोज़ान चै प्रारन ।  
छुख करान चु डुल्य ब्रॉर, थवान कव मे सुत्य वॉर ।  
बखुशतम वन्य करारय, फेर्यम हनि हनि शेहजारय ।  
पतय रोज़ पानस मस, बोज़ान रोज़ गंटायि ठस ॥



## भक्ति बावस बरतय माय

भक्ति बावस बरतय माय, वुह्य तु वाय चली हय ।  
सत्वरन ती द्युतमय दाय । वुह्य तु वाय चली हय ॥

रठतन दय त्रावतय बय, सु ति माय बरी हय ।  
नजरि अनान सु सौनी त्राय । वुह्य तु वाय चली हय ।

त्राव सोरुय मोह तय माय, सुय छुय अख व्वपाय हय ।  
लबुहन हर थावी साय । वुह्य तय वाय चली हय ॥

रगन मंज सुय करान जाय, बँखत्यन् गनान माय हय ।  
लोलु मँत्य आसान बे परवाय । वुह्य तु वाय चली हय ।

ग्वरु मॉल्य बोदनम लोल त माय, दमु दमु वँनिनम रुच कथ हय ।  
येमि सुत्य दयस कँरुम मनि जाय । वुह्य तय वाय चली हय ॥

कुनि विजि ग्वरु मोल करान गगुराय, व्वथान दिलस दबुराय हय  
रुचर लबुनुक छु सुय व्वपाय । वुह्य तय वाय चली हय ॥

स्वमनु पूज कर वस संद्यायि, करार यियी व्वन्दस हय ।  
प्रथ श्वासु परतय नमः शिवाय । वुह्य तय वाय चली हय ॥

रोजुहव बेफिकिर तु बेवायि, संज सोन करान कुस तान्य हय ।

प्रेँखटि पानय यि स्वरान आय ।

वुह्य तय वाय चली हय ॥



## पूर्य किन्य नोन सिर्ययि द्रामय

पूर्य किन्य नोन सिर्ययि द्रामय, गरु चामय नचुने ।  
जागि रुजसस त डेशामय, गरु चामय नचुने ॥

सुलि प्रबातु छार्यामय, सँजिदु लँजिसस करने ।  
नजरि तसुन्जे दिल फ्वल्यामय, गरु चामय नचुने ॥

नँव्य न्वक्तय द्रेंठ मे आमय, ब्रोंह कुन लँजिस पकने ।  
मँन्जिला मे तय कस्यामय, गरु चामय नचुने ॥

येलि सन्वख पानय आमय, मून्य चीन्य लँग्य प्रजलने ।  
यँचकालुक अमार द्रामय, गरु चामय नचुने ॥

हेरि बिहिथ ओस अंदामय, ब्वन वोथमय व्वलसुने ।  
रुत्य दोह मे बागि आमय, गरु चामय नचुने ॥

अर्शे फर्श व्वसि आमय, जेशना लँग्य करने ।  
अँछिनुय नोव गाश आमय, गरु चामय नचुने ॥

तौमलय मंजु कजिनम हामय, दोह क्याह आम फ्वलने ।  
निश प्रँखट्चोम गणश्यामय, गरु चामय नचुने ॥

पानु आगय यूर्य आमय, रुच शेछा वनने ।  
लोल चानि आस पुरिथ जामय, गरु चामय नचुने ॥

सफरा कँडिथ अथि आमय, लँजिसय बो शोलने ।  
पूज करुहस अंद तामय, गरु चामय नचुने ॥

लोलच वुजिन्य

सरस्वती माजि लीख्य नामय, साँरी लॅग्य पडने ।  
परन वाल्यन ख्वश आमय  
गरु चामय नचुने ॥



## कॉचाह करय मंगु मंगय

कॉचाह करय मॉज मंगुमंगय, पूस्चर दितम चुय प्रथ रंगय ।  
फोलुरावतय मे लंजि लंगय, पूस्चर दितम चुय प्रथ रंगय ॥

आलव म्यान्य बोजतय कनव,  
चेय रोस मॉजुय कस वनव ।  
मायि चेय गरय स्वनु सुंद प्रंगय,  
पूस्चर दितम चुय प्रथ रंगय ।

दाद्यन म्यान्यन चय दवाह,  
दर्दिल चे रोस छुम नु कांह ।  
दग चॅलुराव तमी अंगु अंगय  
पूस्चर दितम चुय प्रथ रंगय ॥

पछ करतु मॉज कूत गुदस्योम,  
त्यूतुय मने चोन लोल गन्योम ।  
सन्योम ना चानि सत्संगय,  
पूस्चर दितम चुय प्रथ रंगय ॥

ट्रेंठमान गछतम मे यॅचय,  
प्रॉस्च प्रॉस्च गॉमुच बो मॅचय ।  
येमि किन्य आमच बो तंगय,  
पूस्चर दितम चुय प्रथ रंगय ॥

जानान च सौरय ब क्याह वनय,

ध्यान चोन रट्ट हा क्षन क्षनय ।

सनम्बख यितम चठ तय पंगय,

पूस्यर दितम चुय प्रथ रंगय ॥

आयिसय मंगान माँज तलय दितम,

मँग्य मँग्य गौमुत्य छिम सितम ।

जामय रंगतम पनुने रंगय

पूस्यर दितम चुय प्रथ रंगय ॥

अज्ञान मलुकव तुल मे ग्यूर,

रोजुहय नु माँज चे निश बु दूर ।

मोह डेम्बु मंजु कडतम जंगय ।

पूस्यर दितम चुय प्रथ रंगय ॥

हथ पोर मँन्जिलस खसहा,

ईकांतसुय मंज बसुहा ।

हेरिकुय बोजुहा साजु चंगय ।

पूस्यर दितम चुय प्रथ रंगय ॥

आमुच 'मोहनय' छे सवौली,

यिथय मा नेरु स्वय खौली ।

तमि ओर कुन कँह नय मंगय ।

पूस्यर दितम चुय प्रथ रंगय ॥

कौचाह करय माँज मंगु मंगय ।

पूस्यर दितम चय प्रथ रंगय ॥





## अवतार दारे सदाशिव

आश छम राश यियम अँज्य ब्रसवारे,  
अवतार दारे सदा शिव।  
प्रारान छस बो बालु यपारे ।  
अपोर तारे सदाशिव॥

अवतार दारे सदाशिव॥

पाप तय प्वन्य् म्यॉनी सु चारे,  
पापन क्षय करि सदाशिव।  
प्वन्य् म्यॉन्य् सॉरी खातस तारे ।  
अवतार दारे सदाशिव॥

जीर येस्य् लगान अँन्दरिमि तारे,  
तँस्य् यिवान लारे सदाशिव।  
जन्मन हंघ् कूफ तसुन्दय न्यवारे ।  
अवतार दारे सदाशिव॥

शोमरिथ बेहमय नोमरिथ कारे,  
सोम रटि नाव म्यॉन्य् सदाशिव ।  
लोला बरसय कन थव तारे ।  
अवतार दारे सदाशिव॥

लोलुच फुलया लँज मनु वारे,  
छावुनि यीमय सदशिव ।  
लोलु पूज करुसय प्रथ कुनि वारे ।  
अवतार दारे सदाशिव॥



युसुय मे दमु दमय छारे,  
स्वरान पानस सुत्य सदाशिव  
सुयनो करन जांहति बो तारे ।  
अवतार दारे सदाशिव ।।

लोलुक ओश वसि तँस्य दारि दारे,  
यँस्य बँसिथ हृदयसय मंज सदाशिव ।  
सम डंजि रुजिथ सुय छ्वह मारे ।  
अवतार दारे सदाशिव ।।

तार मे दियिहेम बेहमहा क्रारे,  
स्वरान आयस सदाशिव ।  
अमर्यत वर्शनु बर्यम नँट्य नारे ।  
अवतार दारे सदाशिव ।।

हंगु मंगु जितिन्या त्रॉवुन मे प्यारे,  
ननुवारि छोरुम सदाशिव ।  
युस तँस्य गारान तँस्य सुय यारे ।  
अवतार दारे सदाशिव ।।

ग्वरु चरणन हुंद ध्यान युस दारे,  
कल्याण तँस्य करान सदाशिव ।  
'मोहनु' आयि ती करान पँतिमे प्यारे ।  
अवतार दारे सदाशिव ।।



## वछि वॉलिंजि दितु दर्शुनये

वछि वॉलिंजि दित दर्शुनये, क्रेशुनये चलिहेम ना ।  
त्राव पथ कुन जय रोशुनये, क्रेशुनये चलिहेम ना ॥

वोन द्युतमय लोलय चाने,  
अथि यिखना हा गोसाने ।  
छॉर्य छॉर्य गोम गाश अँछन तौनये ।  
क्रेशुनये चलि हेमना ॥

त्वछ छमनु केँह कति ह्यक् प्रॉरिथ,  
आश बँड छम छस हलम दॉरिथ ।  
मंगनि आयिसय दितम हत गौनुये ।  
क्रेशुनये चलिहेम ना ॥

तंबलॉवनस जूनि आफताबन,  
तनु छस गछान ग्वतन त खाबन ।  
क्याजि त्रोवुथ योर च़ेय युनये ।  
क्रेशुनये चलिहेम ना ॥

गुल फोल्यमुत्य बागि निशातय,  
सगनॉविथ च़ेय सातु सातय ।  
'मोहनस' ति गुल छिय सगवनिये ।  
क्रेशुनये चलिहेम ना ॥

छुख सदाशिव कल्याणुकाँरी,  
बान छर्च छिम बरतम साँरी ।  
भक्ति रस चम हा अछ्योनये ।  
क्रेशुनये चलिहेम ना ॥

दयि करतम बँड मे दस्तगीरी,  
रोजिहे मे प्रथ रंगु सीरी ।  
लोल चोन छुम ल्वलि ललवुनये ।  
क्रेशुनये चलिहेम ना ॥

सोर व्यवहार चे पानस तामथ,  
हाँविथ दितम नँन्य करामथ ।  
जेरि चानि छुम वेथि तरुनये ।  
क्रेशुनये चलिहेम ना ॥

वछि वॉलिंजि दित दर्शुनये ।  
क्रेशुनये चलि हेमना ॥



## हुसनु गंजिसुय वलुसय दुशालय

हुसनु गंजिसुय वलुसय दुशालय, यियि लालय मालय ह्यथ ।  
शेछ्य वॉचुम हालय हालय यियि लालय मालय ह्यथ ॥

यिनु तसुन्दे गाह पेयि बालन,  
पोन्य यियिना जोयन तु नालन ।  
विगिनि वनुवान क्याह बेमिसालय,  
यियि लालय मालय ह्यथ ॥

पुर्य त्रावान यियि लोत लोतुये,  
स्वर्ग लूकुक हय पोशि मौतुये ।  
नूड बरिथुय क्याह सोन्दरमालय,  
यियि लालय मालय ह्यथ ॥

ओम् ब्रह्मा महीशर तु वैशिनय,  
तिम ति करनि आय यूरिय जेशिनय ।  
कंदु नाबदु ह्यथ हाय थालय,  
यियि लालय मालय ह्यथ ॥

भक्ति भावु प्रारान लोलु हँतिये,  
भालु चँद्रस करवना मँतिये ।  
दिवताह ति गॉमुत्य मतुवालय,  
यियि लालय मालय ह्यथ ॥

अदुँ येलि वोथ प्यठ भूलूकस,  
 पारय गॅयि द्रॅस्तिस आलमस ।  
 वयकोंठ प्यठ आवय गोपालय,  
 यियि लालय मालय ह्यथ ॥

मंगला तय बेयि अष्टसेदी,  
 दिनि आयि बालुकोंस रुच ब्वदी ।  
 वोन लॅखिमी ड्यकस अथु डालय,  
 यियि लालय मालय ह्यथ ॥

सरस्वती माजि द्युतनस प्रसाद,  
 शारिका ति करने लॅज्य संवाद ।  
 नाव अँम्यसुंद छुना रखिपालय,  
 यियि लालय मालय ह्यथ ॥

हुकुम तामील कोर अम्बाये,  
 द्युतमुत छु माजि दोगाये ।  
 रेश्य-पौतरस छुना युन सालय,  
 यियि लालय मालय ह्यथ ॥

आश ऑसना आशावानन,  
 गाश प्रजल्यव चोन जहानन ।  
 दयि दर्शनस लोग यॅचकालय,  
 यियि लालय मालय ह्यथ ॥

आकोंश्य, वोथ पोशे वरशुन,  
 भूलूकक्यव ह्योत यॅच हरषुन  
 रथवान बेयि आयि रिसालय,  
 यियि लालय मालय ह्यथ ॥

लोलुच वुजिन्य

अँतुरि गुलाब मौलहस तने,  
वुदु ज़ोलहस ना ब्रोंतु कन्ये ।  
दीनन हुन्द आवु दयालय,  
यियि लालय मालय ह्यथ ॥

कँरिथ दर्शुन त्रप्त गँयि सॉरी,  
'मोहनस' ह्यथ आयख अनवॉरी ।  
दय टोद्योम बूज़्यनम नालय,  
यियि लालय मालय ह्यथ ॥

हुँसनु गंजिसुय वलुसय दुशालय,  
यियि लालय मालय ह्यथ ॥



## रट्टहाव सतु कुय दामानय

सतग्वरुँ क्रपा बनान पानय, रट्ट हाँव सतु कुय दामानय ॥

मे ओनुमय म्वखुँ सोम्बरॉविथ,  
प्वख्तय कारन द्युतमय हाँविथ ।  
रव्वने मंज रोटुम लोलय सानय,  
रट्टहाव सतुकुय दामानय ॥

यि ओस छँकरिथ गोमुत ब्योन ब्योन,  
न दरदिल कांह न ओसुस ह्योन ।  
दयन कौन सूज मे सतुवानय,  
रट्टहाव सतुकुय दामानय ॥

तुलिथ शीरिथ थवुन ल्वलि मंज,  
गनी कल करहस वुरुनुक संज ।  
वुरिथ बनान यि दुरदानय,  
रट्टहाव सतुकुय दामानय ॥

वुरुम कोरमस मे सतुकुय हार,  
सतय लोर तय पायेदार ।  
नतय ओस फलि फलि वॉरानय,  
रट्टहाव सतुकुय दामानय ॥

ओनुम तय छुनुम बबस नाँली,  
कँरुन कोबूल मौलल डॉली ।  
सतय आँखुर छु पोशानय,  
रट्टहाव सतुकुय दामानय ॥

सॅमिथ इकुवटु बडान विश्वास,  
गछान सतुकुय प्रेत्यक्ष आबास ।  
न तय काहन गाव छि रावानय,  
रट्टहाव सतुकुय दामानय ॥

वोनुम सतुनुय बॅ नोन तय प्रोन,  
दिमय लोलुक चे अम्रय्थ चोन ।  
तगीयय दारतु बोड बानय,  
रट्टहाव सतुँकुय दामानय ॥

सतुय वॉन सतुय ग्रजान,  
सतुय बानन बॅरिथ थावान ।  
तुलुन ठानु गछि सिरय सानय,  
रट्टहाव सतुकुय दामानय ॥

सतुसुय पथ मे त्रॉवुम दोर,  
डॅजिस नय पथ मूरुम न खोर ।  
सतुकुय नूर कति नु प्रजलानय,  
रॅट्टहाव सतुकुय दामानय ॥

छु ग्वरु मोल यस क्रपा करान,  
सतुक प्रकाश तॅमिस प्रॅखुटान ।  
दयस रोजान सु पूजानय,  
रट्टहाव सतुकुय दामानय ॥





अमरनाथस्य स्थलं ब्रह्मरूपं, वनिं वै दिमहाश्रवनाय  
 अमरनाथस्य ह्यु माँहा लौगायुत, शवनायनममूत <sup>सुलग</sup> मीनम्  
 व्योम तं मादरा तहिहागद्वयतय, वनिं वै दिमहाश्रवनाय  
 सासर्वं दिहकं वाँहिताय बीहस, धिमनं फदिमं तिदि मुहनि  
 जाहस ।

यत्किं दंदि लूक पौष्ठा लगान वसतय ॥० वनिं वै दिमहा

काष्ठा दहि ॥ परि जांहु नादा

बाजिह्वः योनयि आख परियादा

अस्मि श्रुतं पाद वलहसतय ॥० वनिं वै दिमहा श्रवनायसतय

स्वतंत्रं वलहसतय केनन वनवाला

अपे माता कृष्ण दत्त नाल

जग वसा - आकाश कसतय ॥० वनि बा दिन

कालकूरस दूरस निष्ठा दिव जाय

जहर पालस वर - अमृतचि माय

प्यो तैवे नीलकण्ठ नव तस तय ॥० वनि ब दिव द

जगतस आव पालन पावय

अमरवाधै कूस अरव पावय

कालमात नालि कुम्भा न कसतय ॥० वनि ब दिव द

दिति म्यावनि कौ हुन तय बाहन

पय लोनुम दुरा नारि म्या ठ बाहन

वहिक बाफा वर लारान कस तय ॥० वनि ब दिव द

प्यठ कैलासस कु शेजान

गुफ जगंयि दक्षिण दिक्कान



तति डंडितल वं प्रारान वसतय ॥० वनि वदिमहा

लागटस व्यन पोडा चारी बारी

शरि पननि भावटस शारी

दूप दीप कनि प्रारा आलवसतय ॥० वनि वदिमहा कावनाथसतय ॥०

वालकृष्णौ लाल मारान लाल फोल मा डपूठवान  
कायदीनन नाद लागय, लाल फोल मा डपूठवान ॥०

भक्तिवल्लभ पुस कु पौने यस दया वं भुही भुही  
दीन वसु बोड दयावान ॥० लाल फोल मा

सन्त है साथ यस छि करान ध्यान धारान यज मनस  
 आतैं आंत यस छि ललवान ॥० लाल फोल  
 प्राणिजन हुंद पुस छु प्रजो, परि पूरण दीप्तिमान  
 डेर गायत्र्यन पुस छु तारान ॥० लाल फोल  
 यस छे पत पत गुरी गुरी, शस शैलान अंद वनं  
 वसंरी तान पुस छु वायान ॥० लाल फोलि  
 न्यधैन्यन पुस आयैबान आरत्यन हुंद बोड शफीक  
 लाल जरन्यन छौदलावान ॥० लाल फोलि  
 बचा अना यियरी राशु सोनय कासी आसि यचकोल हो ल  
 द्वैरन्य पुस तबलावान ॥० लाल फोल  
 प्राण बधरस पादनय हुन समय समय तस शृवरस,

पाकिमेत यस पोछ लजान ॥०  
 लाल फोल मा उयुंढेवा

## ओश रुकिथ छुम

ओश रुकिथ छुम दन र्वखन प्यठ, पानु च्रुय व्वथुरावतम,  
हावतम तिछ नॅन्य ख्वदॉयी वीरि टंगु फल द्यावतम।  
ओश रुकिथ छुम दन र्वखन प्यठ, पानु च्रुय व्वथुरावतम॥

कृत्य गम ज़द बोन थॅविथ सर कासतख अज़लन च्रु वर,  
थोद थॅविथ कलु तिम ति पक़हन त्युथ बख़त वुज़नावतन  
ओश रुकिथ छुम दन र्वखन प्यठ, पानु च्रुय व्वथुरावतम॥

पासि ख्वदा छुय च़े म्योनुय, आलुमस छुख रछिवोनय,  
मेति च्रु अनतम नज़ुरनुय तल, ग्रहनु च़ोट नॅहनावतम।  
ओश रुकिथ छुम दन र्वखन प्यठ, पानु च्रुय व्वथुरावतम॥

आश छम फ़वलि गाश सुबहन, राश यियि जानावरन,  
बाशि करने लॉगि बुलबुल, तिछ विज़ मेय हावतम।  
ओश रुकिथ छुम दन र्वखन प्यठ, पानु च्रुय व्वथुरावतम॥

ऋत्य दोह मत ज़ीत्य करतम, दर अज़ाब मत थावतम,  
यी मे अँन्दुरी यथ दिलस छुम, ज़ानि हुंद मस चावतम।  
ओश रुकिथ छुम दन र्वखन प्यठ, पानु च्रुय व्वथुरावतम॥

‘मोहन’ आमुच ऑरचर सान अँन्दुरी आसान वुहान  
शबुनमुच अख लवु बखुशतम, नारु रेह शेहलावतम,।  
ओश रुकिथ छुम दन र्वखन प्यठ, पानु च्रुय व्वथुरावतम॥



## लोलुच वुजिन्य

असलुची शेछ बावतम यछ-तु-पछ बॅडरावतम।  
दमु दमय आयस स्वरान ज्ञेय अन्दताम वातुनावतम,  
ओश रुकिथ छुम द्वन र्वखन प्यठ, पानु ज्ञुय व्वथुरावतम॥

पूश्यतन दयि चोन अनुग्रेह पोश ह्युव फोलरावतम  
युथ नु मंजिलस वातु नु डल ह्यस तु होश तिथ्य थावतुम।  
ओश रुकिथ छुम द्वन र्वखन प्यठ, पानु ज्ञुय व्वथुरावतम॥



## चेश्म वंदहॉय ना च्वपॉस्च

चेश्म वंदहॉय ना च्वपॉस्च चलय हॉस्च बोज तमि जार ।  
 खस्तु दिल गोमय प्रॉस्च प्रॉस्च चलय हॉस्च बोजतमि जार  
 शेरि लेंगिथ च़ेय मुकटा,  
 नाव चोन अष्ट ब्वजा ।

जगतुच छखय ह्यतुकाँस्च,

चलय हॉस्च बोजतमि जार ॥

क्याह करय ब चोन वर्नन,

लगुहय द्दन चेश्मन ।

चरन पूजुनस दितमि वॉस्च,

चलय हास्च बोजतमि जार ॥

विजि विजि छसय करान जॉस्च,

वनि यितमी रानि ब्रास्च ।

जाल वेंजिमुच बु जलॉस्च,

चलय हॉस्च बोजतमि जार ॥

नजरि यितमी च़वापॉस्च,

तेंथ्य दितुमी अनुवॉस्च ।

मॅग्य मय नय दनु तय द्यॉस्च,

चलय हॉस्च बोजतमि जार ॥

दिल व्वदॉस्च मतय थावतम्,

सेदी मे प्रावुनावतम ।

छांडथ चु लोलु बाजॉस्च,

चलय हॉस्च बोजतमि जार ॥

लोलुच वुजिन्य

सुहय छुम अँन्दरु कने,  
चे सिवॉय यियि कस वने ।  
म्वल न तथ कुनि बाज़ास्च,  
चलय हॉस्च बोज़तमि ज़ार ॥

चैय कुन मन तु प्राण म्योन,  
गरि गरि मे हाजथ चोन ।  
जान पनुन करुहय निसॉर्य,  
चलय हॉस्च बोज़तमि ज़ार ॥

अख दरदि दिल बावुहय,  
बोज़हख तु क्याह गँयावय ।  
बरुनय यिहॉन मे ऑल्य,  
चलय हॉस्च बोज़तमि ज़ार ॥

अकि यितय सालु म्योनुय,  
हति सिनि दिमय ख्योनुय ।  
बूज़न नाना प्रकॉर्य,  
चलय हॉस्च बोज़तमि ज़ार ॥

अनहॉथ माज च छँन्दिथुय,  
द्वद तु पोन्याह मँन्दिथुय ।  
मँच हय गँयस चे छॉस्च छॉस्च ।  
चलय हॉस्च बोज़तमि ज़ार ॥

खस्तु दिल गोमय प्रॉस्च प्रॉस्च ।  
चलय हॉस्च बोज़तमि ज़ार ॥





## लालाह बुथि क्याह

लालाह बुथि क्याह, चालि खूबानय,  
बालि शॉदियानय अंद तामथ ।  
खसुवुन सिरियि तु जूनि हुंद दहानय ॥  
बालि शॉदियानय अंद तामथ ॥

रोतुलि गॅयम अज् यिहय कनवानय,  
द्यानस मंज आस कन ति दारान ।  
दोपुख अर्शि फर्शस वसि व्वलसानय ॥  
बालि शॉदियानय अंद तामथ ॥

गाह त्रावन ना ऑनु जॉपानय,  
ह्योर तय ब्वन आसि क्याह ज़ोतान ।  
चवा पॉर्य प्वलन अँश्कु पेचानय ।  
बालि शॉदियानय अंद तामथ ॥

रव खसि संगरव क्याह प्रज़लानय,  
अस्मॉन्य जानानु वसि शोलान ।  
आकॉश क्रख गॅयि रुज़िव वनु वानय ॥  
बालि शॉदियानय अंद तामथ ॥

लालु आव सालु तु लुख अवेज़ानय,  
प्रथ तर्फ़ साज़ाह ओस वज़ान ।  
द्वछि द्वछि ऑही ऑसिस मंगानय ।  
बालि शॉदियानय अंद तामथ ॥

लोलुच वृजिन्य

चाव येलि डेडितय कुलहुम नचानय,  
वख आव रुत असि बाग यियि फ्वलान ।  
येथ्य् वेलस ऑस्व् अँस्व् प्रारानय ।  
बालि शॉदियानय अंद तामथ ॥

दीवी तु दीवताह करनि लॅग्य् बयानय,  
प्रेत्यक्ष गव ती यि ऑस्व् कांछान ।  
सोपना साकार कौर दयन पानय ।  
बालि शॉदियानय अंद तामथ ॥

त्युथ दर्शुना लोब रुद्य नु व्यचानय,  
चवा पॉस्व् म्वहरय आयि छकान ।  
मालु नॉल्य् त्राविहस ओस शूबानय ॥  
बालि शॉदियानय अंद तामथ ॥



## मूर्यन आमय बहार

मौत हय सगुविथ गोम यान्य डूस्यन,  
तान्य् मूर्यन आमय बहार ।  
तर हय फ्यूरुम पोशे दूर्यन ॥  
तान्य् मूर्यन आमय बहार ॥

दय गोमना बूजिथ सीरन,  
रेशिपीरन ति बैरनमय माय ।  
नतु ऑसुस आशय दॅल्य् चीरन ॥  
तान्य् मूर्यन आमय बहार ॥

सीनु ओसुम दोरमुत तीरन,  
जान मीरन कोरनम शफा ।  
आरन मंजु ऑसुस नतु यीरन  
तान्य् मूर्यन आमय बहार ॥

जाल वलनय आमुत स्वंदरन,  
पूस्यर छुय अज दरगाह ।  
लालन म्वल करनावान हूरन  
तान्य् मूर्यन आमय बहार ॥

बोश खोतमुत येति शाहतीरन  
त्वर्क छानाह बन्योमुत लुकमान ।  
हुति द्दुदुरुय चामुत वीस्यन  
तान्य् मूर्यन आमय बहार ॥

लोलुच पुञ्जिन्य

दरदिल गोम ज़रु ज़रु शेरन,  
बागु बेरन म्वख्तु हय द्राम।  
द्वछि द्वछि तुलिथ थोवुम डेरन  
तान्य् मूस्चन आमय बहार ॥

ह्यस द्युतनम ज़ेरन तु ज़बरन,  
शेछि खबरन दोरनम गोश।  
बैस्च्य बैस्च्यहय थोवनम टूस्चन  
तान्य् मूस्चन आमय बहार ॥

ज़ीर दिचनम असुन्दी लोलन,  
तनु शोलान छसना बो।  
छालु मारान पेठ्य कुल्य् तेहस्चन  
तान्य् मूस्चन आमय बहार ॥



## लोलु हँत्य ज़ार

चैय प्यठ छय मे यछ तय पछ तो,  
 बोज़तो म्योंनी लोलु हँत्य ज़ार ।  
 प्रारुनॉवथस कूत तार सँदरसतो ।  
 बोज़तो म्योंनी लोलु हँत्य ज़ार ॥

मँग्य मँग्य थँचिमुच बेयि बेकसतो ।  
 आलुवन म्यान्यन कन च़य दार ।  
 आलव बोज़ख तु फवल बरजस्तो ।  
 बोज़तो म्योंनी लोलु हँत्य ज़ार ।

दितिमुत्य वादय याद पावसतो,  
 गछि ना कुनि किन्य सुय बेदार ।  
 रामु रामु कँरिथुय कूत व्यतरसतो  
 बोज़तो म्योंनी लोलु हँत्य ज़ार ।

गोसु मा छुस कँह ती प्रछहसतो,  
 कन थाव्यमना ती मे आज़ार ।  
 थफनय त्रावस दामानस तो ।  
 बोज़तो म्योंनी लोलु हँत्य ज़ार ।

दिल छुय शीशि यिनु फुट्स्चस तो  
 कौंचाह गॉमुच छस लाचार ।  
 यारिहैम कँछाह पछ थोद छसतो  
 बोज़तो म्योंनी लोलु हँत्य ज़ार ।

## लोलुच बुजिन्य

गुल्य् जुय गॅन्डिथय तॅस्य् व्वन्य् छसतो,  
ऑर्चर सान छस करान इजहार ।  
ग्रावु गोन्ध् कॅरिथुय आर अनुहस तो  
बोजतो म्याॅनी लोलु हॅत्य् ज़ार ।

ज़ार हय बोज़िहेम वंदुहस वसतो,  
अछि वॉलिंजि पेयिहेम शेहजार ।।  
रसु रसु अमिकुय ज्वन पावस तो ।  
बोजतो म्याॅनी लोलु हॅत्य् ज़ार ।

पछ छम ऑखरस नज़रि यिमसतो,  
अॅश्य् चाल व्वथुस्चम कर्यम एतिबार ।  
पतु नो रोज्यम कुन्युक हावस तो  
बोजतो म्याॅनी लोलु हॅत्य् ज़ार ।।



## लोल तु माये हेचमस जाग

लोल तु माये हेचमस जाग, येले मे राग सॅनिथ गोम ।  
अदय फवल्यव किथु म्योन बाग, मागस हार अॅनिथ गोम ॥

Thy k o h e : ेलि ज्यथ दिचुमय, तिथय गव मे दयि सुंद बास  
दिलुकि स ऑनस खयाह तुजिम ॥  
जलुवाह तसुंद जॉहिर गोम ॥

कनव र्वने छ्वन्या बूजूम, अन्दस्य वुज्योम नागयराद ।  
ग्वरु मॉल्य क्रपा बॅडय कॅरनम ।  
पजरुक सीरा वॅनिथुय गोम ॥

पुरिथ यिवान शीरिथ किथ कॅन्य जामन ज्यरिथ लाल ताबान ।  
आबाद सपजुस वुम्बरन प्यटुय ।  
सीरि असरारय बॉविथ गोम ॥

कति ह्यक् दीवस हूरिथुय, गोछुमनु गछुन जांह दूरिथय ।  
पुरविथ सॅदराह सुय मे दियम ।  
सगविथ हय डूस्यन गोम ॥

तार दियम मोहॅ वावस, बॅर्गस बॅर्गस हेयम जाग ।  
कोरनम अनुग्रैह क्याह टोद्योम ।  
रुतुय वाक्याह वॅनिथ गोम ॥

### लोलुच पुजिन्य

ग्वडु ग्वडु ऑसुस बेखबर, ज्वनाह असलुक ओसम न केह ।  
फोजसय किथु बो वेंथरय वेंथरय ।  
यनय पजरुक लोल गन्योम ॥

ऑसुस ब कृच अन्जानय, डंजि ऑसुस नो रोजानय ।  
सत ग्वर सुंजे दयाये ।  
नेश्चय पजरुक पूरय गोम ॥

मायि बोरुत मस्तानय, पयमान, थावान बैस्च बैरी ।  
मेय क्युत ति फ्युरुन मय प्यालन  
तिमय लोल चॉविथ गोम ॥



### वेंछुस सुबहन गॅयस मंदरस

वेंछुस सुबहन गॅयस मंदरस, मे लोलाह बोर शिव नाथस ।  
लोलु पोश लॉग्यमस चॉर्य चॉरी, गाह त्रोवुन च्वापॉरी ॥  
सौरुम दयि नाव कौरुम द्यानय, साकार गव मे भगवानय ।

जंगे प्यठ जंग थेंविथ बास्योम,  
अथस क्यथ लिंग थविथ बाव्योम ।  
येमे मंजु द्रायि नारुच रेह,  
स्व डीशिथ मन प्रसनगव मे ।



वनान बास्योम गछी क्याह चे,  
 चु व्वलु योतथ तु मेय निश बेह ।  
 दिवान येलि च्यथ ब पानस सुत्य,  
 तनय दर्शन मे यिथ्य वुछ कृत्य ॥

नूरय बोरुत सूरय मौतुय,  
 प्रकट मे गोम लोतुय लोतुय ।  
 तँती बास्योव मे रँटिमस ख्वर,  
 कनव बूजुम चु दयि नाव स्वर ।

गँयम सथ मे कस्यम अनुग्रेह,  
 गनान रोज्यम मे असुंदुय श्रेह ।  
 मने कोंछुम रटस चरण,  
 हस्यम ना पाप गछस शरण ।

बु जिगरस मंज करुहस जाय,  
 दमय दमु रुज्यतनम सहाय ॥  
 मे जीर दिचनम असुंघ लोलन,  
 तनय गरु म्योन आव शोलन ॥



## करि मुश्किल आसान

करि मुश्किल आसान, बबु टोठ सोन भगवान  
बैखत्युन करि कल्यान, बबु टोठ सोन भगवान ।  
मुरादन करि पूरय, दासन पवलि नूरय ।  
कडि सारी अरमान,  
बबु टोठ सोन भगवान ॥

युस तैस्य् गछन शरण्य, बानु तसंदी छु बरनय  
उत्थ फल सुय छुना दिवान, बबु टोठ सोन भगवान ।  
मे ति बबु सुंजय छे आश, अनि गटि हाव्य्म गाश ।  
तमि गाशिं लाल छारान,  
बबु टोठ सोन भगवान ॥

गंगादर तैस्य् नाव, सुलि सुय तफ करनि द्राव ।  
न्यथ रुद हुम करान, बबु टोठ सोन भगवान  
वंदुहोस जान नेत्रन, पम्पोशय पेंत्रन ।  
जगि मंज सुय चमकान ।  
बबु टोठ सोन भगवान

करिमचु छन करामौच, जफ कॅर्य कॅर्य सारि रौच ।  
विजि विजि तिमय प्रखटान, बबु टोठ सोन भगवान  
मेति प्रैखुटितन असंज वौणी, हय दवान दवौनी ।  
गुल्य्.गॅडिंथ तैथ्य् ब प्रारान ।  
बबु टोठ सोन भगवान ॥

अज आम सुब सुबुहय, असुवुन कमि हुबय ।  
जोगनम लोलय सान, बबु टोट सोन भगवान  
वन बी क्याह गछी कूर्य, प्रछनि प्योम चे निश युन यूस्च  
संतवष्ट चे प्यठ नाराण ।

बबु टोट सोन भगवान ॥

‘मोहनस’ च्यय सबबगार, कस नु करान च्यय ह्यतुकार ।  
रोजतम च्यय सनिदान ।  
बबु टोट सोन भगवान ॥



## सु दीदार हावि कर!

सु दीदार हावि कर मे छम गॉमुच दथ  
यियम राश यिनु तँहँन्दे बावहस कथ ।  
बॉविथ कथ कूत यिवान अँन्दर्य राहथ ॥  
यियम राश यिनु तँहँन्दे बावुहस कथ ।

बु दपुहस युन चोनुय छुम मे स्यठाह टोट,  
न यिनय थकान अँछ तु दिल ख्यवान चोट ।  
रावान छम रॉच कँर्य कँरी इबादत  
यियम राश यिनु तँहँन्दे बावुहस कथ ।

छु म्युल गछुन दयस सुत्प बोड हसरत,  
चे छुय पासि ख्वदा, युन चोन छु न्यामत ।  
तमना यी मे छुमना, ख्वनि बु ललवथ ॥  
यियम राश यिनु तँहँन्दे बावुहस कथ ।

## लोलुच वुजिन्य

अमारय चानि थवहय वॉलिंज बु चेय पेश,  
यियी हय पछ तु चावतम मॉस्यफतुच त्रेश।  
अदय पेयिहे मे क्याह रुमुनुय यि शेहलथ॥  
यियम राश यिनु तॅहॅन्दे बावुहस कथ ।

चु छुखना छलुगोर छिहम छलुरावान,  
अङ्चन चावान छुख अङ्चन परु पावान।  
मे तेय वोनमय मे चावतम जामे उलफत॥  
यियम राश यिनु तॅहॅन्दे बावुहस कथ ।

बु आयस चानि डेडितल दरअजाब छस,  
ख्वरन बस्तय खॅचमचु पेयतनय ह्यस।  
करखना शिहिज नजराह बनि मे रॅहमथ॥  
यियम राश यिनु तॅहॅन्दे बावुहस कथ ।

हाव्यम दीदार मे छुमना यी अमारय,  
कर्चमना पनुन्यनुय मंज मे ति शुमारय।  
बॅनिथ राजदार मे हाव्यम नूरि वहदत॥  
यियम राश यिनु तॅहॅन्दे बावुहस कथ ।



## दया कॅरथम अज हॉविथ मे दर्शुन


दया कॅरथम अज हॉविथ मे दर्शुन,  
 फिरय कोताह बजर चोन आव मे हर्शुन।  
 छेसय प्रारान मॉज अँछ तुलतु मे कुन ॥  
 फिरय कोताह बजर चोन आव मे हर्शुन ।

गँयी दोह कृत्य तनु म्बखनय होवुथ,  
 चु वनतम क्याजि दिल म्योन दुखरोवुथ।  
 अमारय चानि अँछव त्रोव रूद वर्शुन ॥

फिरय कोताह बजर चोन आव मे हर्शुन।  
 बु यिमहय च़ेय निश कल कुच गनेयम,  
 क्वठ्चन ओसुम नु होश यिय कथ सनेयम।  
 चु तुलुहॉम थोद जल मॉज ती मे स्वरुन ॥  
 फिरय कोताह बजर चोन आव मे हर्शुन ।

दिथुय दर्शुन च़े कॅरथस अज बु कुच शाद,  
 तुलिथ थोद र्वनि दामन हॉविथम पाद।  
 पतय बास गोम वुछुम म्बख चोन प्रजलवुन ॥  
 फिरय कोताह बजर चोन आव मे हर्शुन।

तम्युक वर्णन बु क्याह करु मॉज छुम अँछन तल,  
 सु जलवाह ताबुवुन रूप ओस सु शीतल।  
 स्व गॅर याद कॅर्य कॅर्य यीवान मे राशुन ॥  
 फिरय कोताह बजर चोन आव मे हर्शुन ।  
 दया कॅरथम अज हॉविथ मे दर्शुन ॥



टाठि बबा ! दामान रोटमय मे चोन

टाठि बबा छुख च नुन्दबोन, दामानु रोटमय मे चोन ।

प्रजायि छुख च रछिवोन ॥

दामानु रोटमय मे चोन ॥०॥

अगाद सेंदि तारतम, सोर अभिमान गालतम ।

हावतम बबु माजि तोन ॥

दामानु रोटमय मे चोन ॥०॥

अज्ञानन कॅरुस पस, ज्ञान मार्गुक दितम ह्यस ।

युथ मशिहेम चोन म्योन ।

दामानु रोटमय मे चोन ॥०॥

भक्ति बावु चैय छारान, कमि लोलु चैय प्रारान ।

म्वख हावतम प्रजलवोन ॥

दामानु रोटमय मे चोन ॥०॥

भैखत्यन् वरनि यीवान लॉन्ग् तिहन्दी च शेरान ।

स्यदु पीठ आश्रम चोन ।

दामानु रोटमय मे चोन ॥०॥

बबा चानि दयायि सुत्य्, सपदेयि मुनवर कृत्य् ।

अथुरोट छुख च करवोन ।

दामानु रोटमय मे चोन ॥०॥

मेति रठतम दॅलिस तल, कासतम मोह गांगल ।  
 त्रन भवनन प्रकाश चोन ।  
 दामानु रोटमय मे चोन ॥०॥

करव क्याह चोन वर्णन, लगहोय हरनु चेशमन ।  
 हाव असि श्वब दर्शुन ॥  
 दामानु रोटमय मे चोन ॥०॥

संतन मंज च प्रधान, प्यठ कनि चोनय थान ।  
 बॅखत्यन च थोद तुलवोन ॥  
 दामानु रोटमय मे चोन ॥०॥

बब छम चॉन्य् बॅड सथ, पज़रुच हावतम वथ ।  
 अनुग्रेह चोन पोशिवोन ।  
 दामानु रोटमय मे चोन ॥०॥



## लोलु हँत्य आलव

चु बोजतमी लोलु हँत्य म्यान्य यिम आलव,  
यितमी लारान मॉजय पेठ्य बालव ।  
बु वँजिमुच कूच वुछितय जलुस्य जालव ॥  
यितमी लारान मॉजय पेठ्य बालव ।

मे कडतम अमि मंजु गछुहा बु आजाद,  
खुल्यम वथ तय बु वुछि हॉय चॉन्य पोशि पाद ।  
अदय फेस्यम रुमन रस प्यालव प्यालव ।  
यितमी लारान मॉजय पेठ्य बालव ।

गँयी दोह तनु कूत्य यनु मे वन्योमय,  
मे चाने डेडि तल हालि दिल थव्योमय ।  
बु कँरहस हलपथ दिय दिय नालव ॥  
यितमी लारान मॉजय पेठ्य बालव ।

चु कड म्वहलथ यि पर तय हालि दिल म्योन,  
छिहम टॉठ मॉज मे हावतमी माजि तोन ॥  
ब कर हय लोलु पूज चेय लालु मालव  
यितमी लारान मॉजय पेठ्य बालव ।

मे छम बँड आश फकथ अख मॉज चॉनी,  
दोयुम ब्याख नय मे दर्दिल सोस्यम जवॉनी ।  
तवय वोनमय मुचुर तमी वानन फालव ॥  
यितमी लारान मॉजय पेठ्य बालव ॥



बु करुहय मॉज चैय पथ लोलय गथ,  
दितमी वर त्युथ जि युथ अंजाम यियम कथ।  
गँमुच गीर छस बु मॉज यिम वुय हालव॥  
यितमी लारान मॉजय पेढ्य बालव।

तेले सपदन यिम सॉर्य म्यॉन्य मुशिकल हल,  
येले रट्टहम च मॉज पननिस दॅलिस तल।  
कडान दोह दोह बु छस यिमुवुय खयालव ॥  
यितमी लारान मॉजय पेढ्य बालव॥

दिलस द्वख छिय मे कूत्याह हावुहय चैय,  
यिम अफसानय ति सॉरी बावुहय चैय ।  
चु बागुर तमि रहमत थालव थालव ॥  
यितमी लारान मॉजय पेढ्य बालव॥

चु गोश लागान क्याजि मॉज ती मे वनतम,  
बु बरु गॉमुच दादि चानि रफाकत च करतम।  
दूर्यरु चाने त्रावान ओश बुय चालव चालव ॥  
यितमी लारान मॉजय पेढ्य बालव॥



## रुत्य् आलव

मे आलव माज कनन चॉनी रुती गॉम,  
तवय सथ छम मे चॉन्य् अथुरोट च़ु करहॉम।  
बजर कोताह फिरय चोन हेच़ च़ छिहॉम॥  
तवय सथ छम मे चॉन्य् अथुरोट च़ु करहॉम॥

चे कॅरथम अन्दुरय मॉज मनि मंज़ुय जाय,  
मे ते सुलनॉवमख तिथु मा लॅजी ग्राय।  
मे सारिनुय खोतु मॉजॉय टॉठ छिहॉम ॥  
तवय सथ छम मे चॉन्य् अथुरोट च़ु करहॉम।

येले छॉरमख त थोवथम नादनुय कन,  
दोपुथ पख ब्रॉह कुनुय सपदख च़ु प्रसन्न।  
थोवुम सोरुय चे पुशरिथ अंजाम अनहॉम॥  
तवय सथ छम मे चॉन्य् अथुरोट च़ु करहॉम।

च़ु सनिदान वुछनकुय छुम ना मे हावस,  
यिमन नेत्रन मे करतम दूर च़ु मावस।  
मे चॉनी आश बॅड छम न्याय अँज़ुरहॉम ॥  
तवय सथ छम मे चॉन्य् अथुरोट च़ु करहॉम।

वोनुथ मॉज यिय चे ज़ेवि तिय मे ल्यूखुम,  
यवहय ल्यूखमुत पनुन्य् मॉज स्यद च़ु करुम।  
फुलय बागस च़ु म्यॉनिस बरजस्त अनहॉम ॥  
तवय सथ छम मे चॉन्य् अथुरोट च़ु करहॉम।

चै थोवुथ सायि पनुनुय मॉज मे हरदम,  
वोनुथ सैकिलिस जे मोहनय फ्वलनय कोसम ।  
कोबूल कर म्यॉन्य व्यनथ युथनय ज दूरहॉम ॥  
तवय सथ छम मे चॉन्य अथुरोट चु करहॉम ।



## यियि हेम करार

लोल नारुचि कॅहॅवचि खारतम,  
परखावतम त यियिहेम करार ।  
सनिदान न्यथ म्वख पनुन हावतम ॥  
परखावतम तु यियिहेम करार ॥

ॐ शब्दुच म्वहर मनि चय त्रावतम,  
हने हने पेयम शेहजार ।  
पनुने अथु मस अम्युक चावतम ॥  
परखावतम तु यियिहेम करार ॥

सूहम् सू विजि विजि स्वरुनावतम,  
मोहॅ नेन्दरे करतम बेदार ।  
पानस सुत्य् ज्ञान करनावतम ॥  
परखावतम तु यियिहेम करार ॥

जिंदु पानु मरुहा तिय प्रेखटावतम,  
हावतम पनुन स्वरूप साकार ।  
कुन दीव सौरिसय मंज बासनावतम ॥  
परखावतम तु यियिहेम करार ॥

हा दर्दिल मेय मतु मँशिरावतम,  
क्रूठ कोताह चे रौस यि संसार ।  
रिंदु मस्तानु दीदार हावतम ॥  
परखावतम तु यियिहेम करार ॥

लशि नारय शेशकल वेगलावतम,  
ऑशिमति ऑशिसुय छम लगान दार ।  
ऑविजि लंजि मतु दुनिरावतम ॥  
परखावतम तु यियिहेम करार ॥

सेजि वति टाठि स्योद पकनावतम,  
बंदु छस बशर कोरुम इजहार ।  
ह्यस तय होश दमु दमु थावतम ॥  
परखावतम तु यियिहेम करार ॥



## दमन सुती थव बा लय

च्यथ छय डलान कमन कमन, दमन सुती थव बा लय ।  
अदय पानय येन्द्रेय शमन, दमन सुती थव बा लय ॥

जB y : Tm पय अदु मेली, शेहली वुछतु चैय क्याह व्वदुर ।  
तिथय फ्वलनुय अँन्दरिम्य चमन, दमन सुती थव बा लय ॥

पतु मस रोज़ख सोज़ाह बोज़ख, शनु शनु गनी लोलाह पूर ।  
शेहजार फेरी रुमन रुमन । दमन सुती थव बा लय ॥

येम्य दिच डुंगाह मंज़य सँदरस, लँदरुची यॉच थँवुन ज़ाग ।  
सनिरस वँसिथुय प्रोवुन खूर्मन, दमन सुती थव बा लय ॥

मोहँ अनिगोटुय डालान वथ छुय, असुलुकि पयि निशि थावानदूर  
पानस क्युतुय ज़्युसा खनन, दमन सुती थव बा लय ॥

श्वद येलि गछन अन्तःकरण, अदु डंजि यिवान पानय मन ।  
पानय पानस मंज छिय शमन, दमन सुती थव बा लय ॥

लूबुच वुनल खखास करन, गालान छय ना सॉर हन हन ।  
संसॉर्य विषयन मव आस ब्रमन, दमन सुती थव बा लय ॥

दम येलि रटख मस रोज़ पानस, ओरुच योरुच कल च़ुय त्राव  
प्राणन लगी ह्योर कुन लमन  
दमन सुती थव बा लय ॥

## चावतम लोलु अमर्यथ

हा कल्यानकाँरी छस करान जाँरी, बोजतम बस अख कथ ।  
मन डंजि थावतम, म्वख पनुन हावतम, करतम स्वय रफाकथ  
स्वय छम अनायत, स्वय छम मुरवथ, तेलि द्यवु रोज़ु स्वच्यथ  
चावतम लोलु अमर्यथ ॥

यितमो जल वनि, सुय छुम अँन्दुर्य मनि, निमहा बु सोरुय चथ ।  
प्रज़ल्यम गाश तेलि अनुग्रेह बनि येलि, रोज़हाँनु कुनि रंगु पथ ।  
हाविथ सोरुय दितम, पथ मतु जांह ह्यतम, ज़ानु बो स्वय रहमथ ।  
चावतम लोलु अमर्यथ ॥

पानय च़ु दाता, पानय च़ु राहथा, पानय च़ु माँज तय मोल ।  
पानय सम्पदायन हुंद खज़ानय, कर्मन च़ु कासुवुन दोल ।  
दासस पासकर, च़ुय छुख भास्कर, चाँनी नँन्य क्वदरथ ।  
चावतम लोलु अमर्यथ ॥

कृष्णुन ओलाह र्वनि मंज़ोलाह, मथुरायि बँठिसुय प्यठ ।  
अँन्ध् अँन्ध् गूस्यबायि, ग्यवान लोलु तु मायि, यशोदा माता ह्यथ  
कोसुन ज़गि भय, कँर्य कँर्य क्याह तय, कंसस आव काल ह्यथ  
चावतम लोलु अमर्यथ ॥

समयस ताँसीर, गोर क्याह करि पीर, आदमस पनुन तकदीर  
पासु येलि आस्यस, दाँन्य डल्य्स न माशस, लागि निशानस तीर  
ह्युव नु कँह रोज़वुन, सोरुय सोरुवुन रोज़वुन्य छय अख कथ ।  
चावतम लोल अमर्यथ ॥

दिनु वोल् पानय, दानय हानय, ख्यनु वोल् निवान ख्यथ ।  
लेजि वारि बैस्य बैस्य पोज अपुज कॅस्य कॅस्य, तोति न यिवान कुन वथ  
तिष्ठ वथ हाव च्युय, येमि सत्य तरुवुय गॅयि स्वय पजि दयि गथ ।  
चावतम लोलु अमस्यथ ॥

ख्यथ ति ख्यनुची कल, मछय अनान वल, ट्वफ दिथ करान अँदरखल  
होन्यन् म्वखाहार, इन्सॉन्य यॅच लशि नार,  
हारि कुनुख इन्सान मुजन थोद म्वल ।  
रोवमुत इन्साफ, दयि कास च्युय शाप, गॉमत्य सॉस्य हलपथ ॥  
चावतम लोलु अमस्यथ ॥

येति लारुन क्याह, छोट क्रुहुन चारुन क्याह, नेरुन छैन्य अथु ह्यथ ।  
ह्यथ आय यि ओरय, कर्मुक बोगुय, ललवुन, ती ख्वनि क्यथ ।  
येति करव क्रय उच, स्वय छय सुत्य किच यिहय छय पॅज दवलथ  
चावतम लोलु अमस्यथ ॥



## कृपा कर पूरि पूरानय

कृपा कर पूरि पूरानय, साईं नाथु च्युय पानय ।  
 सदा रोजतम मेहरबानय, साईं नाथु च्युय पानय ॥  
 च्यु करतम रहमतुच नजर, रुचन काम्यन् करुम स्यजर ।  
 आश छम करुहम कल्यानय । साईं नाथु च्युय पानय ॥  
 पथर पेमत्यन् तुलान छुख थोद, मेते गरि गरि च्यु वुछतम स्योद,  
 सितम म्यॉन्य अन तु द्रेंठमानय । साईं नाथु च्युय पानय ॥  
 आश्चर छुम य्वहय कोताह, येते कांह कॉन्सि नो ह्योताह ।  
 प्रक्रथ सॉन्य रोज तु शोजरानय । साईं नाथु च्युय पानय ॥  
 चे ह्युव नो कांह ति छुम दर्दिल, तवय बावान बु च्येय हालि दिल ।  
 दाद्यन सान्यन् छुख वातानय, साईं नाथु च्युय पानय ॥  
 मे हावतम असलुची च्युय वथ, ये मे किन्य चॉन्य छम बॅड सथ ।  
 भक्त्यन पनन्यन् छुख टोठानय, साईं नाथु च्युय पानय ॥  
 छ्वकन पानय च्यु छुख बुलगार, अके नजरि चानि बनि शेहजार ।  
 शफा पननुय छुख बखशानय, साईं नाथु च्युय पानय ॥  
 मे छम पछ मेय गछख बूजिथ, अथय दॉरिथ छसय रुजिथ ।  
 दया कर अदु चलि हानय । साईं नाथु च्युय पानय ॥  
 गटे मंज च्युय न्यबर कडतम, छटे मंज अथुरोट करतम ।  
 कुनि व्वटि हावुम पनुन थानय साईं नाथु च्युय पानय ॥





## दर्शुन दिजिहे रूजुय मे कल

द्यानु मँज्य नय तोति सौपनी यिजिहे,  
दर्शुन दिजिहे रूजुय मे कल ।  
पछ चॉनी छम यछ मे बँरिजिहे ॥  
दर्शुन दिजिहे रूजुय मे कल ॥

यिनु मा द्युतुथम निशि चैय पानस,  
थानस वातनुच ऑसुम कल ।  
दूरी रूजिथ खबरा प्रुछिजिहे ।  
दर्शुन दिजिहे रूजुय मे कल ॥

रातन दोहन रूजुस ब प्रारान,  
छारान रूजुस मॉज चानि वतय ।  
जेरि मा जबर गँयि, तथ माफ कँरि जिहे ।  
दर्शुन दिजिहे रूजुय मे कल ॥

दोह गँयि कृत्य तनु डेडि तल आयिसय,  
थलि थलि वुछमय ना चैय च्वपॉस्य ।  
तम्बुलॉवथस कृच अँछन तल मे दँरिजिहे ।  
दर्शुन दिजिहे रूजुय मे कल ॥

प्रथ शहँ रोजान मॉज कल चॉन्य छम,  
मल अँन्द्रयुम छुम सुरुनोवमुत ।  
प्रॉर्य प्रॉर्य लूसुस सनम्बख मे यिजिहे ।  
दर्शुन दिजिहे रूजुय मे कल ॥

चानि बारगाहि निश ख्वर येलि डोल मे,  
अदु मतु प्रुछतम क्याह हाल गोम ।  
हालिबद गव मे लोलाह बैरिजिहे ।

दर्शुन दिजिहे रुजुय मे कल ॥

हतय मौज वनतम क्याजि मैशरौवथस,  
कर बन्यम् चोनुय रूप साकार ।  
चानि यिन शेशकल मे अँन्दरी वेगलिहे ।  
दर्शुन दिजिहे रुजुय मे कल ॥



## मायि चानि अँछ्य मे लोसम

मायि चानि अँछय मे लोसम सँन्य किसँरिये  
वलु हावय किथ्य मे चैय कनु दूर गँरिये ॥  
दादि म्यानि यिखना हतय लोलँरिये ।  
वलु हावय किथ्य मे चैय कनु दूर गँरिये ॥  
दूस्यर चोनयु क्रूठ हय प्योमय,  
चालान चालान ख्वनि ललनोवमय ।  
यिनु चानि बलनम दौँद्य जिगुरिये ।  
वलु हावय किथ्य मे चैय कनु दूर गँरिये ॥

दमु दमु अँछिनुय तल छिहम बासान,  
दँछिन्य तय खोवुस्य च़ुय गिंदान आसान ।  
गिंदनस दिमय ना म्वहर दँरिये ॥  
वलु हावय किथ्य मे चैय कनु दूर गँरिये ॥

मोदरेय माछि ख्वतु कथु चानि टाछि क्याह,  
बाशि करुनि चाने याद प्यवान छम ना ।  
राश चानि यिनु यियम हतय हियि थरिये ।

वलु हावय किथ्य मे चैय कनु दूर गॅरिये ॥

यितु जल बु प्रारान चाने वेरे,  
फ्वलुनम ग्वलाब बागस बेरि बेरे ।  
ह्वछि मचि पोशि कुजि फेस्चम तॅरिये ।

वलु हावय किथ्य मे चैय कनु दूर गॅरिये ॥

वॉलिन्जि म्यानि मंज अनुमोल चॉन्य जाय,  
ममतायि वॅजिनस छिहम बोड सर्माय ।  
हैचमख दयस च्युय पूज कॅस्च कॅरिये ॥

वलु हावय किथ्य मे चैय कनु दूर गॅरिये ॥

फलवतम तु नवतम ड्यक् बॅड नेरतम,  
जोरे पननि सुत्य आकाश्य फेरतम ।  
लॅक्ष्मी सरस्वती ह्यथ टूट्यनय चे हरिये ॥

वलु हावय किथ्य मे चैय कनु दूर गॅरिये ॥



## बागु बबुरिये

बागय मंजुची बागु बबुरिये,  
अख अख दोह खँसिनय अख अख वँरिये ।  
यी छसय कांछान टूठिनय हँरिये ॥  
अख अख दोह खँसिनय अख अख वँरिये ॥

अज छुय चे जन्म दोह, नवतम त फवलतम,  
स्वख तु सम्पदायव सत्य् हलम बरतम ।  
ड्यक् फोलुराँव्यनय राजेश्वरिये ॥  
अख अख दोह खँसिनय अख अख वँरिये ।

अँछ छमय लोसान चानि दादि वुछिहथ,  
करु क्याह अँन्दरी छम गॉमच दथ ।  
यिनु चानि वॉलिन्जि फेरि हेम तँरिये ।  
अख अख दोह खँसिनय अख अख वँरिये ।

बबस तय माजि हंज च्रुय टॉठ्च कूरुय,  
मेति कोताह कोर सोबूरुय ।  
ज्वयि मँज्य आबु रख चामुच छिहम बँरिये ॥  
अख अख दोह खँसिनय अख अख वँरिये ।

कुनि अँछ गाश छख, शमाह दजवुन थावतम,  
प्रथ जायि नाव पनुन रोशन थावतम ।  
सुय गाश प्रजुल्यतनम विजि विजि च्वपॉरिये ।  
अख अख दोह खँसिनय अख अख वँरिये ।

नाजनीन कूराह अनमोल म्याँनी,  
 वंदहय जुव त जान, माय कुच मे चॉनी ।  
 दन्दु बँस्य मे लोसान चै ऑही कँरि कँरिये ।  
 अख अख दोह खँसिनय अख अख वँरिये ।

ऑही सॉर म्याँन्य् नीस्चतनय पँजुये,  
 लसतम तु नवतम, शिव टूठिनय बोजये ।  
 कुन्य्र दय चै कॉसिनय ती छुम अन्दरिये ।  
 अख अख दोह खँसिनय अख अख वँरिये ।

वुनि छिहम ल्वकटय, क्याह चैय बु बावय,  
 चानि दादि कुत्य् छिम लँग्य मुत्य तावय ।  
 दयि सुंद प्रसाद छिहम अछि पोशि थँरिये ।  
 अख अख दोह खँसिनय अख अख वँरिये ।

‘मोहन’ ग्वफन चायि तय फीरुय मंदरन,  
 अनायत कँरनमु मे अँक्य् जातन ।  
 रातन बेदार रुजिथ हतय ही थँरिये ॥  
 अख अख दोह खँसिनय अख अख वँरिये ।



## पं० जगननाथ शिवपुरी साँबुन बजर

अख याद

{ तिहंदिस जेन्म दोहस प्यठ }

नूउ बँरिथ पूउ सिरियय, गाह त्रावान क्याह सु ओस,  
बोजु वुन ओस सोजि दिलाह, ख्वश—अंदामा क्याह सु ओस ।  
अज छु दोह तँस्य ग्वर मॉल्य सुंद ग्वणुमाथा युस ओस महान ।  
मॉस्चमोन्द तय शूबुवन, 'लुकुमानाह' क्याह सु ओस ॥

यस बँ तस ओस दिल रछान बेयि माय—मेछर बॉगरान,  
शीरिथुय तय पुरिथुय ख्वशबयाना क्याह सु ओस,  
कथु कलामा रुत तसुन्द युथ, म्वख्तु ओसुस ज़न हरान ॥  
वुठ तसुंघ कौत्याह मोदुस्य बेयि, राज़दाना क्याह सु ओस ॥

तँस्य स्वरानय दिल छु रीवान, ऑसना बँड सथ तसुंज,  
रुत त ह्योत ओस सारिनय क्युत गमगुसारा क्याह सु ओस  
कूत लेखान अस्य गछव, तोति थकि मा सोन कलम ।  
पोशि चमनन गुल बहारा, दिल करारा क्याह सु ओस ॥

शॉयरा बोड़ मूसीकाराह, थ्यकुवुनुय साजंदरा,  
रागु लेछन बेशुमारुय, गीतकाराह क्याह सु ओस ।  
मस दोहय ओस पानुसुय मंज़, गम नु कांह ओसुय ह्यवान ।  
नामवर ओस कामुदीवुय, दोसदारा क्याह सु ओस ॥

कॅम्प नु छोव शेहजार तॅम्पसुंद, सारिनुय क्युत ओस शफा,  
सगुवान ओस पोशि डूरुयन बागवाना क्याह सु ओस ।  
ऑखरस 'मोहनय' वनान जगटोट सोन ओस महान ॥  
कसनु ओस व्यंदान पनुनुय दोसदारा क्याह सु ओस ॥



लोलुच वुज़िन्य

दोयुम बोग

चु पॅद्य





## चु पॅद्य

1. ०ल येस्प् आसी सुय छुय सनान  
अथि तॅस्प् यिवान सनि ख्वतु सोन  
सतु चे गंगायि ग्वतु पूरु दिवान  
पज़रुय कडान टाकारु नोन ।



2. प्यव बा मालि अँन्दरिमिस दानस  
वारु वारु प्रज़ली त्योंगलन रेह  
तिथय तचरय ग्रख यियी बानस  
अनुभव सपदी रेहि हंज़ तेह ॥



3. कांगर फुकन अद छय ज्यवन  
तॅपिथ यिवन बंदन होश ।  
सरुर पानस तिथय यिवन  
वॅजिदा यिवन गछान मदहोश ।



4. शाह पननी येलि ह्यसु खारख  
गटु चली तय छटु मारख  
दय च़ेय गछी मूर्तिमान  
प्रज़लनय तारख तु छोह मारख ॥



5. वोन दू कड च़ुय केंछाह नोन  
नेश्चय प्रॉविथ वुछिहन प्रोन  
शनु शनु यिनय बानु बैरिथ  
नव दार थवख च़ुय त्रौपुरिथ ।

• •

6. अथि येस्य यिवान सुय बनान शाह  
गदा ऑसिथ ति करान वाह वाह  
शोमरिथ थव मन पनुन हबा  
सॉरी करनय मरहबा ।

• •

7. बॉर थपि हंछ पॉट्य गछतु लॉरिथ  
त्युथुय मालि दिबा केंह हॉविथ  
सॉरी करनय च़े तु च़्यतय  
कांह नो करी ज़ांह कथय ।

• •

8. दयि नाव स्वरनु सुत्य् यिवान मॅस्ती  
ग्वलाब फ़वलान कंड्यव रॅस्य्ती  
सख्ती तिथय बनी सॅहल  
गलान छिय ना सॉरी मल ।

• •

9. वछव अॅछव त्रेशना बॅडी,  
बंद अॅछव लाल छंडी  
पतय व्वंदी पेयी शोहजार  
अॅती ज़ानख गव क्याह करार ।।

• •

10. सादान रोज़बा हेछख सबक  
अदय सगवख लोलुक्य कुल्य  
फुलयाह लगी पतय दपख  
येलि मनु ग्वरस रटख गुल्य ।

• •

11. ओरय यि लीखिथ आसी कर्मस  
ती छुय ललवुन हलमस क्यथ  
येति कर रुच क्रय प्वन्य दि धर्मस  
ग्रजवुन्य व्यथ यियी म्वहरय ह्यथ ॥

• •

12. वस बा मालि मंज स्यन्दे  
व्वन्दे प्रछिथुय मार बा छाल  
सुय खसि केँह ह्यथ युस अथ मंदे  
अथे यिनस म्वलुल्य लाल ।

• •

13. आचार व्यचार कर बा मालि  
तोलस तोल बा च्यय पूर  
रटख हबा तैली डालि  
टोठी दय तु फ्वली नूर ॥

• •

14. ग्वरन वोनुम मनि ती रोटुम  
वनि मे आमय अदय दीव  
केँछाह पतय न्यबर छोटुम  
वोटुम म्वख्तु कॅरमस सीव ॥

• •

15. दय यस टोठी तस क्याह नु दियी  
हिये पोशन खसनस लॉद्य  
पजरुक होशाह तस पूरु यियी  
दयि कृपाये चलनस दॉद्य ॥

• •

16. तोर खुली तु सोर लबख,  
करने लगख जामि जम ।  
फिरान रोज़ख च़ुय बैयन सबक  
दयि नाव स्वरनस यी छु दम ॥

• •

17. ग्वरु दयाये लबि मय म्वहरय  
दोरुय त्रावुम ग्वरुसुय पथ  
ख्वनि मंज़ लालाह ह्यथ आम ओरय  
होरय किथु तस वंदुहस रथ ॥

• •

18. ग्वरु मॉल्य् दित्यनम विज़ि विज़ि फँटिये  
येलि मे रँटिये तसुंदी पाद  
म्वलली लाल दित्यनम वँट्य-वँटिये  
बोज़ुनॉविथु मे सथ समवाद ॥

• •

19. सथ समवादन दाद मे ति द्युतये  
बोज़ नॉवनस अदु कनुकुय नाद  
ग्वरुय दिवान सोदरस सोथये  
पाद युस रटि तस मेलान प्रसाद ।

• •

20. अंदर अचख लबख सोरुय  
नेबुर्य छारुन छुय नो कंह  
येमी मालि सु हबा गोरुय  
तॅम्य सुय अदु दय यारी कंह ।

• •

21. कथ मबा कर तथ जाये  
येत्यथ रलनस सुत्य बैयि चोर  
पतय सपदी नेन्द्या पानस  
रटनस पाथी नु शांद तय खोर ॥

• •

22. पननी ज्यव मकर टेटुय  
मोदरुय ओसिथ बैयि मोदराव  
अँछन व्वथी ऋहुन्य पॅट्य  
सोंतुक्य जामय चुय पौराव ॥

• •

23. यी छुय तॅथ्य प्यठ कर बी च्यड  
संसॉस्च वेशयय नो बरान यड  
फटख चाहस तु करख क्याह  
बोछ नय लागख तु बनख शाह ॥

• •

24. पानय सु फेरान चवा पौरय  
कांह म्वय त्रावान छुय नु खॉल्य  
जरस जरस मंज छुय बैसिथुय  
प्रथ जुवु जॉच मंज तॅहन्दी आल्य ॥

• •

25. आशय रोटमुत दॅलिस तल आदम  
छस दपान बॅस्य बॅस्य थवय यड  
आशी फोलुरान ऑखरस बादम  
च्यड कर तेलि छय नु कुनी वड ॥
- •
26. सीर अय छुय तेलि थव निशि पानस  
बावुन्य नय गछि कथ कॉन्से  
नतय कुनख वानु पथ वानस  
लतु म्वन्जि गछख सारि वॉन्से ॥
- •
27. च्यथ खॅच सॉलाह करनि प्यठ बालस  
नहकय ज़ालस आयि वलनय  
त्रावनि गॅयेयि लालु मालु लालुस  
तति ऑस्य वुनि पोश फ्वलनय ॥
- •
28. कर मालि त्युथ युथ नु कांह करी कथ  
लोल बर युथ कथा रोज़ि पतवथ  
स्वर मालि ती येति कॅह लारी  
दय पतु यारी यियी अथु वथ ॥
- •
29. कर कमाल चय ज़न हातुमुन तय  
अर्शस खसियो चॉनी क्रॅय  
हुति येति रोज़नय ग्वण गॅज़रान  
बजि कामि मंज़ लबख बडि बोड ज़य ॥
- •

30. मन गालुन तय सूहम पालुन  
अदय लबुन अँन्दर्युम करार  
तमी सुती हेयि कँन्ह लारुन.  
वजनि लागि पानय मनु ची तार ॥

• •

31. कँत्य् कँत्य् गछी यस अकोतुय  
पलि तस नो प्यवान कँह  
वोवमुत आस्यन येमि कुय फोतुय  
ती हबा लोनुन पेयी चे ॥

• •

32. वीरि कुलिस म्यवु वस्या  
सीर य्वहय छुय कुनुय  
क्रैन्जन अन्दर पोन्थ सम्या  
द्वद त पोन्थ गछया सना ब्योनुय ॥

• •

33. कर्म कर त्युथ मालि युथ खसि रथे  
अथे यिनय म्वलुल्य लाल  
त्युथ मो कर युथ डलख वते  
क्रुहनी सरफ वलनय नाल ॥

• •

34. यस गुदर्योमुत आसी पानस  
सु क्याह करी बैयन कथु चाख  
हँर आस्यस नु सँन्दरुन्य दानस  
लुक वानस प्यठ गँन्जरी ग्राख ॥

• •



35. दयि नाव स्वरुन कॉन्सि न फरुन  
डरुन अँकिस नारानस  
रुतुय स्वरुन रुतुय करुन  
तिथय मालि वातव स्थानस ॥

• •

36. वंदुहय तँस्य् मन तय प्राण  
येम्य् नार गोंडनम अँन्दरय  
थव्योन चूरि खँटिथ पान  
मे ओन छँन्डिथ मनु अँदरय ॥

• •

37. ग्वरु सुंद वनुन मनि खनुन  
सनुन त्युथ युथ ननि जाथ  
अदय हेयी लोलाह गनुन  
रोजी कल दोह तय राथ ॥

• •

38. रसु रसु पान वालतो मदय  
अदय बोजख कनव श्रवन्य्  
वंदुहय तँस्य् बो पनुन हृदय  
येम्य् मे द्युतनम अमिकुय ज्वन ॥

• •

39. छांडुहन तु यियी सनम्वख  
अँन्दरी रोजख बूगान स्वख  
प्रावख स्वख दयि नाव सुत्य्  
रुत्य् रुत्य् अनुभव गछुनय कृत्य् ॥

• •

40. छवपिहन कॅरिथुय गव मालि वुछनुय  
नतु हबा मालि गव पानस बुछनुय  
तानस तानस अदु व्वथी दग  
जान गॅयि रटनी बावुच वग ॥

• •

41. मोर छुस येति तय फोर छुस तते  
वते डालान छिस विषय  
हॅत्प हून्य् ख्योमुत कति न कते  
यिमय यिवान छिस किशय ॥

• •

42. नेबुरी कॅरिथ रंग कम कम  
अॅन्दरी मोरुख ह्यथुय गम  
तेह चै हॉवुथ बडि बॅडुय  
योतान्य् अॅन्दरी हवची चम ॥

{ अन्द }



लोलुच वुजिन्य

त्रेयुम बोग

अलग अलग आयस मंज शार  
तु व्यस्थापन



## व्वल करुहॉव समचारुच कथ

व्वल करुहॉव समचारुच कथ,  
बेयि करुहॉव मिलुचारुच कथ।  
यी गव पथ कुन स्व गॅयि गफलथ,  
व्वल करुहॉव समचारुच कथ, बेयि करुहॉव मिलुचारुच कथ।

लोलाह बरव अथवास करव,  
मस प्याल मॉस्यफतु की चमव  
यिकवट्ट ख्यनु चनु खुलि लोलुच कथ,  
व्वल करुहॉव समचारुच कथ, बेयि करुहॉव मिलुचारुच कथ।

सोंतस नो गछि हरुदुय फरुन,  
लोलुकि रंगय गछि सुय रंगुन,  
गाट्टल्य करान आयि यी पतु वथ,  
व्वल करुहॉव समचारुच कथ, बेयि करुहॉव मिलुचारुच कथ।

येति कस कडुन्य वन्य तीत्याह दोह,  
बॅनितव मछिल्य तु मास्यतव छोह।  
शादमान रुजितव बडिवु उलफत,  
व्वल करुहॉव समचारुच कथ, बेयि करुहॉव मिलुचारुच कथ।

खाब लोलक्य रछिहेख वछिसुय मंज,  
 फ्वलि सोन जिगर करि दय त्युथ संज  
 चलि जांड सौरुय अद श्वदि प्रक्रथ।  
 व्वल करुहॉव समचारुच कथ, बेयि करुहॉव मिलचारुच कथ।

बॉय चाराह माया त म्वहबथा,  
 वरतावव पानुवॉन्य रोजि कथा।  
 शोहजाराह छावव अंद तामथ,  
 व्वल करुहॉव समचारुच कथ, बेयि करुहॉव मिलचारुच कथ।

चमनन हंघ पॉट्य ऑस्य गाह त्रावान,  
 बेयि येछि पछि अख अकिस ऑस्य ख्यावान।  
 तुलहॉव तमी टाठिन्यारुच कथ।  
 व्वल करुहॉव समचारुच कथ, बेयि करुहॉव मिलचारुच कथ।

दमु दमु स्वरव अँस्य यियी वनव,  
 यछ पछ अख अँकिसुय प्यठ थवव।  
 येलि तेलि तुलव गाटुजारुच कथ।  
 व्वल करुहॉव समचारुच कथ, बेयि करुहॉव मिलचारुच कथ।



## ने'न्दरे वॅछस पॅतिमे प्यारे

न'न्द्रे वॅछस पतिमे प्यारे, पोशन दिने चूर,  
नज़रा दिचुम लोलय वारे, दारेतल ड्यूतुम कोस्तूर।  
छांडुनि आमुत पनुने जोरे, यम्बुरज़ले यिथु बोम्बुर,  
नोमरिथ ओस सुय पनुने कारे, दारे तल ड्यूतुम कोस्तूर।

मोयूस गोमुत छाँडान हारे, जोरि हुँज शैछय मा बाव्यम पूर,  
हालि दिल सोज़ुहस पनुने प्यारे, दारे तल ड्यूतुम कोस्तूर।  
कॅन्य शैछय वनुने कुन लोग हारे, कनन कित्य अनिमृत्य छिमस स्वनु दूर,  
वनतस लागुनि यियिहे लारे, दारे तल ड्यूतुम कोस्तूर।

मान्या म्योन दोपनस हारे, तथ किच छय स्व हँडी कूर,  
परिनिन्य जॅद्य कॅर्यथ्स बिचारे, दारेतल ड्यूतुम कोस्तूर।  
राथुय वुछिम सॅ बिहिथ प्यठ तारे, दो'दमुत ओसुस ज़न वोदुर  
ओश ऑस त्रावान दारे दारे, दारे तल ड्यूतुम कोस्तूर।

जॉरु पाउ कोस्तूर कोरनय हारे, ह्यथ गछतस यिम स्वनु कनदूर।  
तव मा कुमुली, यियि लारि लारे, दारे तल ड्यूतुम कोस्तूर।  
तमि पतु जोरि निश हॉर गॅयि लारे, दोपनस तमि कोस्तूरस छुय गोरुर।  
तवय च़जिसस व्वन्य पान मारे, दारे तल ड्यूतुम कोस्तूर।

यिथु तिथु मनुविथ अँन्य स्वय हारे, ख्वश कोताह सॉन्पुन कोस्तूर।  
लोला बोरनस तुजिन अटुबारे, दारे तल ड्यूतुम कोस्तूर।  
डाला दिथ क्याह बूल्य कॅर हारे, रोशमचि जोरि गव मुराद पूर,  
द्वन मिलवन गॅयि गुल फ़ोल्य वारे, दारे तल ड्यूतुम कोस्तूर।





## जिंदगी तस बे माने

जिंदगी तँस्य बे माने युस नु ज़ाने दिलुक करार ।  
 सुय परिन्यन ओट छाने ।  
 युस नु ज़ाने क्या गव करार ॥

गलान सुय छुय दानि दाने, च़ुहान युस अँदरी नार ।  
 कति बेहान सुय रानि ठाने ।  
 युस नु ज़ाने क्या गव करार ॥

कँह नो आसान पानस ताने, शीशय यि दिल च़ालान न बार ।  
 अँछव तँस्य वसान रूदु शाने ।  
 युस नु ज़ाने क्या गव करार ॥

लीखित कस क्याह अज़लुलाने, अड्यन स्वख तय अड्यन अज़ार ।  
 असलुक सीरा दय पानु ज़ाने ।  
 युस नु ज़ाने क्या गव करार ॥

गछि हे नु कँह आनि माने, दय हय रोज़िहे डँख्यदार ।  
 न तु सौर्य सौर्य जिगर फाने ।  
 युस नु ज़ाने क्या गव करार ॥

चानि दूर ह्यनु मन मे हाने, यस च़ुय वरख तस शोहजार ।  
 सौरुय तस यिवान अथिबाने ।  
 युस नु ज़ाने क्या गव करार ॥

लोलुच वुजिन्य

युस अलख करि बरनि चाने, मुस्य यिवान तस बरनु बिसियार  
कांह मा खॉल्य नेरि पीठ चाने ।  
युस नु ज़ाने क्या गव करार ॥

पछि सान युस तुलि कमाने, तीरु तेंहंदि पेयि बौड शिकार ।  
नौव आय बनि गंगु वाने ।  
युस नु ज़ाने क्या गव करार ॥



## ल्वक्चारा शोहजारा

ल्वक्चारा शोहजारा, पोत चोलमुत सु छावुहन ।  
वह्य यियिना निशि थावुहन, पोत चोलमुत सु छावुहन ॥

तिम मोदस्य चिहय वुनि ति याद छिम,  
नाद कनुनुय छिम गछान ।  
राथ कोत गव यूत रवॉनी  
बैयि यियिना सु छावुहन ॥

तमि आंगुनुच ब्वछि कॉचाह,  
क्वछि क्वछे ललुवु हन ।  
म्वछि वेंटिथुय दोरि यियिना ।  
सोरिमा दम सु छावुहन ॥

ल्वकचार टोट हदु रोसतुय,  
पोट तय पशमीनु हय ।  
मस्त ग्रावुन ग्रायि मारान ।  
अँछिनुय तल सु छावहन ।

फलकय ऑस्यनु फिकरि खसान,  
पत छि वसांन रसु रसय ।  
मोत तु मँछ्युल टाठिन्यारा ।  
मायि होतुय सु छावहन ॥

यारि हवुहा ताजु ताजय  
ल्वकचारा सारिनुय ।  
म्वत्तुहारा गुल बहारा ॥  
खॉब्ब्य यियिना सु छावहन ॥

वॅरी बॅद्य गॅयि कृत्य पथकुन,  
बैयि कति यिन तिम दोह ।  
कारि थम लोग दारि अचिना  
मारि पेचान छावहन ॥



## सँच करेयम कमय कमय

सँच करेयम कमय कमय ।

दमय दमय याद प्योम ॥

पानुसुय मे खबर छमय

दमय दमय याद प्योम ॥

हर दमय तँस्य् बो नमय, गम सॉरी युस कासान छुय ।  
तसुंजुय मे ते सथा छमय । दमय दमय याद प्योम

हा दयि मेति च्रुय नजरि अनतमय, अदु फवलुहा जून सरु पम्पोश ।  
शामय स्वंदरन तन जॉजिनमय । दमय दमय याद प्योम ॥

नारुक तावाह किथु बो हमय, शबनँम्य् लवाह बखुशतम ।  
चैय ह्युव बैयि कांह छा हमदमय । दमय दमय याद प्योम ॥

बालन खँस्य् खँस्य सोरान समय, खॉली प्यालन करान नोश ।  
सूंच सूंच सोस्य सोस्य वोपुदान गमय । दमय दमय याद प्योम ॥

गाटल्य् नो छिय ह्यवान गमय, जालाह बँल्य् मे नॉली गोम ।  
व्यचार दितम मे प्रथ दमय । दमय दमय याद प्योम ॥

शॉन्ती छि यिवान बस शमु दमय, अहम् गॉलिथ लबान पय ।  
सत् संगु सौजके अमि जीरो बमय । दमय दमय याद प्योम ॥

धर्मुकि आसरु कर्म चमु खमय, पजि वुद्यूगय प्रावय गथ ।  
मँजिलस वातव अकि उद्यमय । दमय दमय याद प्योम ॥



## योदवय अँन्दरी ओश कांह चवन

योदवय अँन्दरी ओश कांह चवन,  
तोति आसान तँस्य् दिल रिवान ।  
संबलिथ ति नो छुय संबुलन ।  
तोति आसान तँस्य् दिल रिवान ॥

ख्वश नु करान तस कॉन्सि हंज कथ,  
यस नु आसि दिलची फरागथ ।  
स्वति स्वति कोताह सुहुन प्यवन ।  
तोति आसान तँस्य् दिल रिवान ॥

येम्य नु जांह छोव येति शैहजारुय,  
वक्तन सु कौरमुत लाचारुय ।  
गम तस अँन्दरी छुय कूरन ।  
तोति आसान तँस्य् दिल रिवान ॥

वनुवय दिलसुय बनतु वँसीह,  
युथ दूर गछिही चैय बेकँसी ।  
दिलस नु कॉन्सी हुंद व्यपन ।  
तोति आसान तँस्य् दिल रिवान ॥

दिल हय बनि हे फवलादुय,  
तिथु गछि हे सुय आबादुय ।  
सह सन्ध पॉठी रोजि ग्रजन ॥  
तोति आसान तँस्य् दिल रिवान ॥

## लोलुच वुजिन्य

जिंदुजुव छांडान न्यामचन,  
अजलस आसि यिय ती बनन ।  
जन्मस यिथ नो कुन वातन ।  
तोति आसान तँस्य दिल रिवान ॥

मन मॉरिथ ति नो छुय मरन,  
कोताह छुय अँन्दरी स्वरन ।  
म्वखतु ज़न अशि कनि छुय हरन  
तोति आसान तँस्य दिल रिवान ॥  
योदवय अँन्दरी ओश कांह चवन ।  
तोति आसान तँस्य दिल रिवन ॥



## तैलिके ल्वकचारय

तैलिके ल्वकचारय, बेयि यितु दोह तारय ।  
प्रथ मागु तय हारय बेयि यितु दोह तारय ।

गिंदुहव दारि दजन बुलबुल प्यठ लंजन ।  
बोल बोश मज़ुदारय बेयि यितु दोह तारय ।

व्यसु तय बेयि सँदरय लोलुक व्यवहारय ।  
अख अँकिस शेहजारय बेयि यितु दोह तारय ।

असमॉन्य वटु त्रावान, काँसि हुंद केँह न व्यचान ।  
ल्वकचारुक खुमारय, बेयि यितु दोह तारय ।

बब मॉज बरान लोलाह, नेरान तिमन होलाह ।  
यावुनुकि नव बहारय, बेयि यितु दोह तारय ।

वुछान थलि थले, ख्यावान फलि फले ।  
रोशनस ति ज़ारु पारय, बेयि यितु दोह तारय ।

ट्रेंठ यिन ना तिम दोह, ख्वनि ख्वनि ललवहख बो  
चलिहेम अमारय, बेयि यितु दोह तारय ।

बेनि बाँय अख अँकिस दोस, म्यूठ ल्वकचाराह ओस ।  
पानु वॅन्य टाठिन्यारय, बेयि यितु दोह तारय ।

ल्वकचारु बब तय मॉज, थावान शुरिनय रॉज़य ।  
नाज़न खरीदारय, बेयि यितु दोह तारय ।

नय गम नय फिकरय, माय ऑस अंदरय ।  
दिल ऑस्य करारय, बेयि यितु दोह तारय ।

बोड वॉतिथ खसान बोर, जखनुक अदु यिवान दोर ।

सोर नो ल्वकचारय ।

बेयि यितु दोह तारय ।



## दिल तस रिवान बेवायि

दिल तस रिवान बेवायि, अमाह कॅम्प सना शिटुरोवनस ।  
कस प्रछि कमन हेयि दायि । अमाह कॅम्प सना शिटुरोवनस ।

दप्योनस रोजतु अकि त्रायि, ज़ांह नय अँम्य मोनुनस ।  
बुलबुल मारान छु ग्रायि । अमाह कॅम्प सना शिटुरोवनस ।

कॅछी ति दिचॉनस वायि, कोताह बेयि बोवनस ।  
मतु फेरत् जायि जायि । अमाह कॅम्प सना शिटुरोवनस ।

ओश छुस वसान बेवायि, कॉन्सि मा व्वथुरोवनस ।  
दिल फुट्यमुत्यन ओशी सरमायि अमाह कॅम्प सना शिटुरोवनस ।

ओम प्यालु ललवुन छुनायि, यवहय किथु फुट्रोवहस ।  
यिमय खंजि जिगरस चायि । अमाह कॅम्प सना शिटुरोवनस ।

दिल छु शीशय रछुन तगिया यि, पानय दिलनुय बोवनस ।  
बरतस लोल बेयि मायि । अमाह कॅम्प सना शिटुरोवनस ।

बुमि रूह म करुस बायि, लोलस म्वल अँम्य करुनोवनस ।  
पतु यियी न अथि कुनि शायि । अमाह कॅम्प सना शिटुरोवनस ।

कॅह दिल संगदिल द्रायि, यिमुवुय बॅ तँन्यरोवहस ।  
लॉगिथ बे पर्वायि ।  
अमाह कॅम्पसना शिटुरोवनस ॥





## कुनी दव अख

कुनी दव अख मे त्रावेयम,  
दप्योम खसु आस्मानस प्यठ ।  
प्रछिथ केंछा रवस यिमुहा ।  
पतय गछि नीरिथुय मा वख ॥

करेयम कशमकश काँचाह,  
अनख तारख बै म्वछे मंज ।  
करख सेंजिदा बरख लोला ।  
पतय गछि नीरिथुय मा वख ॥

मे अर्मानन लेंजी रेंज्य यान्य,  
अनुहन हर्दय बहार रेंटिथुय  
वेंटिथ म्वठ नेरुहा जल जल ॥  
पतय गछि नीरिथुय मा वख ॥

केंरुम सखर मे यान्य खसुनस,  
कनन गोम कर जरा ठेंहराव ।  
हवस येंचकालुकी व्वतुलेम ।  
पतय गछि नीरिथुय मा वख ॥

मे च्यून दिचुम मे च्यथ पानस,  
पुशर सोरुय च भगवानस ।  
रटान रोज शाह पनुन अख अख ।  
पतय गछि नीरिथुय मा वख ॥



## पनुन ह्यस

साम च्युय ह्यतय वर्कन, लफ़्ज़ु लफ़्ज़ु सनतय अछेरन ।  
तिय फिरतय प्रथ तर्फन, बनि अदु मिसाल वेसिये ॥  
बेहतय च लोत पौढ्यन, छवपि मंजय नेरि स्वनुहन ।  
कुस वनि क्याह वैन्यतन, बनि अदु मिसाल वेसिये ॥

फेरख च्यु कोचि कोचन, अथि यिखनु सौंचन सौंचन,  
कर त्युथ युथ लमुनय लौंचन, बनि अदु मिसाल वेसिये ॥  
गछ रठ ग्वरु सुंदी पाद, सपदख तिथय च्यु आबाद ।  
रोजी तेली च दिल शाद, बनि अदु मिसाल वेसिये ॥

साधनायि मंज च्यु थव मन, पतु वुछ किथु मशी ख्यन ।  
म्वछि मंज ह्यस च्यु रँट्यज्यन, अदु बनि मिसाल वेसिये ॥  
ग्वर सुंजि कृपायि अथि यिख, सुत्य् थव पनन्य ति ज़ुख ज़ुख  
दुर्दानु ख्वनि रँटित यिख, बनि अदु मिसाल वेसिये ॥

मँशिर्यजि न जांह च्यु मंथर नौल्य त्रौव्यज्यन सु यंथर ।  
अँथ्य वंदतु द्वशवय नेथर, बनि अदु मिसाल वेसिये ॥  
शेरी सु कर्म लोनुय, लबुहन च नुन्दबोनुय ।  
दर्दिल सु रोजि चोनुय, बनि अदु मिसाल वेसिये ॥



## मनुँ कुय पोशिकुल

मनु कुय पोशि कुल नेन्द्ररि कॅम्य सना तुल ।  
वुनि मा ओँस सुल, नेन्द्ररि कॅम्य सना तुल ।

यिहय ओस बलवीर, कॅम्य तान्य दिचुस जीर ।  
सुलि व्वथ फवलनय गुल, नेन्द्ररि कॅम्य सना तुल ।

शोन्गिथ ओस मस तय, कुन्युक मा ह्यस तय ।  
ब्रॉठकुन वोतुस द्वॅदु डुल, नेन्द्ररि कॅम्य सना तुल ।

पानसुय आस ह्यस, बूजुन गंटायि ठस ।  
दयस सुत्य सपदुस म्युल, नेन्द्ररि कॅम्य सना तुल ।

ओसुस मा नादानुय, राव्यमुत्य मे परमानय ।  
नतु मा गछि हेम बुल, नेन्द्ररि कॅम्य सना तुल ।

अनन व्वन्य छॉरिथुय, पनुन पान मॉरिथुय ।  
शिलस अद चल्यम क्युल, नेन्द्ररि कॅम्य सना तुल ।

अनाहतु शब्दय, मस क्याह सपदय ।  
तापु तचि शुहुल कुल नेन्द्ररि कॅम्य सना तुल ।

अॅन्द्रयुम सोजा अछयन पॉट्य बोज़ुहा ।  
ग्वर मॉल्य दस तुल नेन्द्ररि कॅम्य सना तुल ।

## लोलुच वुजिन्य

शूरनम भखतय, बेदार गॅयस वख्तय ।  
आकाश वुफि बुलबुल, नेन्द्ररि कॅम्य सना तुल ।  
येलि तसुन्नंज रटव लय, खुलान क्यथु जॅन्दुरय ।  
बाज त्रावान बाँतुल, नेन्द्ररि कॅम्य सना तुल ।  
पोशि कुल ऑव्युल, जॉविलि ख्वतु जॉव्युल ।  
रॅछिज्यन छु म्वलुल, नेन्द्ररि कॅम्य सना तुल ।  
मनु कुय पोशि कुल, नेन्द्ररि कॅम्य सना तुल ।



## सुय मे सितम गोम

मे दादि चाने वॉलिंजि खम प्योम,  
चै मा ह्योतुथ गम सुय मे सितम गोम  
मिसमार सपजुस चालुन कुडुर प्योम।

चै मा ह्योतुथ गम सुय मे सितम गोम॥

लशि नार गॉडनम ओश हॉर्य हॉरी  
चै गोश लोगुथ बन्योख च्चु संगदिल।  
सुय गम बेवायि दमु दमु च्चुहिथ गोम।

चै मा ह्योतुथ गम सुय मे सितम गोम॥

छस रॉव मुच ज़न ऑसिथ ह्यसव बो,  
खबर केंह छमनय वख क्याजि क्रूठ गोम।  
नीनम नेंदुर नेह बेमार केंरिथ गोम ॥

चै मा ह्योतुथ गम सुय मे सितम गोम ॥

ब पोशि चमनन थेंचिस दिवान वेंन्य  
थरिनुय पेंत्य् पेंत्य् मेय चोन ब्रोंत गोम ।  
अँछ वेंहरिथ ति ज़न चोन म्बख बास्योम ।

चै मा ह्योतुथ गम सुय मे सितम गोम॥

यि जॉनिथ ति केंह छुनु तान्य् पानस,  
यि दिल क्याजि मे वुछतु तोति सर्दयोम ।  
जर्दु जर्दुय हरदुक गन्यूर गोम ॥

चै मा ह्योतुथ गम सुय मे सितम गोम॥



## गजल

लगान दाग जिगरस, व्वथान क्रॉल्य ज़ख्मन ।  
सु कुस आसि कांछाह, शेहजार दियि हे ॥

दिलन बे करॉरी अँछन ओश छु जॉरी ।  
सु छा दिलदार कांह ओश सोन च़ुहि हे ॥

दिवान फ़्युर ज़ुचन तय फिरान नाल फ़्यरनन ।  
बँरिथ मस मचन छुम क्याह पानु च़ैयिहे ॥

येमिस कांह नु आंसी रफतार व्वथनुक ।  
नखि गोछ कांहछा युस ब्रॉठ यियिहे ॥

बिहिथ वुठ सुव्य सुव्य तुरुन्य व्वश तु वुह्य वुह्य  
इलज़ाम सु अँन्दरी कस सना दियि हे ॥

येले आसि वक्तुय फिरिथ बुथ ज़मानस ।  
अवामस तेलि वनतु क्याह दूश दियि हे ।

फ़वलहन संगर मालु तु यियिहे रव सालु ।  
शबस र्वखसथ कँरिथ दीदार दियिहे ॥

आशी नु कॉन्सि हंज र्वखुय नोव ज़मानस ।  
सँनिथ हालसुय कांह वह्य दाद दियिहे ॥



## रंग शिकार्यन सॉल करुन

रंगु शिकार्यन सॉल करुन, नय मै मरुन छुम ।  
 नावि मंज स्वनु लॉन्कि तरुन । नय मै मरुन छुम ॥  
 जाय कॅरमुच गमव अँन्दरी, दिल छु छ्वखुय छ्वख ।  
 तोति नमन रंग मै बरुन । नय मै मरुन छुम ॥  
 म्वक्तय आमृत छँकरनु, सुय मै सोम्बरुन छुम ।  
 सोम्बरिथ छुमय मालि वुरुन । नय मै मरुन छुम ॥  
 लॉव्य अर्मान वुनि ति कौत्याह, सँजदु करुन छुम ।  
 अस्तानन जूलाह करुन । नय मै मरुन छुम ॥  
 वुनुलि तुलमुत ग्यूर कोताह, तँथ्य नूर बरुन छुम ।  
 गटु रॉचन नाश करुन । नय मै मरुन छुम ॥  
 खानु माल्यन आय कांछुन, सालु अनुन्य छिम ।  
 बेवायि तिमन लोल बरुन । नय मै मरुन छुम ॥  
 खाब अनुन्य वुनि मै रँट्य रँट्य, ताब कँह मा छुम ।  
 खाबुनुय तौबीर मै लबुन । नय मै मरुन छुम ॥  
 शुरिल कौचाह वुनि ति मै छम, बुजरुय ज़न रोवमुत छुम ।  
 तारकन सुतिन मै गिंदुन । नय मै मरुन छुम ।  
 यौद ज़मानन रंग ति बदलोव, पतु ति क्याह ज़न गव ।  
 ज़्यूठ मँन्जिलाह तय मै करुन । नय मै मरुन छुम ॥  
 रंगु शिकार्यन सॉल करुन, नय मै मरुन छुम ।  
 नावि मंज स्वनु लॉन्कि तरुन ।  
 नय मै मरुन छुम ॥



## कथय आयम

कथय आयम लेछम खतन,  
दतय गॅयम वुछान वतन।  
तवय छसना यिम वुठ फेशन।  
अमाह कर सना सु मोत डेंशन॥

यनु द्रामय सु पेठ्य बालन,  
ब्यूटुम कते छसय नु चालन।  
अन्दुर्य कुसतान्य ज़न मे तछन।  
अमाह कर सना सु मोत डेंशन॥

गछान मे दिल छुय बेहालय,  
बेबस बेयि छस दिवान नालय।  
तस नय वुछ मा गुमु डलन ।  
अमाह कर सना सु मोत डेंशन॥

अख दम कडनुय छुय क्रूठ गछन,  
अँछव छेना अँश्य चालु वसन।  
छेनाह यि आँविज तन मेय दज़न ॥  
अमाह कर सना सु मोत डेंशन॥



दमु दमु वुछिहन निशि पानस,  
 युथ लाला खाल मंज जहानस ।  
 बे आर वक्तन द्युतना छ्यन ॥  
 अमाह कर सना सु मोत डेंशन ॥

कथव कॅरहस बु कॉचाह गीर,  
 ल्यूखुम पननुय सोर तकदीर ।  
 ब्रॉह कनि पेश थोवुम कलमन ।  
 अमाह कर सना सु मोत डेंशन ॥

यि छुम लोल कुलिसुय गुल,  
 लंजि हंज छेसस ना बुलबल ।  
 तवय मे अँन्दरिमि तारु वज्ज ॥  
 अमाह कर सना सु मोत डेंशन ॥



## कति आयि तय कोत छु गछुन

कति आयि तय कोत छु गछुन, आँखरस बसुन अंद मौंदान  
 क्याह मरुन तय क्याह छु लसुन । आँखरस बसुन अंद मौंदान  
 द्वखनुय दितु अँन्दरी दाम, कोताह परतु राम राम ।  
 तोति व्वथान छुय ना तछुन । आँखरस बसुन अंद मौंदान ॥  
 रॉच छय गछान सोर्य सोर्य, अँन्दरी प्यवान हँर्य हँर्य ।  
 तोति प्यवान होल छु गंडुन । आँखरस बसुन अंद मौंदान ॥  
 यी छुनु असि फिकरी तरान, गरस कोताह लोल बरान ।  
 त्रॉविथ य्वहय गरु छु गछुन । आँखरस बसुन अंद मौंदान ॥  
 सुलि गरि मा पेयस पायय, चीर्य अद् डेडि चायस ।  
 यिति दयि सुंद ओस यछुन । आँखरस बसुन अंद मौंदान ॥  
 कति आयि तय कोत छु गछुन, अँथ्य पजि मालि सनुन ।  
 मरनु ब्रॉठुय गछि मरुन । आँखरस बसुन अंद मौंदान ॥  
 शुराह सिंगार करान पानस, प्यवान स्वनु दानस ।  
 मोटरन आँस्यतन खसुन वसुन । आँखरस बसुन अंद मौंदान  
 छिनु अँस्य प्यवान पायस, कांह नु अँन्जरान न्यायस ।  
 किथु सँदरस अपोर तरुन । आँखरस बसुन अंद मौंदान ॥  
 यूतुय असिहे हाजथ, तँथ्य प्यठ करुहव च्यड ।  
 नतु छु प्यवान खरस खसुन ।  
 आँखरस बसुन अंद मौंदान ॥

## हेछ्य हेछी कूत हेछुन

हेछ हेछी कूत हेछुन, चकि हेछिनुय नु केह ।  
व्वन्दि मंजय कूत रोछुन चकि हेछिनुय नु केह ।

दूरि अँकिस मँहल खाना, अँथ्य् आँसी चोर पोर ।  
गगर आँसी बसान अँती । करान काँचाह दोरु दोर ।  
पानु फेरान वति वते, बैल्य् आँसुस कूच तेह ।  
हेछ हेछी कूत हेछुन,  
चकि हेछिनुय नु केह ॥

डल सॉलन बोनि बागन, ओसुख कोरमुतनु जुत ।  
क्रारि बेहान रानि ठाने, अदु सुय गँयोख रुत ।  
अकलि वँजीर शकलि शमाह, योरुक नय बोजान मुलेह ।  
हेछ हेछी कूत हेछुन,  
चकि हेछिनुय नु केह ॥

चूँट्य बागाह बरजस्तय, अँथ्य् फल ख्यवान परदी ।  
येम्य् नय द्युत पानु नोवुय, तँस्य् छि हर्दुन्य जर्दी ।  
यिय येलि प्यवान च्यतस, ज़न छु वॉलिंजि व्वथान वेह ।  
हेछ हेछी कूत हेछुन,  
चकि हेछिनुय नु केह ॥

वैन्दित्य घुन रथ पननुय, हॉसिल नय छुनु केंह ।  
 पतु त ब्रोंटु वुछ वुछी, तोति नय कुनि श्रेह ।  
 वुछान छायि बेयि ग्रायि, बस रावान नेन्दर नेह ।  
 हेछ हेछी कूत हेछुन,  
 चकि हेछिनुय न केंह ॥

ललनॉविथ सुल नॉविथ, दियतोख पघन मीट्य ।  
 वॉरि हंदी हाक् बॅर्ग, रॅनिथ गछान ऋट्य ।  
 सेक्युल सोरुय खाह तय डूस्य, येति नय हॉसिल यिवान केंह ।  
 हेछ हेछी कूत हेछुन,  
 चकि हेछिनुय नु केंह ॥

म्वख्तु छकान वतनुय, लौतु तय म्वहबथ नुय ।  
 खोरन यिनु सनि खानुमाल्यन, मीट्य दिवान पदिनुय ।  
 सगनावान पोशि चमन, बाग फोलि हे ।  
 हेछ हेछी कूत हेछुन,  
 चकि हेछिनुय न केंह ॥



## चलाह तर यपोर

चलाह तर यपोर नव बहार छाव,  
 नज़ारु बुछिहख क्याह छिय च्वपॉरी ।  
 अपारि बेहनुक वन क्याह मुदाह छुय,  
 यपॉस्च टॉस्च लूसिम बस प्रॉस्च प्रारी ।  
 चु द्राख ना सोंतय कमि ताम हीतय,  
 समया स्यठा गव मे ओश हॉस्च हॉरी ।  
 तनय ति जांह मा ऐहसास होवुथ ।  
 गॉमुच बु लाचार चालान बु खॉरी ॥  
 कडुन छु च्युह च्युह गछान क्रूतुय ।  
 व्वथान जखन छिना मे क्रॉली ॥  
 मे माय चॉनी रॅछ्य रॅछ्य थॉवुम ।  
 थचिस बु ललवान ल्वलि कॉरि कॉरी !  
 चलाह वन्य् यिखना चै म्यॉन्च दृय छय ।  
 नतय शाह मे सोर्यम वतु गॉस्च गॉरी ॥  
 विटे च्युय छुनिथ यिख छैल्य् छैल्य् जामय ।  
 नवे रंगु रॅगिथुय थवख जामु सॉरी ॥  
 व्वला वन्य् नवि सरु बेहव मंजु गोशन ।  
 छावव बहारा तु चल्य्म बेमारी ॥

लोलुच वुजिन्य

असे पूशितन चोन बहारा हमेशय ।

फ्वल्य्म बाग सेदि बुथि जुवव अदु सॉरी ॥

बु छस प्रथ प्रमातन रुचर त्वहि कांछान ।

चेय आय बेंडिनय तु मेय दमशुमॉरी ।

अँछन जून लेंजमच छे 'मोहनस' अवय किन्य ।

अमा मायि गंजस मुच्चरि कर सु तॉरी ॥



अँम्य् मारुमँत्य् मा तनु म्वख मे होवुम

फरार दिल गोम करार रोवुम,

अँम्य् मारुमँत्य् मा तनु म्वख मे होवुम ।

खयालु तसुंदे ओश चालि त्रोवुम

अँम्य् मारुमँत्य् मा तनु म्वख मे होवुम ।

दिथुय वादय तँम्य् पोत ह्योतनम,

अमा सना कति वन्य् पानु खोटनम ।

वुछ तोति सीनय दौर कूत मे थोवुम ।

अँम्य् मारुमँत्य् मा तनु म्वख मे होवुम ।

यिवान ब्रुंज्य केँह, चेहन तु सातन,

पतु अथि नु यीवान बुय दोह वादन ।

अँथ्य् सँन्य् सँनी बस दिल हँन्दुरोवुम ।

अँम्य् मारुमँत्य् मा तनु म्वख मे होवुम ।

गँयस ग्वतन दोप मे अकि दोह प्रछहस,  
 चु वनतु पजराह लोगुय चै कति रस ।  
 स्वरान स्वरान यी व्य्चार रोवुम ।

अँम्य् मारुमँत्य् मा तनु म्ख मे होवुम ।

क्याह मति मेय निश ति बर तु दोह ताराह,  
 चुय म्योन जिगर तय चुय म्योन करारा ।  
 फँट्य् तँम्य दितिनम पजर मे बोवुम ।

अँम्य् मारुमँत्य् मा तनु म्ख मे होवुम ।

वौनुनम यी तँम्य ति कमि खुमारय,  
 यिमय तु युन छुम बस नवि बहारय ।  
 रंगय कुठिस मे गछ करुनोवुम ।

अँम्य् मारुमँत्य् मा तनु म्ख मे होवुम ।

चु माँज यशोदा बु लाल चोनुय,  
 कडय बु जल्दुय व्वन्य गोसु प्रोनुय ।  
 कनव यि बूजिथ सौरुर प्रोवुम ॥

अँम्य् मारुमँत्य् मा तनु म्ख मे होवुम ॥

पंजॉब्स् स्वनरस फरमाश सूजुम,  
 मायि मँतिस क्युत प्रंग गरुनोवुम ।  
 तँथ्य् प्यठ सु लाला मे सुलनोवुम ॥

अँम्य् मारुमँत्य् मा तनु म्ख मे होवुम ।



## जमानस क्याह सना गव

जमानस क्याह सना गव ती मै वनतम ।

हवाहन रोख बदलोव क्याजि वनतम ॥

जमानस क्याह सना गव ती मै वनतम ॥

छु आलम गीर अज क्युथ यि ओबुर तॅलिये,

तवय बुलबुल लंजन हंघ ति होशि डॅलिये ।

छि कॅलि ये तोतु गॉमुत्य् क्याजि वनतम ।

जमानस क्याह सना गव ती मै वनतम ॥

छु लोलुय अज दपान कूत द्रोग गोमुत,

तवय किन्य् सारिवुय नय दामु चोमुत ।

गोमुत नायाब यूताह क्याजि वनतम ॥

जमानस क्याह सना गव ती मै वनतम ॥

यि आलम हसरतन पनन्यन अवेजान,

गोमुत मस युथ कोताह डॅजिस पॉस्वजान ।

वोलुम कॅम्य यि जालन पय च़ु कडतम ॥

जमानस क्याह सना गव ती मै वनतम ॥

छु नज़रन मंज गोमुत अज क्याजि क्रैहन्यर,

दपान वुनुले छु ग्यूरमुत च़वापॉस्व गचर ।

तवय मा वति डॅलिमुत्य् अँथ्य च़ सनतम ।

जमानस क्याह सना गव ती मै वनतम ॥



वनान पछ रॉवमुच अज छिय सितम ज़द,  
बहारो यिख च़ कर वन छुय च़ कूत मद ।  
च़ वॅल्य् वॅल्य् यिथ मे बागस बोश अनतम ।  
ज़मानस क्याह सना गव ती मे वनतम ॥

करुन गछि त्युथ युथ नु कांह येति कॅर्यस कथ,  
नतय रावान छेना सॉरुय अबादत ।  
जॉयिज़ यी छु हा पानो तॅथ्य् प्यठ वुतुरातम ॥  
ज़मानस क्याह सना गव ती मे वनतम ॥



## पनुन्य् ऑसिथ ति यसनु सहारय

पनुन्य् ऑसिथ ति यस नु सहारय, तस मजारय पजि रटुन ।  
क्याह करी तस गाटु जारय । तस मजारय पजि रटुन ॥

यस पनुन्य् नेरन दगाह दिथ, खारख बेयिस वन क्याह खताह  
दोंघ व्वतलिथ सोरान ब्यमारय, तस मजारय पजि रटुन ॥

आश ऑसिथ ति आश रावान, बावि कस कुस क्याह कस्यस ।  
श्राक् कतरान एतिबारय, तस मजारय पजि रटुन ॥

करतु सॉबित बेग्वनाही, कुस छु तथ अज पछ करान ।  
डुह अँम्य हवहन प्रथ शहारय, तस मजारय पजि रटुन ॥

सथ जियारथ सथ फरागथ, छिय दपान दिलुक अख सोकून ।  
यस आसी नु कांह करारय, तस मजारय पजि रटुन ॥

दोह श्वदन कॉल्य् मा जांह, बालि यावुन सूरिथुय ।  
क्रूठ कोताह इन्तिजारय, तस मजारय पजि रटुन ॥

कांह कथा छैनु तान्य् पानस,  
नतु करुहव जाहनस लूठ ।  
गॅल्य् कॉल्याह ह्यथ अमारय  
तस मजारय पजि रटुनि ॥



## आदुनुक हय यि बादाम

आदुनुक हय यि बादाम, याद आमय याद आम ।  
 लोलु ब्यॉलिस हय तर द्राम । याद आमय याद आम ॥  
 थदि वानय ओनमय, शीस्च शीरी थोवमय ।  
 दोहँ अकि च्यतस पेयाम । याद आमय याद आम ॥  
 ओनमय तय वनुन छुम, पतुपतु अथ दवुन छुम ।  
 अदु वुछतु बाग फ्वल्याम । याद आमय याद आम ॥  
 वोवुमना कमि लोलय, मारान व्वन्य शोलय ।  
 सगुव्यस श्रु भगवान । याद आमय याद आम ॥  
 बागस हय म्यॉनिस, लँज फुलय मे लॉनिस  
 रंगु रंगु गुल मे द्राम । याद आमय याद आम ॥  
 फुलय लँज बादामन, नज़रि आव मे शामन ।  
 वारि मंज गिंदान गणश्याम । याद आमय याद आम ॥  
 बागन छुतनम जहार, पोशव होवहम बहार ।  
 यँचकोल शर मे द्रोम । याद आमय याद आम ॥  
 सगनोवनम बागाह, वुज़्योम नागुरादाह ।  
 'मोहनस बोश क्याह आम ।  
 याद आमय याद आम ॥



## कथा वनय

कथ हय वनय बोजी सुमन,  
हुमन यिमन क्युत हय सु जान  
दिल छुस संग तय ड्यकस द्रहन।  
हुमन यिमन क्युत हय सु जान ॥

गिंदान वुछतु तँस्य छु बुमन,  
तमि पतु ति छस मायी बरान।  
विजि विजि य्वहय गम तस च्रहन।  
हुमन यिमन क्युत हय सु जान ॥

द्वदय वॉलिंज चैन्य् छस दिवन,  
हेनी कॉच्चाह छे मारान पान।  
रावान सोस्च सोस्च गावा कहन।  
हुमन यिमन क्युत हय सु जान ॥

दस्तु बस्तु रोजान कॉच्चाह छिवन,  
दिवन खैन्य् छस पनुनी रान।  
कथि नाल वलन ज़न ज़ूनि ग्रहन।  
हुमन यिमन क्युत हय सु जान ॥

कथे कथे कोताह गुशन,  
रुशिल्यन मंज वुछतो न ताक ।  
खस्तय गॉमुच अँदरी रिवन ।  
हुमन यिमन क्युत हय सु जान ॥

रँटमुच नाहकय मायायि मोहन,  
रुहस पननिस करान फान ।  
प्राटान गरि गरि सतन तहन ।  
हुमन यिमन क्युत हय सु जान ॥

ग्रटु गोल पिह्य पिह्य बेयि छिय पिहन,  
गम ज़दनुय वुछ क्याह सपदान ।  
अँन्दरी मनन छस ज़न वुहन ।  
हुमन यिमन क्युत हय सु जान ॥



## अज नय केह चलनुय

वक्ताह वुछत छुय खराब, रोजान नु केह आब ताब ।

कथि नाल वलनुय ।

अज नय केह चलनुय ।

नेबुर्य जबरुय जबर, अँन्दरिम कस छय खबर ।

मेछि कथु दलनुय ।

अज नय केह चलनुय ।

गॉलिथ वुछत जुव तु जान, वंदान पनुनुय पान ।

तोति नय रलनुय ।

अज नय केह चलनुय ।

रोजन किथु ख्वश, रंजुवन्य जन छि न्वश ।

ज्यव तोति कलनुय ।

अज नय केह चलनुय ।

फलि फलि ख्यावान, गलि गलि चावान ।

अँतुराह मलनुय ।

अज नय केह चलनुय ।

करतु सोर जानुय तथ ति अनान हानुय ।

यी अँछन डलनुय ।

अज नय केह चलनुय ।

फरान ज़न अँन्दुस्य चूर, वुछिथ रावान सोबूर ।  
पनुन्य ति छि डलनुय ।  
अज नय कँह चलनुय ।

अमाह यि गुदरान क्याह, समखान येति क्याह क्याह ।  
जिगर यिवान तलनुय ।  
अज नय कँह चलनुय ।

जॉहिर छि यिम पनुनी पाप, करि हे दयी माफ ।  
व्यॉज तेली चलनुय ।  
अज नय कँह चलनुय ।

कॉन्सि हंज सैज कथ, बखशान छय राहथ ।  
यिथय दौद्य बलनुय ।  
अज नय कँह चलनुय ।

दय नु थवुनय सुत्य कॉन्सि, लोलाह बाँगरुन द्रुस वॉन्सि ।  
लोलस पोश फ्वलनुय ।  
अज नय कँह चलनुय ।



## मोत चाव दारे

दूरि आव वाव ह्युव मोत चाव दारे,  
अति ऑस स्वंदराह ओश हारान  
मॅत्य दिच नज़राह येलि स्वंदरे कुन  
दोरान दोरान तस निश आव  
ब्यूतुस ब्रोंहॅ कनि वोननय तस कुन  
वन बी क्याह छुय चोनुय नाव,  
दोपनस नाव छुम स्वंदर माल  
खाल कांह ज़ान्य्म अँन्द्य पॅख्य छुम नु कांह  
तव् छस त्व्य बेहाल,  
ओश हारान दारि दारे  
वॅद्यु वॅद्यु सोरेम ना यिम लाल ।।



मॅत्य् दोप स्वंदरे स्वंदर ति कृव छख  
लूबुवुन ति क्याह छुय चोनुय नाव  
वनतम कम्युक सना च़ेय छुय गम  
ओश यूत त्रावुन करी बरहम  
मतु आसतु यूताह ओश हारान



यि वॅनिथुय दिच मॅत्य् बडि क्रखाह,  
वख मय रावर, यि हय छुय नोज़ुक  
ज़ेवि पनने वनतु च़िति पज़राह  
बूज़िथ स्वंदरमाल गॅयि ज़न शर्मन्दु,



वोनूनस कथि दादि दर्मान्द छस  
येमि किन्य् वॉलिंग फॅटमुच छम,

• •  
अॅश ददुरायाह त्रॉवन अॅछिवुय,  
दोपनस ओश म्योन व्वर्थेरावुखु  
छुयि त्युथ सामरथ, छुयि त्युथ दम  
दोद पनुन बावय च़ु क्याह कर हम  
म्योन बोर तुलखा, द्वख दूर करखा ?  
तेलि चलहन मे सारी गम ।

• •  
वोनूनस मॅत्य् बु हय छुस मोत,  
बेयि छुस सख तोत,  
च़ु ति छख कुन्य् जॅन्य,  
बु ति छुस कुन ज़ोन  
तवय तु द्रासय च़ेय दिनि वोन  
ज़वन प्योम तु आसय,  
गम चॉन्य् कासय ।

• •  
बनव हमसफर,  
च़ुली यि थरु थरु  
दिमय लोल च़ेय कोताह चोन  
स्वंदुर गॅयि शर्मन्द  
अॅछ ज़ु नोमर्यन  
ज़चि पचि सार्यय जल सोंबर्यन  
वुफि ज़न द्वशवय खॅत्य् अस्मानस  
स्वखु म्वखु लोल सान बीठ्य पानस ॥



## रोशि रोशि मंज पोशि वारे चावय

रोशि रोशि मंज पोशि वारे चावय  
आवय यॅम्बुरजलि हंदि चावय ।  
वुछिथुय अँछ तँमि नौमरेन ब्वनकुन ।  
अमाह यि अज योर किथु आवय ॥

दिच्चनय गिलनाह दोपनय अँन्दरी,  
वन्थु वुछ च़ेय क्याह मज्जु हावय ।  
तनु प्यटु कौच च़ेय क्रेशिनावथस ।  
तिय बो व्वन्य च़ेय च़्यतस पावय ।

बोम्बस्च दोप यॅम्बरजलि च़लय मे प्रजनाव ।  
च़े क्याह यूताह खौतमुत चावय ।  
ब चानि दादे सियाह सफ़ेद गोस,  
मे सीनु फोटमुत कोताह च़े बावय ।

गफलथ योद केंह गॅयम माफ कर तम ।  
व्वस रौच गॅयम मे वुदु सावय ॥  
लागान छख ज़न नु ज़ून मॉज ज़ानख ।  
च़ौल्य च़ौल्य सितम लॅग्य मे तावय ॥

प्रुछ येम्बरजलि वावस त कावस ।  
 त्वहि मा खबर कोत बोम्बुर द्रावय ।  
 अमाह तनुहा मे त्रॉविथ कोत गव ।  
 छेना लॅजिमुच पोशन मे क्रावय ।  
 बागु मंजु द्रामुत कॅरिथ सु छल ।  
 अपॉरिमि बागुच फुलया छावय ।

वुछुन तति ब्याखा ब्रॉठुय वोतमुत ।  
 दुह्य लद गगुर ह्यू वापस द्रावय ।  
 रोशि रोशि मंजु पोशि वारि चावय ।  
 आवय यॅम्बर जलि हंदि चावय ॥



## तोतु जोराह वारि चायि

तोतु जूस्याह दोरि आयि, वारि चायि नचॉने ।  
 हास्यन हंडे चेश्क् आयि । वारि चायि नचॉने ।

हास्यव वुछ यिवान दूरि, तिमय रोज़ायि चूरि ।  
 येम्य किन्त्य द्वशवय आसु शारि । वारि चायि नचॉने ।

हास्यव सूंच यिम किथु आयि, शकस गॅयि तय दारि किन्त्य द्रायि ।  
 वख मा आव तुलनु सवारि । वारि चायि नचॉने ॥

तोतव सूजुहख मॅजिमयोर, यि ओस सुय शोगु चोर ।  
 वुछनि लोगुख तॅल्य टारि । वारि चायि नचॉने ॥

पतु अन्यनु पानस निश, ख्यावुनाव्यन किशमिश ।  
 दोपनख तोतु आव निनि सवारि । वारि चायि नचॉने ॥

ग्वडु ब्रेमेयोव पानय, दोयिम हिश छि जानय ।  
 पनुनी तुलन ना अटुबारि । वारि चायि नचॉने ।

च्यथ दिच्चन सुत्य पानस, प्यठ पेयि जहानस ।  
 तोतु त्रावि ओश दारि दारि । वारि चायि नचाने ।

शोगन येलि वनिनस शॅछय, द्वनवय गयि सख ख्वशय ।  
 नचनि लजि बेहमव क्राारि । वारि चायि नचॉने ॥

ऑखुर आयि आमादय, कथु कस्यख न ज़्यादय ।  
 गॉमचु आसु यिम ति तारि । वारि चायि नचॉने ॥

हास्यव वोनहख वथ कॅम्प हॉववु, बेशूख्य पॉठी क्याजि ऑवु ।  
 दस्तु बस्तु रोज़हन सारेय हारि । वारि चायि नचॉने ॥  
 तोतव दोपहख ख्यनुक्य नु असि गम, अख अँकिस रटहव नम ।  
 अदय अंदुहन कामि सारि । वारि चायि नचॉने ॥  
 ख्वश गँयिना तिय बूजिथ हारि । बेछि प्यठ तिमु ताक् दारि ।  
 बेकूल द्रायि चरि बिचारि । वारि चायि नचॉने ॥  
 यिमु तेय आसु द्रामचु कालय । खबर कमि ताम खयालय ।  
 वदनि बेछि प्यठ कनुदारि । वारि चायि नचॉने ॥  
 कांटुरव ओसुख सूजमुत कोन, पानुति दिनि ऑस्य आमुत्य वोन ।  
 अथ्य सॉचस मंज ख्यथ नियि ब्रारि । वारि चायि नचॉने ॥  
 हास्यव ह्योत वायुन डोल, बूजिथ आव काव येनिवोल ।  
 दोपुख यवहय क्रूल खारि । वारि चायि नचॉने ॥  
 तोत ऑस्य आमुत्य खुरमन ह्यथ, सॉरी गँयि त्रप्त ख्यथ चथ ।  
 वुडनि लजि गॉन्ट ब्रारि । वारि चायि नचॉने ॥  
 छोट्य पॉट्य कँरुख पानुवॉन्प कथ, अख अँक्य संज गँयख सथ ।  
 वँथिव नेरव शाह सवारि । वारि चायि नचॉने ॥  
 हास्यन बूजिथ आव बहार, बुथ्यन खँचुख व्वशलुन्य खार ।  
 तिमव स्वनु संजु वॉन्क पारि । वारि चायि नचॉने ॥  
 हारि द्रायि तोतन सुत्य सवारि, पछ आयख नु खचख टारि ।  
 येमि किन्य आसु द्वनवय शारि । वारि चायि नचॉने ॥



## कुमिर तु कोस्तूर

वुछि थुय आवना सु कमि चावय ।

बु मा यि रोय तस पनुन हावय ॥

बु चूरि रोजस हकय तँमिसुय ।

तिक्क्याजि बोजन नु जांह म्यानि ग्रावय ॥

यत्न कस्योन कूत कुमिरि मनु नावनस ।

स्व मा कुमल्यस जिगरस तस तावय ।

अमाह पोज बास्योस यि ज़न शर्मन्द ह्युव ।

दिलन कस्योनस व्वन्य् व्वठ बु त्रावय ॥

मगर बृन्जिस मंज सु आस पानु ब्रोंह कुन ।

यि रठ अथु म्योन च्युय नतहय बु रावय ।

व्वथ थोद तु नेरव मंज पोशि वारे ।

बरव अँस्य् ति लोलाह तु त्रावव ग्रावय ॥

च्वपॉरी नज़र कर वुछ सोंबुल त बुलबुल ।

करान बोल बोशा छि कमि चिक् चावय ॥

कोस्तुस्च कुमरि वोन च्यु क्याह छुय मलालय ।

मे छुम लोल खँन्य् खँन्य् दिलस च़ेय हावय ॥

यि ऑस रुशिथ कुमिर कोस्तूरिस ।

तवय ऑस बडि बडि दिवान स्वय नालय ।

सपुद म्युल तिमन द्वन अज कृति कालय ।

करान अख अँकिस ऑस्य तिम क्याह सवालय ।

कथन वनतु अंद छा, पकान दोरि दुनियाह ।

चलान पॉन्य् पानय दिलन हंघ् मलालय ।



## नेन्दरि मोत

नेन्दरि मते कति पेयी मस नेन्दुर वनतस,  
रस लोगयो कमि वानुक पस कॅरथन वनतस ।  
नेन्दरि मते कति पेयी मस नेन्दुर वनतस ॥

चानि दादे परु पेमच दरं लजि मचं अँछ छस,  
खरु गछिहे येलि डेंशी, छोर सँदराह बरुहस ।

नेन्दरि मते कति पेयी मस नेन्दुर वनतस ॥  
लोलु बुछि ही चोन पकनुय, टकन नाबद किथु छुख,  
यिय अँन्दरी छुस दिलस, हावसुय चुय कडुतस ।

नेन्दरि मते कति पेयी मस नेन्दुर वनतस ॥  
गाश आसो सँच कॅर्य, कॅर्य प्रँच करसना चुय प्यख,  
वख छु नोजुक गछि नीरिथ, छँर्य बानय बरतस ।

नेन्दरि मते कति पेयी मस नेन्दुर वनतस ॥  
वक्ताह छुय रँफीका बखतु कथु करुनावान,  
तिछुय विजाह हॉविथुय, हेलिसुय ख्योल करतस ।

नेन्दरि मते कति पेयी मस नेन्दुर वनतस ॥  
दशि गंजन आस्तानन, मंदुरन ति कौरुन जूल,  
दय यॉरिथ गछिना कँह, गटि गाशा अनतस ।

नेन्दरि मते कति पेयी मस नेन्दुर वनतस ॥  
तनु रुजुय अँथ्य सँनिथय, दोपुन वुन्य वुन्य अँछ फूरुम,  
कोरनम रुत इशाराह, य्वहोय मालि पोज नीरिनस ।  
नेन्दरि मते कति पेयी मस नेन्दुर वनतस ॥



## माय सर्दु सर्दय — (हिकचि बॉथ)

माय      सर्दु    सर्दय,            तस नॉय दर्दय ।  
अति    ऑसिन पर्दय ।      तस नाय दर्दय ॥  
मायि ऑसुस मंज छाय,  
तथ्य् क्वमु कॅरिथ द्राय  
सोंतस सपदुस हरुदय ।  
                 तस नॉय दर्दय ॥

दर्दिल पॅज़य गॅयि सोंतुक्य गुल,  
फोलरावान छी यिमय दिल ।  
नतु छि सिर्फ गर्दय ।  
                 तस नॉय दर्दय ॥

रॅफीकन छु म्वहबथ,  
करान तिमय रफाकथ,  
जॅन्य् ऑसिन या मर्दय,  
                 तस नॉय दर्दय ॥

दर्दिल गव बोनि शुहूल,  
शिलि शेहजार बिल्कुल ।  
नतु च्वपॉस्थ जर्दय,  
                 तस नॉय दर्दय ॥



आकॉश्य अनेन तारख रॅटिथ,  
म्वछि मंज तॅस्य कित्य, थावेन खॅटिथ ।  
गिंदुन द्युतनस नर्दय,  
तस नॉय दर्दय ॥

जांह कस्योन न जेर जबर,  
विजि विजि बस्योन लोलाह जबर ।  
फेक्यन वॅजिनस फर्दय ।  
तस नॉय दर्दय ॥



## अख कथ

अख कथ आसान स्यठाह रँसिल,  
ब्याख कथ फुटरान सोनुय दिल  
दिलनुय किल दिच्चु ऋचि कथे ।  
दिलनुय गुल फोल्ड रुचि कथे ।  
वाह—वाह, वाह—वाह कथन तॉसीर ।  
कांह कथ करान छय ना गीर ॥  
ऋच कथ मँशिराव पख च्युय ब्रॉठ ।  
अदु दिल खेयी न विजि विजि चोट ।  
दिलसुय खस्तु करान कांह कथ ।  
पतु छय नु यीवान कुंनि अथु—वथ ।  
अकि कथि अस्मॉन्य वुछ तु वुफुनॉव्य ।  
बैयि कथि कोताह पथर पॉव्य ।  
सूचिथ समजिथ करुवय कथ ।  
तँथ्य् छव यियि न कांह शकायथ ।  
कथि तय कथि मंज कोताह फेर ।  
अख करान सेर तय ब्याख अनान जेर ।  
सतन ताहन ऋच कथ अँथर पावन ।  
फुतु फुतु द्वतु द्वतु कँरिथ त्रावन ॥  
ऋच कँथ्य ! रोजतय अन्दरुय च्युय ।  
नतु हय करख परेशानुय ।  
रुच कथ तगि करुन्य तु छु नु काँह गम ।  
तँथ्य् कथि फ्वलन गुलि बादम ॥  
हतय जेव्य ! प्रापथ पेयिनय रुच ।  
येमि सुत्य नेरी जेव्य रुच जुच ॥



## यँम्बुर जल छि तोशन

यँम्बुरजल छि तोशन ! करुहय मालु पोशन ।

छनुहा नॉल्य् बोम्बूरस ।

अदु मीठ्य दिमुहस शबनम्य शबाबस ।

दोपनस ब दादि चानि ऑसिथ सफेद सियाह गोस ।

रुशिथ च्चु क्याजि बीठुख तवु किन्य बो फना गोस ।

रुदुख च्चु दूरे दूरे, जागान बु च्चूरि च्चूरे ।

गछुनम मुराद कर पूर, वनतम च्च पान बोम्बुरो ।

छम हय चॉन्य् मे यँच कल, र्वय हाव तमी जल जल ।

मतय नेरतम कँरिथ छल, छमनय खबर चै क्याह वल ।

बोम्बुर बु छुस अजाबस, र्वय हाव तँली निकाबस ।

मसवँल्य लगय शबाबस, यियि ह्वास तैली बेताबस ।

येलि बूज यँम्बुरजले यी, अदु बोज स्व कूत नु फ्वले ।

द्वनवय बीठ्य रले, व्वन्य् नो यँम्बुर जांह चले ।

थँचिमुच यँम्बुरजल ओश हॉस्य हॉस्य ।

व्वथरिथ मा जांह म्यॉन्य् अँश्य टॉस्य ।

अदुबी व्वन्य च्चुय करुम मे माफ ।

येति योर करि व्वन्य ताफुय ताफ ॥



## रतय अथव लीख्य शार

यनु रॉव रेश्य वॉर तनु प्यव ज्यतय,  
रतय अथव लीख्य शार ।  
वुम्बरि मशि मा यस प्यव व्यतय ।  
रतय अथव लीख्य शार ॥

त्रावुन्य पेयि कम गरु तय बार,  
सपदिय कॉत्याह अँस्य लाचार ।  
देवानु गँयि ना मुसीबतय ।  
रतय अथव लीख्य शार ॥

चेंटुख रेशन सुती कॅट,  
पनुन्य थॉवुख बैरिथ मॅट ।  
यिहय कथ वॅनितव मतय ।  
रतय अथव लीख्य शार ॥

वैह्य वह्य गुदुरुन कस वनव,  
कोताह सना अँन्दरी तनव ।  
स्वरान स्वरान यीवान गतय ।  
रतय अथव लीख्य शार ॥

पूसीदय गॅयि ना जिगर,  
अख अँक्य सुंज रुज नय खबर ।  
कँरिखना वॉरानतय ।  
रतय अथव लीख्य शार ॥

पोजुय पजान आलम दजान,  
साजाह वॉयिथुय सोज ग्रजान ।  
वह्य कमव रावुर सोन खालुखतय ।  
रतय अथव लीख्य शार ॥

सितम गरन अँस्य क्याह वनव,  
कोताह अथ अँसी सनव ।  
कँरख असे कयामतय ।  
रतय अथव लीख्य शार ॥

कति तिम पननि वतनक्य बाग,  
यिमनुय वुछिनुक कोताह राग ।  
ज्यनय जायि हुंद अमारतय ।  
रतय अथव लीख्य शार ॥

करान ऑसुस कथ तान्य संज,  
कँडिथ छुनिख रेश्य वारि मंज ।  
हतय बूजितव अफसानतय ।  
रतय अथव लीख्य शार ॥

## लोलुच वुजिन्य

फट्टनस आमत्त्य सारिनुय दिल,  
यिय तन मतु जांह स्व विल।  
रोतुल्य गयि येलि भयानक क्रकय ।  
रतय अथव लीख्य शार ॥

लोलुचव वतव नेरान ऑस्य्,  
लोलय चकरन फेरान ऑस्य् ।  
तारि दिल गॅयना कति तिमु वतय ।  
रतय अथव लीख्य शार ॥

कॅरिखना अॅस्य् बेगरय,  
तन ति कोताह पेयी परय।  
कर तल वॉयिथ खूनस दतय ।  
रतय अथव लीख्य शार ॥०

वॅन्यतोख कुस बा मोकुल चोवु,  
पानु ति क्याह सना प्रोव वु।  
माजन कस्चख ल्वलु छचतय ।  
रतय अथव लीख्य शार ॥०



## बुलबुल छि इन्तिज़ारस

बुलबुल छि इन्तिज़ारस, गुल कर फ़वलन बहारस।  
निशात शालमारस, यियि कर बहार वेसिये ।

येंम्बुर ज़लय फ़वलनय, बौम्बूर व्यूर तुलुनय।  
जोरे वलसुनय क्याह । यियि कर बहार वेसिये ।

दिल छुय यिवान करारस, डल सॉलकिस नज़ारस।  
फिर चाय समावारस । यियि कर बहार वेसिये ।

कुल्य् कॅट्य छि बरजस्तय, निगीन, निशात बस तय।  
तति शोक सान नचतय । यियि कर बहार वेसिये ।

वॅल्य् वॅल्य् तरुहव तारस, स्वनु लॉन्कि सब्ज़ारस।  
यियि प्रुछतु तस निगारस । यियि कर बहार वेसिये ।

पुछतय गुलन हुसुन क्याह, ख्वश पॉठ्य मस छि यकजा।  
बुति मस य्वहय चमुहा । यियि कर बहार वेसिये ।

कोस्तूर्य कुमुर्य बोलन, चरि हारि क्याह छे शोलन।  
लोलस तिम त्रकरि तोलन । यियि कर बहार वेसिये ।

लंग लंजि पोशव बैरिथुय, हर्दय प्यवान हॅरिथुय ।

कुस क्याह हैकि अथ कॅरिथुय ।

यिय कर बहार वेसिये ॥



## व्यसथापन

हारि दप्योम वनु तारतम गरय  
शानुनय प्यठ कुनी वुफे  
गॅछ्य तनयी म्योन ज़रु ज़रु चैय  
व्वटि नितुमी मॅन्ज्य ग्वफे  
सूंचुम मगर करि क्याह यि बिचौर  
क्याह वनस हैकिमु मॅच गॉमुच छस बु  
दौर यान्य मुचुरुम आयम ब्रोंह कुन  
दारि ओश वसान वुछ तमि मे कुन  
प्रुछमस च़ु क्याजि छख यि वदान  
तोरु दोपनम कथु तुहंजय छस मंदान  
सारिनुय कोताह ओवु त्वहि बनिथुय  
यिय छुम गोमुत अँन्दरी सॅनिथुय  
तवय तु छस व्योठ ओश हारान  
रेशवारि तरुनस छस प्रारान  
शानन अथु सुत्त्य द्युतमस फेशाह  
म्योंनी पॉठ्य त्रोवुन बोड व्वशाह  
वोननम मन्त्र अख छुमय कमोवमुत  
दामु दामय छुम य्वहय चोमुत  
सुय दिमय चैति वन्य चोन ।  
तथ नु किन्ही छुय ह्योन द्योन



चथ बनख च्युति ल्वकट म्वकटय हॉर  
 तारथ सुत्य् करुनावथ सॉर  
 वुफि पनुनुय गरु येति नखु यॉर  
 यथ वनान रेशवॉर  
 या छि पिरु वॉर ॥



## व्यतरावुन वन छा यि सॅहल

लॅर ऑस शालमॉर अॅन्ध् अॅन्ध्  
 बोनि बाग ज़न ओस स्वर्गु महल ।  
 वह्य य्वहय न्युव कॅम्प तान्य्  
 थफ दिथ कॅरिथुय क्याहताम छल ॥

व्यतरावुन वन छा यि सॅहल ॥

रोवना सुय ओल, द्वख ति कोताह चोल ।  
 सीनन तुल्य् तुल्य् नियना दयल ।

व्यतरावुन वन छा यि सॅहल ।

हॅस्य् पान वॅस्य् प्यव, दछि रॉन्टि वर ख्यव ।  
 स्वनु बुथिनुय् गयि ना सरतल ।

व्यतरावुन वन छा यि सॅहल ॥

ज़खमन दग वॅछ तमाशि वुछिनि आयि मॅच ।  
 हॅच्य् खेयि कॅम्प सना कोर अदलु बदल ।

व्यतरावुन वन छा यि सॅहल ॥

लोलुच वुजिन्य

नय रूद दर कुनि नय देवार,  
दँछिन्य तु खोवुस्य रतु फम्वार ।  
चवापॉस्य नार लोग तु प्यतु पैयि बँड्य पल ॥  
व्यतरावुन वन छा यि सँहल ॥

अपारि प्यतु नार तोर सुत्य ह्यथ वाव,  
दिगु दिनि आयिना पांचाल्य काव ।  
थपि थपि माज प्यव, खेयख छल छल ।  
व्यतरावुन वन छा यि सँहल ॥

कमव वतुवुय नेरुन प्यव,  
कंडिवुय पैठी फेरुन प्यव ।  
वति आयि पॅक्य पॅक्य मंजु खयि तु डल ।  
व्यतरावुन वन छा यि सँहल ॥

इन्साफा ति मा कौरुख कांह,  
ख्यावुनाविख रेश शींकियाह ।  
हॉविथ द्युतुख पनुनुय ब्वजु बल ।  
व्यतरावुन वन छा यि सँहल ॥

हटि नय वसान छि यिम बतु फॅल्य  
दाघन दवुहन खॅत्यना हेल्य ।  
वीरि हुन्द द्वदुर चाव, पैयि करतल ।  
व्यतरावुन वन छा यि सँहल

बाँय ऑस्य पनुनी यिम मॉनिमुत्य,  
जांह मा ब्योन ऑसी जॉनिमुत्य ।  
पय छुनु यि कमव तुल युथ मरहल ।  
व्यतरावुन वन छा यि सँहल ॥



## दग

यथ दिलस छिम दाग काँत्याह रागु गरिके क्याह वनय  
बाग फोल्यामुत्य् आँस्य च्वपाँस्य छावुहा तिम क्याह वनय ॥

पनुनि बागुक लोल आमुत युस मे सगुनोव खूनु सुत्य ।  
वारु वुछि हा बैयि दुबारय, तिय मे तेलान क्याह वनय ॥

छायि गित्य् छिम मेंज्य गछान लोंचि लमान छुम मा काँह ।  
तमि बागुक्य् बोम्बुर यँम्बुरजल, मा मे छारान क्याह वनय ।

पोशव वोनहम क्याह दमा बेह, लोलु बैस्य् आँस्य बे पनाह ।  
दोपमख बेहनस वार छुम नु लार कँरहम क्याह वनय ॥

कुम्युर कोस्तूर प्रारान मे दमु दमु, लंजन प्यठ गॉमुत्य ज़न कँल्य् ।  
होल होल पँकिथ दानु तिम छारान, चोकदारि प्यठ क्याह वनय ॥

दारि प्यठ बिहिथ ज़न गरि पनुने, पोशिवारि लोल चशमव वुछान ।  
स्वय विजाह याद कँस्य कँस्य, जिगर कतुरान क्याह वनय ।

चोल कूताह सारिवुय तनु, यनु सपदेयि आँस्य् बै गर ।  
स्वख ब्यूठ मा काँह ति तनु, बानु गँयि ठानु वँथ्य क्याह वनय ।

महल खानन सानिनय आँस्य, खूनि जिगरक्य जालार नाँल्य ।  
वूनिमुत्य् किथु ज़ूनु गाशस, बैयि पॉरेमुत्य् क्याह वनय ॥

लोलुच वुजिन्य

कँतिजि कोस्तूस्य बोलि करान, किथु कँन्य तूल्य तूल्य ।  
कनुदारि डबि प्यठचे, सुबु सुबहॉय क्याह वनय ॥

सीरु फुट्टजे यीरु गँयिना, यीरु गँछिथुय लजि छारन छम्बन ।  
तमाशि गीरव दकुहन दिथ, ब्रोन्ह पकुनाव्यख क्याह वनय ॥

कूत ज़हर चव कूत कँहर गव, तमि पतुति थोव पान खड़ा ।  
सीनु सिपराह कांह मा द्राव, हावु बावाह क्याह वनय ॥

मँत्य गँयि अँस्य सँच कँस्य कँस्य वुफि पनुन गरु गछ्हॉव ।  
तावि प्यठ छु जिन्दु गुरनन, नार तावा क्याह वनय ॥

गरु ति नीख गरुवेठ ह्यथ, कूत चोल रेश्यवारि हंघव द्वख ।  
बेयि मॉज शारिका, टॉठ रॉगिन्या, तनु ति मा डीठ क्याह वनय ॥

रुमु रुमुनुय दग व्वथान, स्वय किथु छि ललुवान ।  
खाबुय वुछिहॉव पननि वतनुक, ज़यत फेटाह क्याह वनय ॥



## नूर फ्वलि आलमस

तिम दोह छिनु कुन ति दूर, नूर फ्वलि आलमस ।  
 कनव बूजुम रुच शैछ पूर । नूर फ्वलि आलमस ।  
 रोवमुत छुना असि सोबूर, यनय शेत्रव खेयि सॉन्य वस ।  
 जहरु प्यालु वन्य गछन दूर । नूर फ्वलि आलमस ।  
 कमव कॉतिलव तुल असि ग्यूर । येमि किन्य सॉरी गॅयि बेबस ।  
 अथरोट कोर पतु दयिनुय पूर । नूर फ्वलि आलमस ।  
 अर्मान सारिनुय नेरन पूर, अद यिमव अँस्य व्वलसुनस ।  
 सोम्बुल्य पोशस फ्वलिना टूर । नूर फ्वलि आलमस ।  
 साजाह पानय वायि संतूर, जांड चलि अस्मानस ।  
 दपान अज छु होस नेछतूर । नूर फ्वलि आलमस ।  
 हेरिम मेहर ऑस असि पूर, दाग लोग नु दामानस ।  
 त्रुवशी जूनाह फौजी पूर । नूर फ्वलि आलमस ।  
 सितमगरन वँस्यतन गरुर, जिंदय यिमव मॉर्य मंज बाजरस ।  
 पायस पेयतन तुल यिमव ग्यूर । नूर फ्वलि आलमस ।  
 हर्दुन्य दोह गछन जलदुय दूर, बेयि व्वथि दस बहारस ।  
 गाश यियि अन्यन द्वख गछन दूर ।  
 नूर फ्वलि आलमस ।



## वलु करवना अँस्य दुहाँयी

वलु करवना अँस्य दुहाँयी, स्व बादशाही बेयि वुछि हव ।  
पनुन्यन गरनुय करान अँस्य शॉही । स्व बादशाही बेयि वुछि हव ।

तति अँस्य छकान म्वखतु वतुनुय, येति नो कांह असि ब्रॉह पकान ।  
प्रथ तर्फ वुछ क्याह तबॉही । स्व बादशाही बेयि वुछि हव ।

गीर गॉमुत्य् तीर लॅग्यमुत्य्, दॉद्य पनुनी कस वनव ।  
बोजि कुस सॉरी छि वॉही । स्व बादशाही बेयि वुछि हव ।

वँस्यु पेमुत्य् थज़रु प्यठय, नज़र ति गॉमुच कमज़ोर ।  
गमव चँट्यमुत्य् रॉव ना शॉही । स्व बादशाही बेयि वुछि हव ।

राजि अँसिथ हाशि गँयि ज़न, कॉन्सि मा कँस्य अज़तान्य याद ।  
बोय करान ओस बॉयिसयु व्वफॉयी, स्व बादशाही बेयि वुछि हव ।

गरि छकान अँस्य पोन्याह मलुच्यव, येति अज़ पाँ कतरन ताम लार ।  
वारु बूजितव यि छेना गदॉयी । स्व बादशाही बेयि वुछि हव ।

द्वख ज़द कॉत्याह गॅमत्य् अँस्य, क्याह करव तय कुस बोजि सोन ।  
ख्वदहय हाविहे रच ख्वदायी । स्व बादशाही बेयि वुछि हव ।

ख्यनस कॅमी मा ज़ांह ति असि गँयि, तमि पतु ति परछेन्य कृत्य अँस्य गय ।  
नाल वलुने आयि तनहॉयी । स्व बादशाही बेयि वुछि हव ।

अँकिसुय गरस गँयि चोर चोर गरु, तमि किन्य ति दूस्वर स्यठा गव ।  
 ऑल्य पनुन्य रॉव्य कँर फिदाँयी । स्व बादशाही बेयि वुछि हव ।

वल करवना अँस्य दुँहायी ।  
 स्व बादशाही बेयि वुछि हव ।



## वैसि कुन

तलय वैस्य तेलिकी पॉठ्य यितु राथा,  
 साथा करुहव कथा बाथा ।  
 फचि मचि वॉलिंजि मेलिहे राहथा ॥

साथा करुहव कथा बाथा ॥

मेलुहव तु दिमुहव कथुनुय अँस्य दल,  
 नव्यून प्रान्यून तय ताज़ु नुय ।  
 सीनु बु सीनु करुहव मुलाकाथा ॥

साथा करुहव कथा बाथा ॥

प्रॉनी पॉठिन नचुनाह करुहव,  
 वचुनाह तुलहव लोलु कुय ।  
 गिंदन गरिनुय दिमुहव माथा ।

साथा करुहव कथा बाथा ॥

लोलुच वुजिन्य

काल्य वन्य् मेलुहव मेछि कथु तोलुहव,  
नेरुहव मॉलस सॉलि डलस ।  
तेल बॅल्य् फेरुहव रुत बनि साथा ।  
साथा करुहव कथा बाथा ॥

पानु वॉन्य् अख अँकिस बरुहव लोलाह,  
असनुक तु गिंदनुक करुहव संज ।  
यिक्वट गुजरावुहव अँस्य राथा ।  
साथा करुहव कथा बाथा ॥

करसना यिन बेयि तिथी हिव्य् दोह,  
नविसरु मारुहव प्रॉन्य् पॉट्य् छवह ।  
अडुवरु गॉमुत्य् छनु व्वन्य् ब्रांथा ॥  
साथा करुहव कथा बाथा ॥

प्रारान छस च़ेय, यिखना लारान,  
हारान अँछिवुय खूनि बारान ।  
अथवास चोन आसि नॅन्य करामाथा ।  
साथा करुहव कथा बाथा ॥

मीलिथ पानु वॅन्य् बोस फॉफ़लावुहव  
अख अँकिस चावु हव आबि कवसर ।  
सीनु असि ल्वतु हन मेलि हे फरहथा ॥  
साथा करुहव कथा बाथा ॥





## दिलस लॅज जीर

छिहम दर्दिल च़ साथ रोज़ तु वेसिये,  
दिलस लॅज जीर गॅयस रुम बोज़ तु वेसिये ।  
लग्यस किथु वाठ च़ पॉगाम सोज़ तु वेसिये ।  
दिलस लॅज जीर गॅयस रुम बोज़ तु वेसिये ।

यि ललवुन ओम प्यालय वन छुना ज़न,  
लग्यस यौद ग्राय पतु अँथ्य मा छु यीवन ।  
बरुन वायय गछि अथ मायि वेसिये ।  
दिलस लॅज जीर गॅयस रुम बोज़ तु वेसिये ।

रछुन दिल कॉन्सि हुंद छय अख इबादथ,  
न वातान ज़ख़ दिलन सपदान रफ़ाकथ ।  
सदा कथ राज़ि दिलची यिहय छि वेसिये ॥  
दिलस लॅज जीर गॅयस रुम बोज़ तु वेसिये ।

छु दिल फुटनुय अज़ाब कूत, अँथ्य च़ सनतम,  
कवय संबलुनय यियि तिय च़ वनतम ।  
अदय सेकिलिस बनान सबज़ार वेसिये ।

दिलस लॅज जीर गॅयस रुम बोज़ तु वेसिये ।

गछन आसुन्य रँफीक तय बेयि चुक्य़दार,  
यिमय अथ ग्राय लगनस बनुहन गमख़ार ।  
तेले बानन मा अलुहन ठानु वेसिये ॥

दिलस लॅज जीर गॅयस रुम बोज़ तु वेसिये ।

म्वलुल छुयना रछुन क्रूठ दर जहानय,  
छु वॉजिब रॉछ करुन्य् अथ अंद तामय ।  
तैले वजान छय अमिचय तारु वेसिये ।

दिलस लेंज जीर गॅयस रुम बोज तु वेसिये ।

छिहम दर्दिल च साथा रोज तु वेसिये ।  
दिलस लेंज जीर गॅयस रुम बोज तु वेसिये ।



## वनतम चोको

वनतम चोको कुस छुय चे प्राह,  
अँती छुख शाह तय अँती गदाह ।  
ख्वश छुख वुछख येलि बॉच ख्योला,  
अँती छुख शाह तय अँती गदाह ।।

दोपुन अँती छिहम लिवन तय डुवन,  
अँती छिहम करान लतु लिवन ।  
पानस चे तकसीर मे नय कांह राह ।  
अँती छुस शाह तय अँती गदाह ।

चोरि तर्फ बानन थफ छख दिवान,  
अदल तय बदल छिहम अनान ।  
वनतम आगुबॉय क्याह छुम खताह ।  
अँती छुस शाह तय अँती गदाह ।।

पानस तान्य छुय च़ेय सोरुय,  
 कथि म्यानि प्यठ करतु च़ुय गोरय ।  
 थपु थारि कामि छा कांह सिफथा ।  
 अँती छुस शाह तय अँती गदाह ॥

मॉलिख च़ु पानय ब्याख छुनु कांह,  
 सुत्थ् सुत्थ् आसतम करान गँज गाह ।  
 बु ति रोज़ु सँजिथय च़े ति वाह वाह ।  
 अँती छुस शाह तय अँती गदाह ॥

बरान आसतम च़ुय लोल तय माय,  
 शुस्चन त बाँचन कांछय आय ।  
 हाय वाल जॉज्य् कास तुलतु लछुलाह ।  
 अँती छुस शाह तय अँती गदाह ॥

कोरहस ज़लुस्च जॉजव ति बुय पस,  
 पानस ति काँचाह छय खसान नस ।  
 शेरतम तु पॉरतम अदु बु शोलुहा ॥  
 अँती छुस शाह तय अँती गदाह ॥

बडि दोह रुति दोह छुम हुरान बाव,  
 वाज़वान लगनु किन्थ् छुम बडान चाव ।  
 अदु येलि मनावुन आसि व्वछुबाह ।  
 अँती छुस शाह तय अँती गदाह ॥

व्रत येलि आसि तेलि छम खसान शान,  
 श्वद तु साँदुर्वार पदारँच छे बनान ।  
 श्रोचि श्राणि सपदान छे रनुप्यवाह ।  
 अँती छुस शाह तय अँती गदाह ॥

लोलुच वुजिन्य

नवरेह, हेरथ, पुणिम तु मावस,  
ऑठम, त काह बैयि अन्तुच्चदा।  
श्रावन पुणिम, नवदुर्गायि हुंद चुर्य ग्युशाह।  
अँती छुस शाह तय अती गदाह ।

अदु येलि आसन खांदर खुंदर,  
जन्म द्यन तय हवन गरस अंदर।  
छुम करान ख्वश कोताह सु चर्चाह,  
अँती छुस शाह तय अती गदाह ॥

ह्यस द्युतथम छसय शुक्रगुजार,  
बँय चॉन्य् हेच छस थवथ शूबिदार।  
मायि चानि 'मोहनन' वोन इशाराह।  
अँती छुख शाह तय अँती गदाह ॥



## पर्दु तॅल्य् दर्दु ओश

पर्दु तॅल्य् दर्दु ओश कवु हारान छुख ।

कसुन्दि दादि च्य पान मारान छुख ।

व्वथरी ओश कुस येति च्येय स्यजरा कूत चोमुत छुय  
खूनस छुय अज पोन्थ मिलनॉविथ, कवु च्य दिल कतरावान छुख ।

पर्दु तॅल्य् दर्दु ओश कवु हारान छुख ।

सोंच कर व्यचार कर, अज नो कांह कॉन्सि हुंदु  
रंग छु जमानन बदलोवमुत, वन क्याजि सों बुम्बु चारान छुख ।

पर्दु तॅल्य् दर्दु ओश कवु हारान छुख ।

व्वथ थोद त्राव सोंचुन नतु यिनु लॉरिथ गछनय कोठ्य  
नखु मा यियी कांह ति अखा च्येय, वनतु च्य येति क्याह येरान छुख

पर्दु तॅल्य् दर्दु ओश कवु हारान छुख ।

अमि ओश त्रावनु लेंश लगान छय, बोस ति अमि सुती ल्वतान छुय ।  
कवु कोरुथ दिल खस्तु च्येय कवु खूनि जिगर हारान छुख ।

पर्दु तॅल्य् दर्दु ओश कवु हारान छुख ।

येति तते पींत्यन रचन, हिसाब छुन छुय पानुसय ।  
लछ मु कर बॅल्य पॉन्थ पानस, तस दि यस दारानु छुख ।

पर्दु तॅल्य् दर्दु ओश कवु हारान छुख ।

लोलुच वुजिन्य

हैछ दिलस छुन च़ तसली, युथ ब्रोंठकुन त्रावख कदम।  
त्युथ रफीका छा च़ै कांह, वतु येम्यसंजय गारान छुख।  
पर्द तैल्य् दर्द ओश कवु हारान छुख।

अछ अंदर कुन दम च़ रठ, ओर योरची कल च़ त्राव।  
हमदमाह मेलुन छु क्रूठुय, कोनु पानसुय च़ गारान छुख।  
पर्द तैल्य् दर्द ओश कवु हारान छुख।



## मौत खौतमय प्यठ बालन

मौत खौतमय प्यठ बालन, लालन मालु करने  
प्रारान छसस संगरमालन लालन मालु करने ।

च्यथ मे दिचुम सुत्य पानस, गिंदहा सुत्य जानानस ।  
मस गौमुत पनुन्यन सु हालन । लालन मालु करने ॥

दप्योम बाल बु ति खसहा, मायि तँस्य वँन्य् दिमहा ।  
दूरि वुछिहसना चालन । लालन मालु करने ।

द्रामुत मा छुम रुशिथ, अन्य्स ना कांह मनुविथ ।  
मायि मस बैरिथ छुस प्यालन । लालन मालु करने ।

लुक ह्यौतुय छुख रछान दिल, दय कँस्यनस हलि मुशिकल ।  
अन खैयतन स्वनु थालन । लालन मालु करने ।

पूशितनस यिहय ओंही, वुडान रुजिन हवॉयी ।  
रद तु बद दूर शालन । लालन मालु करने ।

बड बुकय छस आमच, कँम्य जालन वँजिमच ।  
वँन्य् छस दिवान शालमारन । लालन मालु करने ।

स्वनु म्वख्तस कँस्यतन तूल, दय थॉविनस ज्ञानुक जूल ।  
बँस्य बँस्य न्यामँच छे थालन ।  
लालन मालु करने ।



## कनु दरि प्यठ हॉर

कनु दरि प्यठ हॉर सोंचान चावय, आवय पोशन बहार ।  
 बुति बाग वसुहा ग्वडु तन नावय । आवय पोशन बहार ॥  
 पतु बागस मंज बु लरा त्रावय, रँटिथ मसवलि हुंद अनहार ।  
 हारि मा तोतु यियि पान पॉरावय । आवय पोशन बहार ॥  
 मेछि कथु तोलव छुना शुर्य बावय, शबनमुक ज़न शौहजार ।  
 हॉर मैलि तोतस करन लोलु ग्रावय । आवय पोशन बहार ॥  
 लोल पोश द्रामुत्य वारि क्याह बावय, हारि दोष तोतस कर इज़हार ।  
 फुलुयाह छावव स्वय याद पावय । आवय पोशन बहार ॥  
 बोसाह पनुनुय बुति लोचरावय, व्वंदुसुय यियम करार ।  
 शौहलावय ना दिलकुय तावय । आवय पोशन बहार ॥  
 व्वंजिसुय मंज पोशिनूलाह आवय, मस नैन्दरे गौमुत बेदार ।  
 अँछ मूस्च—मूरी शोक वारि चावय । आवय पोशन बहार ॥  
 नज़रा दिथ वारि, ह्यस तस आवय, बूल्याह कँरुन ख्वश गुफ़तार ।  
 दोरि द्राव जोरि निश, ह्येथ आस चावय । आवय पोशन बहार ॥  
 बागस वुछित्तव खौतमुत चावय । गुलनुय क्याह खुमार ।  
 बुलबुल लंजन प्यठ करान ग्रावु ग्रावय । आवय पोशन बहार ॥  
 सौम्बुल्य दोष यम्बरज़लि बाग मुशिकावय, थनु पेयि गुलि अनार ।  
 गुलि अनारस लागि तुलु त्रावय । आवय पोशन बहार ॥





## ल्वति ल्वति यिनुसुय

ल्वति ल्वति यिनु सुय गरुया स्वनु सुन्जु र्वनि  
 म्वन्य दिमुयो र्वनि ग्वडुनुय हा च़ेय ।  
 श्र्वन्य करान र्वनिनुय बेहतम ब्रॉह कनि  
 म्वन्य दिमुयो र्वनि ग्वडुनुय हा च़ेय ।

थलि थलि वुछिथुय शेहलथ पेयम हा मनि,  
 रुम रुम पनुनी वंदयो च़ेय ।  
 युन चोन श्रावनु शीन ललवथ हा ख्वनि ख्वनि,  
 म्वन्य दिमुयो र्वनि ग्वडुनुय हा च़ेय ।

हावस छुम हा चोन दर्शुन कर सँ बनि,  
 येंचकाल यूत क्याज़ि लोगुथ च़ेय ।  
 दिल वुफल वॉल्य तय लोलस गॅयम हा ग्वनि,  
 म्वन्य दिमुयो र्वनि ग्वडुनुय हा च़ेय ।

म्वख्तफोल अनिगटि छा यीवान वनि  
 च़ेतु के प्रकाश ट्रेंठ आम मे,  
 यी केंह अथि आम खुरुमन तेंथ्य हा बनि,  
 म्वन्य दिमुयो र्वनि ग्वडुनुय हा च़ेय ।

वोन मे दिच़ोमय सनि तय वोगुनि,  
 वोन दिथ नोन मा लबुनु यियि केंह ।  
 लोल नार च़ोहुम त लोबुमख मंजुय हा मनि,  
 म्वन्य दिमुयो र्वनि ग्वडुनुय हा च़ेय ।

लोलुच वुजिन्द

अथि आहम तिथु अथि आयिसय नु कुनि,  
डुंगुलुनि डुंगु दिनि कवु हेछि मे  
वुछान कृत्य रुदय लाल खोरुम येलि ख्वनि।  
म्वन्य् दिमुयो र्वनि ग्वडुनुय हा ज़ेय ।

सालु यितु दूऱु फलि, यिनु पतु दोह डलि,  
कलि चानि प्रारान छसु यो बुय।  
बालकृष्ण ललवुहथ सातु सातु ज़ुय हा ख्वनि।  
म्वन्य् दिमुयो र्वनि ग्वडुनुय हा ज़ेय।









मोहिनी कौल